

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事臣黃國琦較釋

將帥部 三十二

忠第二

晉閩鼎行豫州刺史事屯許昌遭母喪乃於密縣間
鳩聚西州流人數千欲還鄉里值京師失守秦王出
奔密中司空荀藩藩弟司隸較尉組及中領軍華常
河南尹華蒼在密縣建立行臺以密近賊南趣許穎

司徒左長史劉疇在密爲塢主中書令李暉太傅參軍騶捷劉蔚鎮軍長史周顛司馬李述皆來赴疇僉以鼎有才用且手握疆兵勸藩假鼎冠軍將軍豫州刺史蔚等爲叅佐鼎少有大志因西土人思歸欲立功鄉里乃與撫軍長史王毗司馬傅遜懷翼秦王之計謂疇捷等曰山東非霸王處不如關中河陽令傅暢遣鼎書勸奉秦王過雍陽謁拜山陵徑處長安綏合夷晉興起義衆尅覆宗廟雪社稷之耻鼎得書便欲詣雍流人謂北道近河懼有抄截欲南自武關向長安疇等皆山東人咸不願西入荀藩及疇捷等並

逃散鼎追藩不及暉等見殺唯顛述走得免遂奉秦王行止上雍爲山賊所襲殺百餘人率餘衆西至藍田時劉聰向長安爲雍州刺史賈疋所逐走還平陽疋遣人奉迎秦王遂至長安而與大司馬南陽王保衛將軍梁芬京兆尹梁綜等並同心推戴立王爲皇太子登壇告天立社稷宗廟以閭鼎爲太子詹事總攝百揆梁綜與鼎爭權鼎殺綜以王毗爲京兆尹鼎首建大謀立功天下始平太守麴允撫夷護軍索綝並害其功且欲專權馮翊太守梁繡北地太守梁肅並綜母弟綝之姻也謀欲除鼎乃證其無君之心專

戮大臣請討之遂攻鼎出奔雍爲氏竇首所殺傳首長安

周馥爲東將軍都督揚州諸軍事觀群賊孔熾維陽孤危乃建策迎天子遷都壽春永嘉四年與長史吳思司馬殷識上書曰不圖厄運遂至於此戎狄交侵畿甸危逼臣輒與祖納裴憲華譚孫惠等三十人伏思大計僉以殷人有屢遷之事周王有岐山之徙方今王都罄乏不可久居河朔蕭條嶠函險澁宛都屢敗江漢多虞於今平夷東南爲逾淮陽之地北阻塗山南抗靈嶽名川四帶有重險之固是以楚人東

遷遂宅壽春徐邳東海亦足成禦且運漕四通無患

空乏雖聖上神聰元輔賢明居儉守約用保宗廟未若相土遷宅以享永祚臣謹選精卒三萬奉迎皇駕輒檄前北中郎將裴憲行使持節監豫州諸軍事東中郎將風馳卽路荆湘江楊各先運四年米租十五萬斛布絹各十四萬疋以供大駕今王浚苟晞其平河朔臣等勦力以啟南路遷都弭寇其計竝得皇輿來巡臣宜轉據江州以恢王畧知無不爲古人所務敢竭忠誠庶報萬分朝遂夕隕猶生之願東海王越與苟晞不協馥不先白於越而直上書越大怒

祖逖爲鎮西將軍豫州刺史公私豐贍士馬日滋方當摧鋒越河掃清冀朔會朝廷將遣戴若思爲都督逖以若思是吳人雖有才望無宏致遠圖且已剪荆棘收河南地而若思雍容直來統之意甚怏怏且聞王敦與劉隗等構隙慮有內難大功不遂感激發病乃寄妻孥汝南大木山下時中原士庶咸謂逖當進據武牢而反置家險阨或諫之不納逖雖內懷憂憤而圖進取不輟

溫嶠爲平南將軍鎮武昌聞蘇峻之徵也慮其有變求還朝以備不虞不聽未幾而蘇峻果反移屯潯陽

遣督護王愨期西陽太守鄧岳鄱陽內史紀瞻等率舟師赴難及京師傾覆嶠聞之號慟人有候之者悲哭相對俄而庾亮來奔宣太后詔進嶠驃騎將軍開府儀同三司嶠曰今日之急殄寇爲先未效勲庸而逆受榮寵非所聞也何以示天下乎固辭不受時亮雖奔敗嶠每推崇之分兵給亮遣王愨期等要陶侃同赴國難侃恨不受顧命不許嶠初從之後用其部將毛寶說復固請侃行初嶠與庾亮相推爲盟主嶠從弟充言於嶠曰征西位重兵彊宜共推之嶠於是遣王愨期奉侃爲盟主侃許之遣督護龔登率兵詣

嶠嶠於是列上尚書陳峻罪狀有衆七千灑泣登舟
峻時殺侃子瞻錄是侃激勵遂率所統與嶠亮同赴
京師戎卒六萬旌旗七百餘里鉦鼓之聲震於百里
直指石頭次于蔡州侃屯蔡浦嶠屯沙門浦時祖約
據歷陽與峻爲首尾見嶠等軍盛謂其黨曰吾本知
嶠能爲四公子之事今果然矣峻聞嶠將至逼大駕
幸石頭時峻軍多馬南軍仗舟楫不敢輕與交鋒用
將軍李根計據白石築壘以自固使庾亮守之賊步
騎萬餘來攻不下而退追斬二百餘級嶠又於四境
礮築壘以逼賊曰賊必爭之設伏以逸待勞是制賊

之一奇也是時義軍屢戰失利嶠軍食盡陶侃怒曰
使君前云不憂無將士惟得老僕爲主耳今數戰皆
北良將安在荆州接胡蜀二虜倉廩當備不虞若復
無食僕便欲西歸更思良筭但今歲計殄賊不爲晚
也嶠曰不然自古成監師克在和光武之濟昆陽曹
公之拔官渡以寡敵衆仗義故也峻約小豎爲海內
所患今日之舉決在一戰峻勇而無謀藉驕勝之勢
自謂無前今挑之戰可一鼓而擒也奈何捨垂立之
功設進退之計且天子幽逼社稷危殆四海臣子肝
腦塗地嶠等與公竝受國恩是致命之日事若克濟

則臣主同祚如其不捷身雖灰滅不足以謝責於先帝今之事勢義無旋踵騎猛獸安可中下哉公若違衆獨反人心必沮沮衆敗事義旗將迴指於公矣侃無以對遂留不去嶠於是創建行廟廣設壇場告皇天后土祖宗之靈親讀祝文聲氣激揚涕流覆面三軍莫能仰視其日侃督水軍向石頭亮嶠等率精勇一萬從白石以挑戰時峻勞其將士因醉突陣馬躓爲侃將所斬峻弟逸及子碩嬰城自固嶠乃立行臺布告天下凡故吏二千石臺郎御史以下皆令赴臺於是至者雲集司徒王導因奏嶠侃錄尚書遣間使宣旨並讓不受賊將康術以臺城來降爲逸所擊求救於嶠江州別駕羅洞曰今水暴長救之不便不如攻榻坑榻坑軍若敗術圍自解嶠從之遂破賊石頭軍奮威長史滕含抱天子奔於嶠船時陶侃雖爲盟主而處分規畧一出於嶠及賊滅拜驃騎將軍開府儀同三司加散騎嘗待封始安郡公邑三千戶郗鑒爲大將軍開府儀同三司加散騎嘗侍咸和初領徐州刺史及祖約蘇峻反鑒聞難便欲率所領東赴詔以北寇不許於是遣司馬劉矩領三千人宿衛京都尋而王師敗績矩遂退還中書令庾亮宣太后

口詔進鑿爲司空鑿去賊密邇城孤糧絕人情業業
莫有固志奉詔流涕設壇場刑白馬大誓三軍曰賊
臣祖約蘇峻不恭天命不畏王誅凶戾肆逆干國之
紀陵汨五嘗侮弄神器遂制脅幽主拔本塞原殘害
忠良禍虐黎庶使天地神祇靡所依歸是以率土怨
酷兆庶泣血咸願奉辭伐罪以除元惡昔戎狄泯周
齊桓糾盟董卓陵漢群后致討義存君親古今一也
今主上幽危百姓倒懸忠臣正士志存報國凡我同
盟之後戮力一心以救社稷若二寇不梟義無偷安
有渝此盟明神殛之鑿登壇慷慨三軍爭爲用命乃

遣將軍夏侯長等間行謂平南將軍溫嶠曰今賊謀
欲挾天子東入會稽宜先立營壘屯據要害旣防其
越逸又斷賊糧運然後靜鎮京口清壁以待賊賊攻
城不拔野無所掠東道旣斷糧運自絕不過百日必
自潰矣嶠深以爲然及陶侃爲盟主進鑿都督揚州
八郡軍事時撫軍將軍王舒輔國將軍虞潭皆受鑿
節度率衆渡江與侃會於茄子浦鑿築白石壘而據
之會舒潭戰不利鑿與後將軍郭默還丹徒立大業
曲阿陵亭三壘以拒賊而賊將張健來攻大業城中
乏水郭默窘迫遂突圍而出三軍失色叅軍曹納以

爲大業京口之扞一旦不守賊方軌而前勸鑒退還
廣陵以俟後舉鑿乃大會僚佐責納曰吾蒙先帝厚
顧荷託付之重正復捐軀九泉不足以報今疆寇在
郊衆心危迫君腹心之佐而生長異端當何以率先
義衆鎮一三軍邪將斬之久而乃釋會峻死大業圍
解及蘇逸等走吳興鑿遣叅軍李閔追斬之降男女
萬餘口拜司空加侍中

劉牢之爲南彭城內史輔國將軍代王恭督兗青并
七州事時楊佺期桓玄將兵逼京師上表理王恭求
誅牢之牢之率北府之衆馳赴京師次於新亭玄等
受詔退兵牢之還鎮京口

桓彝爲宣城內史蘇峻之亂彝糾合義衆欲赴朝廷
其長史禪惠以郡兵寡弱出入易擾可按甲以須後
舉彝厲色曰夫見無禮於其君者若鷹鷂之逐鳥雀
今社稷危逼義無晏安乃遣將軍朱綽討賊別帥於
蕪湖破之彝尋出石頭會朝廷遣將軍司馬流先據
慈湖爲賊所敗遂長驅逕進彝以郡無堅城遂退據
廣德尋王師敗績彝聞慷慨流涕進屯涇陽時州郡
多遣使降峻禪惠又勸彝僞與通和以紓交至之禍
彝曰吾受國厚恩期在致死焉能忍垢蒙辱與醜逆

通問如其不濟此則命也遣將軍俞縱守蘭石峻遣將韓晃攻之縱將敗左右勸縱退軍縱曰吾受桓侯厚恩本以死報吾之不可負桓侯猶桓侯之不可負國也遂力戰而死晃因進軍攻夔夔固守經年勢孤力屈賊曰夔若降者當待以優禮將士多勸夔僞降更思後舉夔不從辭氣壯烈士節不撓城陷爲晃所害年五十三時賊尚未平諸子竝流迸宣城人紀世和率義故葬之賊平追贈廷尉謚曰簡咸安中改贈太嘗俞縱亦以死節贈興安太守

卞壺爲尚書令右將軍領右衛將軍蘇峻稱兵至東陵口詔以壺都督大桁東諸軍事假節復加領軍將軍給事中壺率郭默趙裔等與峻大戰於陵西爲峻所破壺與鍾雅皆退還死傷者以千數壺雅竝還節詣闕謝罪峻進攻青溪壺與諸軍距擊不能禁賊放火燒宮寺六軍敗績壺時發背創猶未合力疾而戰率厲散衆及左右吏數百人攻賊麾下苦戰遂死之時年四十八二子眇盱見父沒相隨赴賊同時見害峻平朝議贈壺左光祿大夫加散騎嘗侍尚書郎弘納議以爲死事之臣古今所重卞令忠貞之節當書於竹帛今追贈寔未副衆望謂宜加弔司之號以旌

忠烈之勲司徒王導建議進贈驃騎將軍加侍中訥重議曰夫事親莫大於孝事君莫尚於忠唯孝也故能盡敬竭誠唯忠也故能見危授命此在三之大節臣子之極行也按壺委質三朝盡規翼亮遭世險艱存亡以之受顧託之重居端右之任擁衛至尊則有保傳之恩正色在朝則有匪躬之節賊峻造逆勦力致討身當矢槍再對賊鋒父子并命可謂破家爲國守死勤事昔許男疾終猶蒙二等之贈况壺仗節國難者乎夫賞疑從重况在不疑謂可上準許穆下同嵇紹則允合典謨克厭衆望於是改贈壺侍中驃騎

將軍開府議同三司謚曰忠貞祠以太牢贈世子瞻散騎侍郎瞻弟旰奉車都尉瞻母裴氏撫二子尸哭曰父爲忠臣汝爲孝子夫何恨乎徵士翟湯聞之歎曰父死於君子死於父忠孝之道萃於一門

庾翼爲安西將軍鎮武昌嘗遣使東至遼東西到涼州要結二方欲同大舉慕容皝張駿並報使請期翼雅有大志欲以滅胡平蜀爲已任言論慷慨形於辭色

桓冲代桓温爲豫楊二州刺史初温執權大辟之罪皆自己决冲旣蒞事上疏以爲生殺之重古今所慎

凡諸死罪先須上報冲既代温居任盡忠王室或勸
冲誅除時望專執權衡冲不從謝安以時望輔政爲
群情所歸冲懼逼寧康三年乃解揚州自求外出桓
氏黨與以爲非計莫不扼腕苦諫郗超亦深止之冲
皆不納處之澹然不以爲恨忠言嘉謀每盡心力於
是改授都督徐豫兗青揚五州知六郡軍事車騎將
軍徐州刺史

桓伊爲護軍將軍卒贈右將軍加散騎嘗侍謚曰烈
初伊有馬步鎧六百領豫爲表令死乃上之表曰臣
過蒙殊寵受任西藩淮南之捷逆兵奔北人馬器鎧

隨處放散于時收拾破敗不足貫連比年營繕並已
脩整今六合雖一餘燼未滅臣不以朽邁猶欲輸効
力命仰報皇恩此志永絕銜恨泉壤謹奉輸馬裝百
具步鎧五百領並在壽陽請勅所屬領受詔曰伊忠
誠不遂益以傷懷仍受其所上之鎧

劉弘爲荊州刺史督荆交廣諸軍事廣漢太守羊冉
以天子蒙塵四方雲擾進從橫計於弘弘怒斬之時
人莫不稱善

郭誦司州刺史李矩之甥也矩表誦爲揚武將軍陽
翟令時石勒遣其將石良率精兵五千襲矩矩逆擊

不利誦弟元復爲賊所執賊遣元以書說矩曰去年東平曹嶷西賓猗盧矩如牛角何不歸命矩以示誦誦曰昔王陵母在賊猶不改意弟當何論勒復遺誦塵尾馬鞭以示殷勤誦不答

段匹磾領幽州刺史爲從弟末杯所敗北依邵續與續并力追末杯斬獲畧盡又令文鴛北討末杯弟於薊城及還去城八十里聞續已沒衆懼而散復爲石季龍所遮文鴛以親兵數百人力戰破之始得入城季龍復抄城下文鴛登城臨見欲出擊之匹磾不許文鴛曰我以勇聞故百姓杖我見人被畧而不救非

丈夫也令衆失望誰復爲我致死乎遂將壯士數十騎出戰殺胡甚多遇馬乏伏不能起季龍呼曰大兄與我俱是戎狄久望共同天下不違願今日相見何故復戰請釋杖文鴛罵曰汝爲寇虐久應合死吾兄不用吾計故令汝得至此吾寧死不爲汝擒遂下馬苦戰槊折執刀力戰不已季龍軍四面解馬羅披自鄣前促文鴛文鴛戰自辰至申力極而後被執城內大懼匹磾欲單騎歸朝續弟樂安內史洎勒兵不許洎復欲執臺使王英送於季龍匹磾正色責之曰卿不能遵兄之志逼吾不得歸朝亦以甚矣復欲執天

子使者我雖胡夷所未聞也因謂英曰匹磾世受重恩不忘忠孝今日事逼欲歸罪朝廷而見逼迫忠款不遂若得假息未死之日心不忘本遂渡黃河南匹磾着朝服持節賓從出見季龍曰我受國恩志在滅汝不幸吾國自亂以至於此既不能死又不能爲汝敬也勒及季龍素與匹磾結爲兄弟季龍起而拜之匹磾到襄國又不爲勒禮嘗着朝服持晉節經年國中謀推匹磾爲主事露被害文鴛亦遇鴟而死郭默初爲河內督將永嘉之亂率衆自爲塢主遣使謁劉琨琨加默河內太守劉元海遣從子曜討默曜列三屯圍之欲使餓死默送妻子爲質并請糴焉糴畢設守曜怒沉默妻子於河而攻之默遣弟芝求救於劉琨琨知默狡猾留之而緩其救默便遣人告急會芝出城浴馬使疆與俱歸默乃遣芝質於石勒勒以默多詐封默書與劉曜默使人伺得勒書便突圍投李矩後與矩并力拒劉石

魏該爲順陽太守王敦之反也梁州刺史苻卓不從欲觀該去就試以敦旨動之該曰我本去賊惟忠於國今王公舉兵向天子非吾所宜與也遂拒而不應劉隗拜鎮北將軍都督青徐幽平四州軍事假節加

散騎嘗侍率萬人鎮泗口初隗以王敦威權太盛終不可制勸帝出腹心以鎮方隅故以譙王承為湘州續用隗及戴若思為都督敦甚惡之與隗書曰頃承聖上顧盼足下今大賊未滅中原鼎沸欲與足下周生之徒戮力王室共靜海內若其泰也則帝祚於是乎隆若其否也則天下永無望矣隗答曰魚相忘於江湖人相忘於道術竭股肱之力效之以忠貞吾之志也敦得書甚怒

周顛代戴若思為護軍將軍及王敦構逆温嶠謂顛曰大將軍此舉似有所在當無濫邪顛曰君少年未

更事人主自非堯舜何能無失人臣豈可得舉兵以

脅主其相推戴未能數年一旦如此豈云非亂乎處

仲 王敦字

剛愎疆忍很抗無上其意寧有限邪既而

王師敗績顛奉詔詣敦敦曰伯仁卿負我顛曰公戎

車犯順下官親率六軍不能其事使王旅奔敗以此

負公敦憚其辭正不知所答帝召顛於廣室謂之曰

近日大事二宮無恙諸人平安大將軍故副所望邪

顛曰二宮自如明詔於臣等故未可知護軍長史郝

瑗等勸顛避敦顛曰吾備位大臣朝廷喪敗寧可復

草間求活外投胡越邪俄而與戴若思俱被收路經

太廟顛太言曰天地先帝之靈賊臣王敦傾覆社稷
枉殺忠臣陵雲天下神祇有靈當速殺敦無令縱毒
以傾王室語未終收人以戟傷其口血流至踵顏色
不變容止自若觀者皆為流涕遂於石頭南門外石
上害之時年五十四

周逵右將軍都督石頭水陸軍事札之兄子王敦作
難加冠軍將軍都督會稽吳興義興晉陵東陽軍事
率水軍三千人討沈充未發而王師敗績逵聞札開
城納敦憤咤慷慨形於辭色尋遇害

劉超為左衛將軍時蘇峻謀逆京邑大亂朝士多遣
家人入東避難義興故吏欲迎超家而超不聽盡以
妻孥入處宮內及王師敗績王導以超為右衛將軍
親侍成帝屬太后喪軍衛禮章損闕超躬率將士奉
營山陵峻遷車駕石頭時天大雨道路沉陷超與侍
中鍾雅步侍左右賊給馬不肯騎而悲哀慷慨峻聞
之甚不平然未敢加害而以其所親信許萬等補司
馬督殿中監外託宿衛內實防禦超等時饑饉米貴
峻等罔遺一無所受繼繼朝夕臣節愈恭帝時年八
歲雖幽厄之中超猶啓授孝經論語溫嶠等至峻猜
忌朝士而超為帝所親遇疑之尤甚後王導出奔超

與懷德令鹿術建康令管旆等密謀將欲奉帝而出未及期事泄峻使任讓將兵入收超及侍中鍾雅帝抱持悲泣曰還我侍中右衛任讓不奉詔因害之及峻平任讓與陶侃有舊侃欲特不誅之乃請於帝帝曰讓是殺我侍中右衛者不可宥繇是遂誅讓及超將改葬帝痛念之不已詔遷高顯近地葬之便出入得瞻望其墓追贈衛尉謚曰忠

羊曼爲前將軍時蘇峻作亂曼率文武守雲龍門王師不振或勸曼避峻曼曰朝廷破敗吾安所求生勸衆不動爲峻所害

朱伺爲廣威將軍領竟陵內史時王敦欲用從弟廩代陶侃爲荊州侃故將鄭攀馬雋等乞侃於敦敦不許攀等以侃始滅大賊人皆樂附又以廩忌戾難事謀其拒之遂屯結湏口遣使告伺伺外許之而稱疾不赴攀等遂進拒廩旣而士衆疑阻復散還橫桑口欲入杜曾時朱軌趙誘李桓率衆將擊之攀等懼誅以司馬孫景造謀拒廩因斬之降軌等廩將西出遣長史劉浚留鎮楊口壘時杜曾請討第五猗於襄陽伺謂廩曰曾是猾賊外示西還以疑衆心欲誘引官軍使西然後兼道襲楊口耳宜大部分未可便西廩

性矜厲自用兼以伺老怯難信遂西行曾等果馳還
廩乃遣伺歸裁至壘卽爲曾等所圍劉浚以壘北門
危欲令伺守之或說浚云伺與鄭攀同者乃轉守南
門賊知之攻其北門時鄭攀黨馬雋等亦來攻壘雋
妻子先在壘內或請皮其面以示之伺曰殺其妻子
未能解圍但益其怒耳乃止伺嘗所謂弩忽禁不發
伺甚惡之及賊攻陷北門伺被傷退入船初浚開諸
船底以木掩之名爲船械伺旣入賊舉鋌摘伺伺逆
接得鋌反以摘賊賊入走船屋大喚云賊帥在此伺
從船底沉行五十步乃免遇醫療創小差杜魯遣說

伺云馬雋等感卿恩妻孥得活盡以卿家外內百口
付雋雋已盡心收視卿可來也伺答曰賊無白首者
今吾年六十餘不能復與卿作賊吾死當歸南妻子
付汝乃還甌山時王廙與李桓杜曾相持累戰甌山
下軍士數驚喚云賊欲至伺驚創而卒
周虓字孟威爲西夷較尉領梓潼太守寧康初苻堅
將楊安寇梓潼虓固守涪城遣步騎數千送母妻從
漢水將抵江陵爲堅將朱彤邀而獲之虓遂降於安
堅欲以爲尚書郎虓曰蒙國厚恩以至今日但老母
見獲失節於此母子獲全秦之惠也雖公侯之貴不

冊府元龜 將帥部

卷之三十一

以爲榮况郎任乎堅乃止自是每入見堅輒箕踞而坐呼之爲氏賊堅不悅屬元會威儀甚整堅因謂虓曰晉家元會何如此虓攘袂厲聲曰戎狄集聚譬猶犬羊相群何敢比天子及呂光征西域堅出餞之戎士二十萬旌旗數百里又問虓曰朕衆力何如虓曰戎狄已來未之有也堅黨以虓不遜屢請除之堅待之彌厚虓乃密書與桓冲說賊姦計太元三年虓潛至漢中堅追得之後又與堅兄子苞謀襲堅事泄堅引虓問其狀虓曰昔漸離豫讓燕智之微臣猶漆身吞炭不忘忠節况統世荷晉恩豈敢忘也生爲晉臣

死爲晉鬼復何問乎堅曰今殺之適成其名矣遂撓之徙於太原後堅復陷順陽魏興獲二守皆執節不撓堅歎曰周孟威不屈於前丁彥遠繫已於後吉祖冲不食而死皆忠臣也虓竟以病卒於太原

吉挹少有志節孝武帝初苻堅陷梁益桓豁表挹爲魏興太守太元四年苻堅將苻鍾攻魏興挹遣衆拒之斬七百餘級加督五郡軍事鍾率衆欲趣襄陽挹又邀擊獲五十餘級鍾怒廻軍圍之挹又屢挫其銳其後賊衆繼至挹力不能抗城將陷引刀欲自殺其友止之曰且苟存以展他計爲計不立死未晚也挹

不從友人逼奪其刀會賊執之挹閉口不言不食而死

朱序爲梁州刺史鎮襄陽苻堅率衆圍序序督護李伯護密與賊相應襄陽遂沒序欲逃歸潛至宜陽藏夏揆家堅疑揆收之序乃詣苻暉自首堅嘉而不問以爲尚書太元中苻堅南侵謝石率師拒之時堅大兵尚在頃苻融以三十萬衆先至堅遣序說謝石稱已兵威序反謂石曰若堅百萬之衆悉到莫可與敵及其未會擊之可以得志於是石遣謝琰選勇士八千人涉肥水挑戰堅衆少却序時在其軍後唱云堅敗衆遂大奔潰序乃得歸拜龍驤將軍瑯邪內史

郗愔爲輔國將軍都督徐兗青幽揚州之晉陵諸軍事徐州人多勁悍桓溫常云京口酒可飲兵可用深不欲愔居之而愔暗於事機遣賧詣溫欲其獎王室脩復園陵子超取視寸寸毀裂乃更作賧自陳老病甚不堪人間乞開地自養溫得賧大喜卽轉愔爲會稽太守

毛璩安帝初爲征虜將軍及桓玄篡位遣使加璩散騎嘗侍左將軍璩執留玄使不受命玄以桓希爲梁州刺史王昇據涪郭法戍宕渠師寂戍巴郡周道子

戊白帝以防之璩傳檄遠近列玄罪狀遣巴東太守
柳約之建平太守羅述征虜司馬甄季之擊破希等
仍率衆次於白帝武陵王令曰益州刺史毛璩忠誠
愨亮自桓玄萌禍嘗思躡其後今若平殄克逆肅清
荆郢者便當卽受上流之任初璩弟寧州刺史璠喪
官璩兄球孫祐之及叅軍費恬以數百人送喪葬江
陵會玄敗謀奔梁州璩弟瑾子脩之時爲玄屯騎較
尉誘玄使入蜀旣而脩之與祐之費恬及漢嘉人馮
遷共殺玄約之等聞玄死進軍到枝江而桓振復攻
沒江陵劉毅等還潯陽約之亦退俄而季之述之皆

病約之詣振僞降因欲襲振事泄被害約之司馬時
延祖涪陵太守文處茂等撫其餘衆保涪陵振遣桓
放之爲益州屯西陵處茂拒擊破之振死安帝反正
詔曰夫貞松標於歲寒忠臣亮於國危益州刺史璩
體識弘正誠契義旗受命偏師次於近畿輔翼之勲
寔感朕心可進征西將軍加散騎嘗侍都督益梁秦
涼寧五州軍事行宜都寧蜀太守文處茂宜讚藩牧
蒙險夷難可輔國將軍西夷較尉邑西梓潼二郡太
守又詔西夷較尉瑾爲持節監梁秦二州軍事征虜
將軍梁秦二州刺史畧陽武都太守瑾弟蜀郡太守

瑗爲輔國將軍寧州刺史初璩聞振陷江陵率衆赴
難使弟瑾瑗順外江而下使叅軍譙縱領巴西梓潼
二郡軍下涪水當與璩軍會於巴郡蜀人不樂東征
縱因人情思歸於五城水口反還襲涪害瑾留府
長史鄭純之自成都馳使告璩璩時在畧城去成都
四百里遣叅軍王瓊討反者相距於廣漢夔道令何
林聚黨助縱而璩下人受縱誘說遂其害璩及瑗并
子姪之在蜀者一時殄沒

殷覲爲南蠻校尉太元中從弟仲堪爲荊州刺史仲
堪得王恭書將興兵內伐告覲欲同舉覲不許之曰
夫人臣之義慎保所守朝廷是非宰輔之務豈藩屏
之所圖也晉陽之事宜所不豫仲堪要之轉切覲怒
曰吾進不敢同退不敢異仲堪甚以爲恨猶密諫仲
堪辭甚切至仲堪旣貴素情亦殊而志望無厭謂覲
言爲非覲見江績亦以正直爲仲堪所斥知仲堪當
逐異已樹置所親因出行散託疾不還仲堪聞其病
出省之謂覲曰兄病殊爲可憂覲曰我病不過身死
但汝病在滅門幸熟爲慮勿以我爲念也仲堪不從
卒與楊佺期桓玄同下覲遂以憂卒隆安中詔故南
蠻校尉殷覲忠績未融奄焉隕喪可贈冠軍將軍

張肅寔叔父也爲建威將軍西海太守以京師危逼請爲先鋒擊劉曜寔以肅年老弗許肅曰狐死首丘心不忘本鍾儀在晉楚弁南音肅受晉寵剖符列位羯逆滔天朝廷傾覆肅晏安方喬難至不奮何以爲人臣寔曰門戶受重恩自當闔家效死忠衛社稷以申先公之志但叔父春秋已高氣力衰竭軍旅之事非耆耄所堪乃止旣而聞京師陷沒肅泣憤而卒何無忌爲江州刺史鎮南將軍盧循遣別帥徐道覆順流而下舟艦皆重樓無忌將率衆推之長史鄧潛之諫曰今以神武之師抗彼逆衆迴山壓邠未足爲

警然國家之計在此一舉聞其舟艦大盛勢居上流蜂蠆之毒邾魯成鑿宜決破南塘守二城以待之其必不敢捨我遠下蓄力俟其疲老然後擊之若棄萬全之長策而決成敗於一戰如其失利悔無及矣無忌不從遂以舟師拒之旣及賊令彊弩數百登西岸小山以邀射之南薄於山側俄而西風暴急無忌所乘小艦被飄東岸賊乘風以大艦逼之衆遂奔敗無忌尚厲聲曰取我蘇武節來節至乃躬執以督戰賊衆雲集登艦者數十人無忌辭色無撓遂握節死之宋劉敬宣字萬壽仕晉爲征虜將軍領冀州刺史時

高祖西討劉毅豫州刺史諸葛長民監太尉軍事貽敬宣書曰盤龍狼戾專恣自取夷滅異端將盡世路方夷富貴之事相與共之敬宣報曰下官自義熙以來首尾十載遂忝三州七郡今此杖節嘗懼福過禍生實思避盈居損富貴之旨非所敢當使呈書高祖謂王誕曰阿壽故爲不負我也

顏師伯爲征虜將軍都督青冀二州徐州之東安兗州之濟北三郡諸軍事竟陵王誕反師伯遣長史栝玄敬率五千人赴難

沈慶之爲步兵校尉詔討群蠻於江沔元嘉三十年正月孝武出次五洲總統群帥慶之從巴水出至五洲詔受軍畧會孝武典籤董元嗣自建鄴還陳元凶弑逆孝武遣慶之引諸軍慶之請慶之心曰蕭斌婦人不足數其餘將帥並是所悉皆易與耳東宮同惡不過三千人此外屈逼必不爲用力今輔順討逆不憂不濟也衆軍旣集假慶之征虜將軍武昌內史領府司馬孝武還至潯陽慶之及柳元景等並以天下無主勸世祖卽大位不許賊劭遣慶之門生錢無忌齎書說慶之解甲慶之執無忌白孝武孝武踐祚以慶之爲領軍將軍

褚湛之爲丹陽尹元凶劭弒逆以爲吏部尚書復出爲輔國將軍丹陽尹統石頭戎事世祖入伐邵自攻新亭壘使湛之率水師俱進湛之因攜二息淵澄登輕船南奔淵有一男始生爲邵所殺世祖卽位以爲尚書右僕射

劉瑀爲寧遠將軍益州刺史元凶弒立以爲青州刺史瑀聞卽起義遣軍并送資寶於荊州世祖卽位召爲御史中丞還至江陵值南郡王義宣爲逆瑀陳其不可言甚切至義宣以爲丞相左司馬俱至梁山瑀猶乘其蜀中船舫又有義故部曲潛於梁山洲外下投官軍除司徒長史

朱脩之爲雍州刺史時荊州刺史南郡王義宣反檄脩之舉兵脩之僞與之同而遣使陳誠於帝帝嘉之以爲荊州刺史加都督義宣聞脩之不與已同乃以魯秀爲雍州刺史擊襄陽脩之命斷馬鞍山道秀不得前乃退及義宣敗於梁山單舟南走脩之率衆南定遺寇時竺超民執義宣脩之至乃殺之以功封南昌縣侯

沈攸之爲寧朔將軍征南賊攸之從子懷寶爲賊將帥在赭圻遣親人楊公讚齎密書招誘攸之攸之斬

公讚封懷寶書呈太宗尋克赭圻後爲鎮西將軍荆
州刺史後廢帝元徽二年桂陽王休範舉兵襲京邑
攸之謂僚佐曰桂陽今反朝廷必聲云與攸之同若
不顛沛勤王必增朝野之惑於是遣軍主孫同沈懷
典興軍馳下受郢州刺史晉熙王燮節度同等始過
夏口會休範平而還

劉秀之爲寧朔將軍益州刺史南譙王義宣據荊州
爲逆遣叅軍王暉徵兵於秀之秀之卽日斬暉戒嚴
遣中兵叅軍帛山松萬人襲之陵

柳元景爲前將軍雍州刺史初臧質起義以南譙王
義宣闇弱易制欲相推奉潛報元景使率所領西還
元景卽以質書呈孝武語信曰臧冠軍當是未知毀
下義舉耳方應伐逆不容西還

沈林子爲征虜將軍旣破鮮卑慕容超而盧循奄至
循之下也廣固未拔循潛遣人結林子及宗人叔長
林子卽密白高祖以超未平隱之還自廣固乃誅叔
長謂林子曰昔魏武在官渡汝充之士多懷二心唯
李通獨斷大義古今一也循至蔡州貴遊之徒皆議
遠徙唯林子請移家京邑高祖恠而問之對曰耿純
盡室從戎李通舉宗居魏林子雖才非古人實受恩

褚湛之爲丹陽尹元凶劾弒逆以爲吏部尚書復出
爲輔國將軍丹陽尹統石頭戎事世祖入伐邵自攻
新亭壘使湛之率水師俱進湛之因攜二息淵澄登
輕船南奔淵有一男始生爲邵所殺世祖卽位以爲
尚書右僕射

劉瑀爲寧遠將軍益州刺史元凶弒立以爲青州刺
史瑀聞卽起義遣軍并送資實於荊州世祖卽位
召爲御史中丞還至江陵值南郡王義宣爲逆瑀陳
其不可言甚切至義宣以爲丞相左司馬俱至梁山
瑀猶乘其蜀中船舫又有義故部曲潛於梁山洲外
下投官軍除司徒長史

朱脩之爲雍州刺史時荊州刺史南郡王義宣反檄
脩之舉兵脩之僞與之同而遣使陳誠於帝帝嘉之
以爲荊州刺史加都督義宣聞脩之不與已同乃以
魯秀爲雍州刺史擊襄陽脩之命斷馬鞍山道秀不
得前乃退及義宣敗於梁山單舟南走脩之率衆南
定遺寇時竺超民執義宣脩之至乃殺之以功封南
昌縣侯

沈攸之爲寧朔將軍征南賊攸之從子懷寶爲賊將
帥在楮圻遣親人楊公讚齎密書招誘攸之攸之斬

公讚封懷寶書呈太宗尋克赭圻後為鎮西將軍荆
 州刺史後廢帝元徽二年桂陽王休範舉兵襲京邑
 攸之謂僚佐曰桂陽今反朝廷必聲云與攸之同若
 不顛沛勤王必增朝野之惑於是遣軍主孫回沈懷
 與興軍馳下受郢州刺史晉熙王燮節度同等始遇
 夏口會休範平而還

劉秀之為寧朔將軍益州刺史南譙王義宣據荊州
 為逆遣叅軍王暉徵兵於秀之即日斬暉戒嚴
 遣中兵叅軍韋山松萬人襲之陵

柳元景為前將軍雍州刺史初臧質起義以南譙王
 義宣闇弱易制欲相推奉潛報元景使率所領西
 元景即以質書呈孝武語信曰臧冠軍當是未知
 下義舉耳方應伐逆不容西還

沈林子為征虜將軍既破鮮卑慕容超而盧循奄至
 循之下也廣固未拔循潛遣人結林子及宗人叔長
 林子即密白高祖以超未平隱之還自廣固乃誅叔
 長謂林子曰昔魏武在官渡汝亮之士多懷二心
 李通獨斷大義古今一也循至蔡州貴遊之徒皆
 遠徙唯林子請移家京邑高祖恠而問之對曰耿純
 畫室從戎李通舉宗居魏林子雖才非古人實受恩

深重高祖稱善

黃回爲右衛將軍沈攸之反以回爲使持節督郢州
司州之義陽諸軍事平西將軍郢州刺史給鼓吹一
部臧質率衆出新亭爲前鋒未發而袁粲據石頭爲
亂回與新亭諸將任侯伯彭文之王宜興孫曇瓘等
謀應粲粲事發侯伯等並乘船赴石頭唯曇瓘先至
得入侯伯等至而粲已平回本期詰旦率所領從御
道直向臺門攻齊王於朝堂事旣不果齊王撫之如
舊

垣詢之驍敢有氣力南郡王義宣反夙聞其名以副
輔國將軍張柬時張超首行大逆亦領軍隸東詢之
規殺之慮東不同柬宿有此志又未測詢之同否互
相觀察會超來論事柬色動詢之覺之卽共定謀遣
信召超超疑之不至改宿他所詢之不知其私往所
之殺其僕於牀因與柬南奔東溺淮死詢之得至時
世祖已卽位以爲積射將軍

殷孝祖爲寧朔將軍督兖州諸軍事兖州刺史太宗
初卽位四方反叛孝祖外甥司法叅軍葛僧韶建議
銜命徵孝祖入朝帝遣之僧韶至孝祖具問朝廷消
息僧韶隨方訓譬并陳兵甲精彊主上欲委以前驅

之任孝祖卽日棄妻子率文武二千人隨僧韶還都時普天同逆朝廷唯保丹陽一郡而永世縣尋又反叛義興賊乘至延陵內外憂危咸欲奔散孝祖忽至衆力不少並僉楚壯士人情大安

齊張敬兒宋末爲持節督雍梁二州郢司二郡軍事昇明元年冬沈攸之反遣報敬兒敬兒勞接周至爲設酒食謂之曰沈公那忽使君來君殊可念乃列仗於廳事前斬之集部曲偵攸之下當襲江陵遂破之送首京師

李安民初爲宋司州刺史領義陽太守時桂陽王休範起事安民遣軍授京師徵爲左將軍加給事中

王玄邈爲宋輔國將軍幽州刺史青州刺史沈文秀反玄邈欲向朝廷慮見掩襲乃詣文秀求安軍頓文秀令頓城外玄邈卽立營壘至夜拔軍南弁起義比曉文秀追不復及明帝以爲持節都督青州刺史將軍如故太祖鎮淮陰爲明帝所疑遣書結玄邈玄邈長史房叔安勸玄邈不相答和罷州還太祖以經途又要之玄邈雖許旣而嚴軍直過還都啓帝稱太祖有異謀

蕭世之東昏立爲侍中領軍將軍永元元年遭母喪

起復職加右將軍置府江禰兄弟欲立始安王暹光
密謂坦之曰明帝取天下已非次第天下人至今不
服今若復作此事恐四海瓦解我其不敢言持喪還
宅宅在東府城東暹光起事遣人夜掩取坦之坦之
科頭着禪踰墻走從東治僦渡南渡間道還臺假節
督衆軍討暹光屯湘宮寺事平遷尚書右僕射丹陽
尹右將軍如故進爵爲公增邑千戶

荀伯玉太祖時爲輔國將軍世祖在於東宮任左右
張景真多僭侈世祖拜陵還景真白服乘畫舫坐
胡牀觀者咸疑是太子內外祇畏莫敢言伯玉謂親
人曰太子所爲官終不知豈得顧死蔽官耳目我不
啓聞誰應啓者因世祖拜陵之後密啓之帝大怒橫
鞭東宮世祖還至方山日暮將泊豫章王於東府乘
飛鷲東迎具白帝怒之意世祖夜歸帝亦停門籥待
之二更盡方入宮帝明日遣文惠太子聞喜公子良
宣勅詰責并以景真罪狀示世祖稱太子令收景真
殺之

張冲都督郢司二州諸軍事梁王義師起東昏遣驍
騎將軍薛元嗣制局監暨榮伯領兵及糧運百四十
餘船送冲使拒西師元嗣等懲劉山陽之賊疑冲不

敢進停住夏口浦聞義師將至元嗣榮伯相率入郢城時竟陵太守房僧寄被代還至郢東昏勅僧寄留守魯山除驍騎將軍僧寄謂冲曰臣雖未荷朝廷深恩實蒙先帝厚澤蔭其樹者不折其枝實欲微立塵效冲深相許諾共結盟誓乃分部守遣軍主孫樂祖數千人助僧寄據魯山岸立城壘明年二月梁王出沔口圍魯山城遣軍主曹景宗等過江攻郢城未及盡濟冲遣中兵叅軍陳光靜等開門出擊爲義師所破光靜戰死冲固守不出景宗於是據石橋浦連軍相續下至嘉湖東昏遣軍主巴西梓潼二郡太守吳子陽光子祜李文劉陳虎牙等十二軍援郢至嘉湖不得進乃築城舉烽城內亦舉火應之而內外各自保不能相救冲病死元嗣榮伯與冲子孜及長史江夏內史程茂固守東昏詔贈冲散騎嘗侍護軍將軍假元嗣子陽節江水暴長嘉湖城淹潰義師乘高艦攻之子陽等大敗散魯山城乏糧軍人於磯頭網魚供食密治輕船將奔夏口梁王命偏軍斷其取路防備越逸房僧寄病死孫樂祖窘以城降郢城被圍二百餘日士庶病死者七八百家魯山旣敗程茂及元嗣等議降使孜爲書與梁王冲故吏青州冲從事房

長瑜謂攷曰前使君忠質昊天操逾松竹即君但當
 端坐畫一以荷折薪若天運不與幅巾待命以下從
 使君今若隨諸人之計非為郢州士女失高山之望
 亦恐彼所不取也魯山陷後二日元嗣等以郢城降
 東昏以程茂為督郢司二州輔國將軍郢州刺史元
 嗣為督雍梁山北秦四州郢州竟陵司州隋郡冠軍
 將軍雍州刺史竝持節時郢魯二城已降死者相積
 竟無叛散時以冲及房僧寄比臧洪之被圍也贈僧
 寄益州刺史

用府元龜卷第三百七十一

巡按福建監察御史臣李嗣京 訂正

知長樂縣事臣夏允彞參閱

知建陽縣事臣黃國琦較釋

將帥部 三十三

忠策

梁馬仙理為齊寧朔將軍豫州刺史時義師起四方
 多響應高祖使其故人姚仲賓說仙理仙理於軍斬
 仲賓以殉義師至新林仙理猶持兵於江西口抄運
 建康城陷仙理號哭經宿乃解兵歸罪

將帥部

霍俊爲軍主時侯景渡江俊與邵陵王綸同爲賊所敗俊見獲賊送於城下逼云已擒邵陵僞許之乃曰軍小失利正爲糧盡還京口王在俊爲託還所獲非軍敗也賊以刀背毆其髀俊色不變賊義而捨之楊公則領白馬戍主爲氏賊李烏奴所攻陷公則抗聲罵賊烏奴壯之更厚待焉要與同事公則僞許而圖之謀洩單馬逃歸宋州刺史王玄邈以事表聞高帝下詔褒美後爲中護軍散騎嘗侍時朝廷始議北伐以公則威名素著至京師詔假節先屯雒口公則受命邁疾謂親人曰昔廉頗馬援以年老見遺猶自力請用今國家不以吾朽孺任以前驅方以古人見知重矣雖臨途疾苦豈可僂俛辭事金革還葬此吾志也遂彊起登舟至雒口壽春士女歸降者數千戶魏豫州刺史薛恭度遣長史石榮等前鋒接戰卽斬石榮逐北至壽春去城數十里乃反疾卒恭師恭道恭爲司州刺史平北將軍天監三年魏軍圍司州道恭拒守魏軍憚之將退會道恭疾篤乃呼兄子僧勰從弟靈恩及諸將帥謂曰吾受國厚恩不能滅滅寇賊今所苦轉篤勢不支久汝等當以死固節無令吾沒有遺恨又令取所持節謂僧勰曰稟命出疆

憑此而已既不得奉以還朝方欲攜之同逝可與棺
柩相隨衆皆流涕其年五月卒魏知道恭死攻之轉
急先是朝廷遣郢州刺史曹景宗率衆赴援景宗到
鑿峴頓兵不前至八月城內糧盡乃陷

裴之橫爲直閣將軍侯景亂出爲貞威將軍隸鄱陽
王範討景濟江仍與範長子嗣入援連營度淮據東
城京都陷退還合肥與範泝流赴湓城景遣任約上
逼晉熙範令之橫下援未及至範薨之橫乃還時尋
陽王大心在江州範副梅思立密要大心襲湓城之
橫斬思立而距大心大心以州降侯景之橫率衆與
兄之高同歸元帝承制除散騎嘗侍廷尉卿

江子一爲戎昭將軍時侯景反攻陷歷陽自橫江將
渡子一帥舟師千餘人於下流欲邀之其副董桃生
家在江北因與其黨散走子一乃退還南州復收餘
衆步赴京師賊亦尋至子一啓簡文云賊圍未合猶
可出盪若管柵一固無所用武請與其弟子四子五
帥所領百餘人開承明門挑賊許之子一乃身先士
卒抽戈獨進群賊夾攻之從者莫敢繼子四子五見
事惡相引赴賊並見害

張嶷爲吳興太守太清二年侯景圍京城嶷遣弟伊

率郡兵數千人赴援三年京城陷御史中丞沈浚遷
難東歸崦往見而謂曰賊臣憑陵社稷危耻正是人
臣效命之秋今欲收集兵力保據郡邑若天道無靈
忠節不展雖復及死義亦無恨浚曰鄙郡雖杖義拒
逆誰敢不從固勸崦舉義於是收集士卒繕築城壘
時邵陵王東奔至錢塘聞之遣板授崦征東將軍加
侍中二千石崦曰朝廷危迫天子蒙塵今日何情復
受榮號留板而已賊行臺劉神茂攻破義興遣使說
崦曰若蚤降附當還以郡相處復加爵賞崦命斬其
使仍遣軍主王雄等帥兵於鯉瀆逆擊之破神茂神
茂退走侯景聞神茂敗乃遣其中軍侯子鑒帥精兵
二萬人助神茂以擊崦崦遣軍主范智朗出郡西拒
戰為茂所敗退歸賊騎乘勝焚柵柵內衆軍皆奔崦
乃釋戎服坐於廳事賊臨之以刃終不為屈乃執崦
以送景景刑之於都市子弟同遇害者十餘人
徐文盛為持節督寧州刺史太清中聞國難乃召募
得數萬人來赴世祖嘉之以為持節散騎嘗侍左衛
將軍督梁南秦沙東益巴北巴六州諸軍事仁威將
軍秦州刺史

柳仲禮為司州刺史太清二年侯景反仲禮率衛州

刺史常粲南陵太守陳文衡宣猛將軍李孝欽等皆來赴援

羊鴟仁爲北司州刺史太清二年侯景既背盟鴟仁乃與趙伯超及南康王會理共攻賊於東府城反爲賊敗臺城陷景以爲五兵尚書鴟仁嘗思奮發謂所親曰吾以凡流受寵朝廷竟無報効以答重恩今若以此終沒有餘責因泣下見者傷焉三年出奔江西將赴江陵至東莞爲故北徐州刺史荀伯道子晷所害臨死以報効不終因而泣下

常粲爲安遠將軍衡州刺史太清元年粲至州無幾便表解職二年徵爲散騎嘗侍粲還至廬陵聞侯景作逆便簡閱部下得精卒五千馬百疋倍道赴援至豫章奉命報云賊已出橫江粲卽就內史劉孝儀共謀之孝儀曰必如此當有別勅豈可輕信單使妄相驚動或恐不然時孝儀置酒粲怒以杯抵地曰賊已渡江便逼宮闕水陸俱斷何暇有報假令無勅豈得自安常粲今日何情飲酒卽馳馬出部分將發會江州刺史當陽公大心遣使要粲粲乃馳往見大心曰上游蕃鎮江州去京最近殿下情計實宜在前但中流任重當須應接不可闕鎮今宜且張聲勢移鎮淦

城行遣偏將賜隨於事便足大心然之遣中兵柳昕帥兵二千隨粲粲悉留家累於江州以輕舸就路至南州粲外弟司州刺史柳仲禮亦帥步騎萬餘人至橫江粲卽送糧仗贍給之并散私金帛以賞其戰士先是安北將軍鄱陽王範亦自合肥遣西豫州刺史裴之高與其長子嗣帥江西之衆赴京師屯於張公洲待上流諸軍至是時之高遣舩渡仲禮與粲合軍進屯王遊苑粲建議推仲禮爲大都督報下流衆軍裴之高自以年位高耻居其下乃云柳節下是州將何須我復鞭板累日不決粲乃抗言於衆曰今者同赴國難豈在除賊所以推柳司州者正以久捍邊疆先爲侯景所憚且士馬精銳無出其前若論位次柳在粲下語其年齒亦少於粲直以社稷之計不得復論今日貴在將和若人心不同大事去矣裴公朝之舊齒年德已隆豈應復挾私情以阻大計粲請爲諸君解釋之乃單舸至之高營切讓之曰前諸將之議豫州意所未同卽二宮危逼猾寇滔天臣子當戮力同心豈可自相矛盾豫州必欲立異鋒鏑便有所歸之高垂泣曰吾荷國恩榮自應帥先士卒顧恨衰老不能效命企望柳使君其平凶逆謂衆議已定無俟老

夫耳若必有疑當剖心相示於是諸將定議仲禮方得進軍次新亭賊列陣於中興寺相持至晚各解歸是夜仲禮入粲營部分衆軍旦日將戰諸將各有據守令粲頓於青塘青塘當石頭中路粲慮柵壘未立賊必爭之頗以爲憚謂仲禮曰下官才非禦侮直欲以身徇國節下善量其宜不可致有虧喪仲禮曰青塘立營追近淮渚欲以糧儲船乘盡就迫之此是事大非兄不可若疑兵少當更差軍相助乃使直閣將軍劉叔裔帥兵助粲粲帥所部水陸俱進時值昏霧軍人迷失道比及青塘夜以過半壘柵至曉未合景登禪靈寺閣望粲營未立便率銳卒來攻軍副王長茂勸據柵待之粲不從令軍主鄭逸逆擊之命劉叔裔以水軍截其後裔畏懦不敢進遂敗賊乘勝入營左右牽粲避賊粲不動猶率子弟力戰兵死畧盡遂見害粲子尼及三弟助警構從弟昂皆戰死親戚死者數百人賊傳粲首闕下以示城內太宗聞之流涕曰社稷所寄維在韋公如何不幸先死行陣詔贈護軍將軍世祖平侯景追謚曰忠貞并追贈助警構及尼皆中書郎昂員外散騎嘗侍

羊侃爲都官尚書侯景反逼城侃親拒之景遣儀同

傅士哲呼侃與語曰侯王遠來問訊天子何爲閉距
不時進納尚書國家大臣宜啓朝廷侃曰侯將軍奔
亡之後歸命國家重鎮方城懸相任寄何所患苦忽
致稱兵今驅烏合之衆至王城之下虜馬飲淮矢集
帝室豈有人臣而至於此吾荷國重恩當稟承廟筭
以掃大逆耳不能妄受浮說開門揖盜幸謝侯王蚤
自爲所士哲又曰侯王事君盡節不爲朝廷所知欲
面啓至尊以除姦佞旣居戎旅故帶甲來朝何謂作
逆侃曰聖上聰明獻哲無幽不燭有何姦佞而得在
朝欲飾其非寧無詭說且侯王親舉白刃以向城關
事君盡節正若是邪士哲無以應乃日在北之日久
挹風歔願去戎服得一相見侃爲免胄士哲瞻望久之
之而去

陳沈恪仕梁爲宣猛將軍監吳興郡自吳興入朝高
祖受禪使中書舍人劉師知引恪令勒兵入辭因徵衛梁
敬帝如別宮恪乃排闥入見高祖曰恪身經事蕭家
來今日不忍見此事分受死耳决不奉命高祖嘉其
意乃不復遣

章昭達爲鎮南將軍江州刺史廢帝卽位遷侍中華
皎之反也其移文檄並假以昭達爲辭又頻遣使招

之昭達盡執其使送於京師皎平進號征南將軍增
邑并前二千五百戶

韓子高初文帝出守吳興子高事帝恭謹帝甚寵愛
之帝之討張彪也沈泰等先降文帝據有州城周文
育鎮北郭香巖寺張彪自郊縣夜還襲城文帝自北
門出倉卒暗夕軍人擾亂文育亦未測文帝所在唯
子高在側文帝乃遣子高自亂兵中往見文育反命
酬答於闇中又往慰勞衆軍文帝散兵稍集子高引
入文育營因其立柵明日與彪戰彪將申縉復降奔
松山浙東平文帝乃分麾下多配子高子高亦輕財
禮士歸之者甚衆文帝嗣位除右軍將軍

侯安都爲鎮西將軍討余孝勵還軍至南皖而高祖
終安都隨文帝還朝仍與群臣定議翼奉文帝時帝
謙讓弗敢當太后又以衡陽王故未肯下令群臣猶
豫不能決安都曰今四方未定何暇及遠臨川王有
功天下須共立之今日之事後應者斬便按劍上殿
白太后出璽叉手解文帝髮推枕喪次文帝卽位遷
司空仍爲都督南徐州諸軍事征北將軍南徐州刺
史

程靈洗爲郢州刺史雲麾將軍華皎之叛也遣使招

誘靈洗靈洗斬皎使以狀聞朝廷深嘉其忠增其守備給鼓吹一部因推心待之

魯廣達爲中領軍隋賀若弼進軍鍾山廣達率衆於白土崗置陣與弼旗鼓相對廣達躬擐甲冑手執桴鼓率勵敢死冒刃而前隋軍退走廣達逐北至營殺傷甚衆如是者數四焉及弼攻敗諸將乘勝至官城燒北掖門廣達猶督餘兵苦戰不息斬獲數十百人會日暮乃解甲面臺再拜慟哭謂衆曰我身不能救國負罪深矣士卒皆涕泣歔歔於是乃就執禎明年依例入隋廣達愴本朝淪覆邁疾不治尋以憤慨卒尚書令江總撫柩慟哭乃命筆題棺頭爲詩曰黃泉雖抱恨白日自流名悲君感義死不作負恩生纒又製廣達墓銘其畧曰災流淮海險失金湯時屯運極代革天亡爪牙背義介冑無良獨標忠勇率禦有方誠貫皎日氣勵嚴霜懷恩感報無事何忘

王猛徙鎮廣州未之鎮而隋師濟江猛總督所部赴援時廣州刺史臨汝侯方慶西衡州刺史衡陽王伯言並隸猛督府各觀望不至猛使高州刺史戴知烈清遠太守曾孝遠各以輕兵就斬之而發其兵

後魏劉潔道武時爲會稽公與永安侯魏勤率衆三

千人屯於西河以鎮撫之又與勤及功勞將軍元屈等擊吐京叛胡時離石胡出以眷引屈丐騎斷截山嶺邀潔潔失馬登山力戰矢亦俱盡爲胡所執送詣屈丐潔聲氣不撓呼其字而與之言神色自若屈丐壯而釋之後得還國

崔玄伯爲周兵將軍時明元未立清河王紹聞人心不安大出財帛班賜朝士玄伯獨不受明元卽位命玄伯居門下虛已問以不受紹賜財帛特賜帛二百匹

叔孫俊年十五以便弓馬爲獵郎清河王紹閉官門明元在外以後爲爪牙明元卽位命俊與元磨渾等拾遺左右及朱提王悅將爲大逆俊覺悅舉動有異便引手掣之乃於悅懷中得兩刃七首遂殺之段進太武初爲日道守節蠕蠕大入塞圍之力屈被執進抗聲大罵遂爲賊所殺太武愍之追贈安北將軍賜爵顯美侯謚曰壯

陳建以善騎射擢爲^內三郎稍遷下大夫內行長太武討山胡白龍輕之單將數十騎登山臨嶮每日如此白龍乃俠壯士十餘處出於不意太武墮馬幾至不測建以身捍賊大呼奮擊殺賊數人身被十餘鎗太

武壯之賜別戶二十

盧魯元爲散騎嘗侍右將軍從征赫連昌太武親追擊之入其城門魯元隨太武出入是日微魯元幾至危殆

劉尼爲振威將軍宗愛旣殺南安王余於東廟祕之唯尼知狀尼勸愛立文成愛自以負罪於景穆聞而驚曰君大癡人皇孫若立豈忘正平時事乎尼曰若爾今欲立誰愛曰待還宮擢諸王子賢者而立之尼懼其有變密以狀告殿中尚書源賀賀時與尼俱典兵宿衛仍其南部尚書陸麗謀曰宗愛旣立南安還復殺之今不能奉戴皇孫以順民望社稷危矣將欲如何麗曰唯有密奉皇孫耳於是賀與尚書長孫渴侯嚴兵守衛尼與麗迎文成於苑中麗抱文成於馬上入於京城尼馳東廟大呼曰宗愛殺南安王大逆不道皇孫已登大位有詔宿衛之士皆可還宮衆咸唱萬歲賀及渴侯登執宗愛賈周等勒兵而入奉文成於宮門外人登永安殿以尼爲內行長進爵建昌侯遷散騎嘗侍安南將軍

源賀爲征西將軍南安王餘之爲宗愛所殺也賀部勒禁兵靜邊外內與南部尚書陸麗決議定策翼戴

文成令麗與劉尼馳詣苑中奉迎文成賀守禁中爲之內應俄而麗抱文成單騎而至賀乃開門文成卽位社稷大安賀有力焉後遷太尉獻文將傳位於京兆王子雅時賀都督諸軍屯漢南乃馳傳徵賀賀既至乃命公卿議之賀正色固執不可卽詔賀持節奉皇帝璽以授孝文

崔僧淵爲顯武將軍討海賊於黃郭大破之齊明帝乃遣其族兄慧景遺僧淵書說以入國之屈規令改圖僧淵復書曰主上之爲人也無幽不炤無細不存仁則無遠不及博則無典不究殫三墳之微盡九丘之極至於文章錯綜煥然鬱炳猶夫子牆矣遂乃開獨悟之明尋先王之迹安遷虛荒兆變帝基惟新中壤宅臨伊域三光起重輝之照庶物蒙再化之始分氏定族列甲乙之科班官命爵清九流之貫禮俗之叙粲然復興河雒之間重隆周道巷歌邑頌朝熙門穆濟濟之盛非可備陳矣加以累葉重光地兼四岳士馬疆富人神欣仰道德仁義民不能名且大人之出本無所在况從聖繼聖至夫子孫者乎聖上諸弟風度相類咸陽王已下莫不英越枝葉扶疎適在天

於疆場若論事勢此爲實矣計彼主篡殺之迹人鬼同知疑親猜貴蚤暴遐邇况投心逆節千載何名物患無施詭非時用生不振世沒無令聲先師以爲鄙君子以爲愧此則事因伎殫自勉無益故其宜矣以兄之才夙超鄉土如弟之徒誰不瞻仰每尋昔念未敢忘懷雖復途遙二千心想若對敬遵美範以資一生令名可揚矣而不能顯親事可變矣而不能離辱故世之所未解也且君子在家也不過孝於其親入朝也不過忠於其君主上之於兄恩則不可酬義則不可背身可殺也故非其酬功不逮也故非其報今可以效矣而又弗爲非孝也卽實而言兄之不變得爲忠乎至於講武爭疆不敵者久矣論安與危不同者驗矣群情皆去獨留者謬矣願深察之王晏道絕外交詭非雄朗專華保望便就屠割方之於兄其全百倍且准蕃海捍本出北豪壽春之任兄何繇免以是而言猜嫌已决又宗門未幾南北莫寄先構之重非兄何託受社之榮鄙心已加望矣今執志不寤忠孝兩忘王晏之辜安能自保見機而作其在茲乎國家西至長安東盡卽墨營造詭甲必盡堅精晝夜不息者於茲數載今秋仲月雲羅必舉賈不及時雖實

不用若不蚤圖沉在連城矣枚乘有言欲出不出間不容髮精哉斯談弟於中北京身罹事譴大造之及有獲爲幸比蒙清舉超進非一犬馬之心誠有在矣雖復彼此爲異猶昔情不移也况於今日哉如兄之誨如弟之規改張易調易於反掌萬一乖情此運也劉渴侯太和中爲徐州後軍以力死戰衆寡不敵遂被禽瞋目大罵終不降屈爲賊所殺孝文贈立忠將軍平州刺史上庸侯賜絹千疋穀千斛嚴季爲軍較尉與劉渴侯同殿勢窮被執終不降屈後得逃還除立節將軍賜爵五等男

鄧翼爲河澗相父羌符堅車騎將軍慕容垂之圍鄴以翼爲後將軍冀州刺史真定侯翼泣對使者曰先君忠於秦室翼豈可先叛乎忠臣不事二主自古通義未敢聞命垂遣使喻之曰吾與車騎結異姓兄弟卿亦猶吾之子弟安得辭乎翼曰冀州宜任親賢翼請他役效命垂乃用爲建武將軍河澗太守長孫道生爲司空侍中第宅卑陋出鎮後其子弟頗更修繕起堂廡道生還嘆曰昔霍去病以匈奴未滅無用宅爲今疆寇尚遊魂漢北吾豈可安坐華美也乃切責子弟令毀宅

長孫稚爲平東將軍尚書右僕射時雍州刺史蕭寶
寅據州反以稚爲行臺討之稚時背疽未愈靈太后
勞之日卿病源如此朕欲相停更無可寄如何稚答
日死而後已敢不自力其子彥亦患脚痺扶杖入辭
尚書僕射元順顧相謂日吾等備爲大臣各居寵位
危難之日病者先行無乃不可乎莫有對者

崔楷爲後將軍殷州刺史時葛榮自破章武廣陽二
王之後鋒不可當初楷將之州人咸勸留家口單身
述職楷日食人之祿憂人之事如一身獨往朝廷謂
吾有進退之計將士又誰肯爲人固志也遂合家赴
州三年春賊勢已逼或勸减小弱以避之乃遣第四
女第三兒夜出旣而召寮屬共論之咸日女郎出嫁
之女郎君小未勝兵留之無益去復何損且使君在
城家口尚多足固將士之意竊不足爲疑楷日國家
豈不知城小力弱也置吾死地令吾死耳一朝送免
兒女將謂吾心不回虧忠全愛臧獲耻之况吾荷國
重寄也遂命追還州旣新立了無禦備之具及賊來
攻相率力抗拒疆弱勢懸每勒兵士撫勵之莫不爭
奮咸稱崔公尚不惜百口吾等何愛一身連戰半旬
死者相枕力竭城陷楷執節不屈賊遂害之楷長子

士元假征虜將軍防城都督隨楷之州州陷亦戰歿
楷兄弟父子並死王事朝野傷嘆焉贈使持節散騎
嘗侍鎮軍將軍定州刺史

杜顥孝明時爲征西將軍行岐州事蕭寶寅起逆顥
據州不從還除征虜將軍荊州刺史以守岐州勲封
平陽縣開國伯邑五百戶

晁清爲梁城戍將梁武攻圍糧盡城陷清抗節不屈
爲敵所殺贈樂陵太守謚曰忠

王榮世陽平館陶人爲三城戍主梁武帝攻圍力窮
知不可全乃先焚府庫後殺妻妾及賊陷城與戍副

鄧元興等俱以不屈被害孝明下詔褒美忠節進榮
世爵爲伯贈齊州刺史元興開國子贈雜州刺史

田益宗爲安南將軍時白早生反於豫州自雜口已
南郢豫二州諸城皆沒於蔡唯有義陽而已梁武帝
招益宗以車騎大將軍開府儀同三司五千戶郡公
當時安危在益宗去就而益宗守節不移郢豫尅平
益宗之力也

胡小虎少有武氣孝明時爲統軍於晉壽孝昌中梁
將樊文焮等寇邊益州刺史郗虬遣長史和安固守
小劍文焮圍之虬命小虎與統軍崔珍寶同往防拒

文熾掩襲小虎玳寶並禽之文熾攻小劍未陷乃將玳寶至城下使謂和安曰南軍疆盛北救不來豈若歸隸取其富貴和安命射之乃退復逼小虎與和安交言小虎乃慷慨謂安曰我柵不防爲賊所虜觀其兵士勢不足言努力堅守魏行臺傳檄梁州遣將已至賊以刀歐擊言不得終遂害之三軍無不歎其壯節哀其死亡賊尋奔敗禽其次將蕭世澄陳文緒等一十一人行臺魏子建壯其氣槩啓以世澄購其屍柩乃獲骸骨歸葬之

鄭光護爲前將軍廣州刺史後元顥入雒莊帝北遷光護據州起義兵不受顥命顥遣尚書令臨淮王或率衆討之光護出城拒戰莊帝還京嘉其誠節除使持節散騎當侍都督襄廣二州諸軍事鎮南將軍刺史如故

高諒爲驍騎將軍爲徐州行臺至彭城屬元法僧反叛逼諒同之諒不許爲法僧所害

楊侃爲右將軍岐州刺史屬元顥內逼以本官假撫軍將軍爲都督率衆鎮大梁未發詔行北中郎將孝莊徙御河北執侃手曰朕停卿藩寄移任此者爲今日但卿尊卑百口若隨朕行所累處大卿可還藩寄

之後圖侃曰此誠陛下曲恩寧可以臣微族頓廢君臣之義固求陪從至建州叙行從功臣自成陽王徽已下凡十人並增三階以侃河梁之誠特加四階侃固辭乞同諸人久乃見許

賈智爲冗從僕射梁將夏侯夔攻郢州以智爲龍驤將軍別將討之至則夔退智乃入城及刺史元顥達以城降於梁智勒城人不欲叛者與顥達交戰相率歸闕智爲東中郎將及爾朱仲遠爲徐州刺史智隸爾朱仲遠赴彭城爾朱榮之死也仲遠舉兵向繼智不從遂推兵出清水東招勸州民與相拒擊莊帝聞而善之因鍾徐州普泰初還繼仲遠忿其乖背議欲殺之智兄顯度先爲爾朱世隆所厚世隆爲解喻得全

賈思同爲平南將軍襄州刺史及元顥之亂也思同與廣州刺史鄭光護並不降莊帝還宮封營陵縣開國男邑二百戶除撫軍將軍

牟深爲二兗行臺爾朱榮殺害朝士深第七弟侃爲太山太守性麤武遂率鄉人外託於梁深在彭城忽得侃書怒深同逆深慨然流涕斬侃使人并書表聞莊帝乃下詔曰牟侃作逆霧起瑕丘擁集不逞扇

疆場傾宗之禍深乃自貽累世之節一朝毀汗牟深
血誠奉國秉操罔二聞弟猖獗自劾請罪此之丹款
實戢于懷且叔向復位春秋稱美深之慷慨氣同古
人忠烈遠彰赤心已著可令還朝面受委勅乃歸京
師除名

崔光韶河東武城人爲司空從事中郎以母老解官
歸養孝莊初河間邢杲率河北流民十餘萬衆攻逼
州郡刺史元雋憂不自安州人乞光韶爲長史以備
之時陽平路回寓居齊土與杲潛相影響引賊入郭
光韶臨機處分在難確然賊退之後刺史表光韶忠

毅朝廷嘉之發使慰勞焉尋爲東道軍司及元顥入
雒自河以南莫不風靡而刺史廣陵王欣集文武以
議所從欣曰北海長樂俱是同堂兄弟今宗祏不移
我欲受教諸君意各何如在堂之人莫不失色光韶
獨抗言曰元顥受制梁國稱兵本朝拔本塞源以資
讎敵亂臣賊子曠代少儔何但大王家事所宜切齒
臣等荷朝眷未敢仰從長史崔景茂前瀛州刺史張
烈前鄆州刺史房叔祖徵士張僧皓咸云軍司議是
欣乃斬顥使

賀拔勝初爲廣陽王深帳內軍主歸爾朱榮爲積射

將軍累遷武衛將軍爾朱榮之死也勝與田怡等赴榮第於時宮殿之門未加嚴時怡等議卽攻門勝止之曰天子旣行大事必當更有奇謀吾等衆旅不多何可輕爾但得出城更爲他計怡乃止及世隆夜走勝遂不從莊帝嘉之

宇文顯和孝武時爲冠軍將軍關內都督及齊神武專政帝每不自安謂顯和曰天下洶洶將若之何對曰當今之計莫若擇善而從之因誦詩云彼美人兮西方之人兮帝曰是吾心也遂定入關之策帝以顯和毋老家累又多令預爲計對曰今日之事忠孝不可竝立然臣不密則失身安敢預爲私計帝愴然改容曰卿我之王陵遷宋文直閣閣內大都督

楊昱爲南道都督時元顥侵逼大梁除昱爲磁東將軍光祿大夫加散騎嘗侍使持節假車騎將軍爲南道大都督鎮滎陽顥旣擒濟陰王暉業乘虛徑進大兵集於城下遣其左衛劉業王道安等招昱令降昱不從顥遂攻之城陷昱與弟息五人在門樓上須臾顥至執昱下城面責昱曰楊昱卿今死其心否卿以負我非我負卿也昱答曰分不望生向所以不下樓者正慮亂兵耳但恨八十老父無人供養負痛黃泉

求乞小第一命便死不朽也顯乃拘之明旦顯將陳慶之胡光等三百餘人伏顯帳前請曰陛下渡江三千里無遺鏃之費昨日一朝殺傷五百餘人求乞楊昱以快意顯曰我在江東嘗聞梁主言初下都日袁昂爲吳郡不降稱其忠節奈何殺楊昱自此之外任卿等所請於是斬昱下統帥三十七人皆令蜀兵剗腹取心食之顯旣入維除昱名爲民

北齊高翼仕魏爲東冀州刺史鎮東將軍時爾朱榮弑莊帝翼保境自守謂諸子曰主憂臣辱主辱臣死今社稷貼危人神憤怨破家報國在此也爾朱兄弟性甚猜忌忌則多害汝等宜早圖之先人有奪人之心時不可失也事未輯而卒

平鑿仕魏孝昌末爲爾朱榮撫軍神武謂鑿曰日者皇綱中弛公已早竭忠誠今爾朱披猖又能去逆從善搃落之時方識松筠卽啓授征西懷州刺史

高季式仕魏爲衛將軍元象中西寇大至孝文親率三軍以禦之陣於北邙師徒大敗河中流尸相繼敗兵首尾不絕人情騷動謂世事難知所親部曲請季式曰今日形勢大事去矣可將腹心二百騎奔梁旣得避禍不失富貴何爲坐死也季式曰吾兄弟受國

厚恩與高王共定天下一旦傾危亡去不義若社稷顛覆當背城死戰安能區區偷生苟活

高寶寧後主武平末爲營州刺史鍾黃龍夷夏重其威信周師將至鄴幽州行臺潘子晃徵黃龍兵寶寧率驍銳并契丹靺鞨萬餘騎將赴救至北平知子晃已發劄又聞鄴都不守便歸營周帝遣使招慰不受勅書范陽王紹信在突厥中上表勸進范陽署寶寧爲丞相史盧昌期據范陽城起兵寶寧引紹信集夷夏兵數萬騎來救之至潞河知周將宇文神舉必屠范陽還據黃龍竟不臣周

王琳在梁爲湘州刺史時陳武帝受禪於建業遣將侯安都周文育等討琳爲琳所破琳乃移湘州軍府就郢城帶甲十萬練兵於白水浦琳巡軍而言曰可以爲勤王之師矣温太真何人哉初魏尅江陵之時永嘉王莊年甫七歲逃匿人家後琳迎還湘中衛送東下及敬帝立出質于齊請納莊爲梁主齊文宣遣兵援送仍遣兼中書令李駟驗册拜琳爲梁丞相都督中外諸軍錄尚書事又遣中書舍人辛慤游說之等齋璽書江表宣勞自琳以下皆有頒賜琳乃遣兄子叔寶率所部十州刺史子弟赴鄴奉莊纂梁祚於

郢州莊授琳侍中使持節大將軍中書監收封安城郡公其餘並依齊朝前命及爲陳將所敗乃與莊同攻齊齊孝昭帝遣琳出合肥鳩集義故更圖進取琳乃繕戰艦分遣招募淮南僭楚皆願戮力陳合州刺史裴景暉琳兄珉之壻也請以私屬導引齊師孝昭委琳與行臺左丞盧潛率兵應赴沉吟不決景暉懼事洩挺身歸齊孝昭賜琳璽書令鎮壽陽其部下將帥悉聽以行乃除琳驃騎大將軍開府儀同三司揚州刺史封會稽郡公又增兵秩兼給鼓吹琳水陸戒嚴將觀釁而動屬陳氏結好於齊使琳更聽後圖會陳將吳明徹來寇帝勅領軍將軍尉破胡等出援秦州令琳共爲經畧琳謂所親曰今太歲在東南歲星居牛斗分太白已高皆利爲客我將有喪又謂破胡曰吳兵甚銳宜長策制之慎勿輕鬪破胡不從遂戰軍大敗琳單馬突圍僅而獲免還至彭城帝令便赴壽陽并許召募又進封琳巴陵郡王陳將吳明徹進兵圍之堰淝水灌城而皮景和等屯於淮西竟不赴救明徹晝夜攻擊城內水氣轉侵人皆患腫死病相枕從七月至十月城陷被執百姓泣而從之吳明徹恐其爲變殺之城東北二十里時年四十八哭者聲

如雷有一叟以酒脯來至號酌盡哀收其血懷之而去傳首建康懸之於市

鮮于世榮後主時累遷領軍大將軍周武來伐送馬
礪酒鍾與之得便撞破及周兵入鄴諸將皆降世榮
在三臺之前獨鳴鼓不輟及被執不屈乃見殺世榮
雖武人無文藝以朝危政亂每竊歎之見徵稅無厭
賜與過度發言歎息焉

慕容三藏紹宗之子也爲右衛將軍周師入鄴後主
東遁委三藏畱守鄴宮齊王公以下皆降三藏猶拒
戰及齊平武帝引見恩禮甚厚詔曰三藏父子誠節
久聞加榮褒授開府儀同大將軍

雷顯和爲建州道行臺左僕射周武帝使其子招焉
顯和禁其子而不受聞鄴城敗乃降

叱于苟生爲儀同鎮南兖州周武破鄴赦書至苟生
自縊死

庫狄士文爲領軍將軍周武帝平齊山東衣冠多來
迎惟士文閉門自守帝奇之授開府儀同三司

莫多婁敬顯爲領軍將軍從後主於平陽敗歸并州
與唐龜等推立安德王稱尊號安德敗文武群臣皆
投周軍惟敬顯走遠鄴授司徒周武帝平鄴城之明

日執敬顯斬於閭闔門下責其不留平陽也

立安

婚

連上

冊府元龜卷第三百七十二

十一月六日校是日大雪

冊府元龜卷第三百七十三

巡按福建監察御史臣李嗣京 正

分守建南道左布政使臣胡維霖 訂

知建 陽 縣事臣 黃國琦 較

將帥部 三十四

忠第四

後周楊擢仕魏孝莊時為伏波將軍給事中元顥入

維帝往晉陽就爾朱榮詔擢率其宗人收船至馬渚

擢未至帝已北度太行擢遂匿所收不以資敵及爾

朱榮奉命南討至馬渚擢乃具船以渡王師

冊府元龜 將帥部

卷之三百七十二

楊寬仕魏爲通直散騎嘗侍元顥自梁入繼孝莊出居河內寬與太宰元天穆俱謁孝莊於太行拜散騎嘗侍安東將軍仍爲都督從平河內進圍北中時梁將陳慶之爲顥兵守北門天穆駐馬圍外遣寬至城下說慶之寬先自稱姓名然後與語備陳利害勸令早降慶之不答久之乃曰賢兄撫軍在此頗欲相見否寬答曰僕兄旣力屈王威跡淪逆黨人臣之理何煩相見向所以先申姓名者豈不知兄在彼乎直以信不見疑忠爲令德耳僕之昆季幸不待言但當議良圖自求多福天穆聞之謂左右曰楊寬大異人何

至不惜形便如此自是彌敬重之孝莊反正拜中軍將軍爾朱榮被誅其從弟世隆等擁部曲燒城門出據河橋還逼京師進寬鎮北將軍使持節大都督隨機扞禦世隆謂寬曰豈忘太宰相知之深也寬答曰大宰見愛以禮人臣之交耳今日之事事君當節世隆北走寬追至河內俄而爾朱兆陷維陽囚執孝莊帝寬還雒不可遂自成臯奔梁至建業聞孝莊帝遇弑寬發哀盡誠梁武義之待之甚厚尋禮送還朝獨孤信仕後魏荊州刺史爲東魏高敖曹侯景所逼南奔秦梁居三載梁武帝方許信還北信父母旣在

山東梁武帝問信所往答以事君無二梁武深義之
爲武衛將軍孝武帝雅相委任及孝武西遷事起倉
卒信單騎及之於獠澗孝武歎曰武衛遂能辭父母
捐妻子遠來從我世亂識忠良豈虛言哉卽賜御馬
一匹進爵浮陽公後爲秦州刺史有自東魏來者告
其父母內問乃發喪行服

裴俠魏孝武時爲右中郎將及帝西遷俠將行而妻
子猶在東郡滎陽鄭偉謂俠曰天下方亂未知烏之
所集何如東就妻子徐擇木焉俠曰旣食人祿寧以
妻子易圖也遂從入關

令狐整仕魏孝武時爲瓜州刺史東陽王元榮主簿
盪寇將軍及鄧彥竊據瓜州拒不受代整與開府張
穆等密應使者申徽執彥送京師周文帝嘉其忠節
表爲都督瓜州城人張保殺刺史成慶與涼州刺史
宇文仲和構逆規據河西晉昌人呂興等復害郡守
郭肆以郡應保整令所親說保令任整爲將茂不濟
矣保納其計且以整父兄等並在城中弗之疑也遂
令整至玉閔郡召集豪傑說保罪逆馳還襲之先定
晉昌斬呂興進軍擊保州人素服整威名並棄保來
附保遂奔吐谷渾衆議推整爲刺史整曰本以張保

肆逆殺害無辜闔州之人俱陷不義今者同心務在
 除凶若其相推薦復恐效尤致禍於是乃推波斯使
 主張道義行州事具以狀聞詔以申徽為刺史徽整
 赴闕授壽昌郡守封襄武縣男文帝謂整曰卿早建
 殊勲今官位未足酬賞方當與卿共平天下同取富
 貴遂立為瓜州義首整以國難未寧嘗願舉宗效力
 遂率鄉親三千餘人入朝隨軍征討文帝嘗謂整曰
 卿遠祖立忠而來可謂世濟其美者也
整遠祖漢建威將軍邁不為王莽所屈其子避地河右故帝稱之
 裴寬西魏太統中為征虜將軍與東魏將彭樂徇戰

於新城因傷被擒至河陰見齊文襄寬舉止詳雅善
 於占對文襄甚賞異之謂寬曰卿三河冠蓋材識如
 此必使卿富貴關中貧狹何足可依勿懷異圖也因
 解鎖付館加厚禮遇寬乃裁所卧氈夜縋而出因得
 遁還見於太祖太祖顧謂諸公曰被堅執銳或有其
 人疾風勁草歲寒方驗裴寬為高澄如此厚遇乃能
 冒死歸我雖古之竹帛所載何以加之乃授帥都督
 李廣為大將軍沌口之役華皎軍敗為吳明徹所擒
 將降之廣辭色不屈遂被害
 高琳為衛將軍除正平郡守加大都督時齊將東方

老來寇琳擊之老中數鎗乃退謂其左右曰吾經陣多矣未見如此健兒後乃密使人勸琳東歸琳斬其使以聞進使持節車騎大將軍
蔡祐字承先爲平東將軍從太祖戰於河橋下馬步鬪手殺數人左右勸乘馬以備急卒祐怒之曰丞相養我如子今日豈以性命爲念遂率左右十餘人齊聲大呼殺傷甚多敵以其無繼遂圍之十餘重謂祐曰觀君似是勇士但弛甲來降豈慮無富貴邪祐罵之曰死卒吾今日取汝頭自當封公豈假賊之官號也戰數合敵乃稍却祐徐引退

李穆爲并州總管以功授都督河橋之戰太祖所乘馬中流矢驚逸太祖墜於地軍中大擾敵人追及之左右皆奔散穆乃以策擊太祖因罵曰爾曹主何在爾獨住此敵人不疑是貴人遂捨之而過穆以馬授太祖遂得俱免是日微穆太祖已不濟矣自是恩賜更隆太祖美其忠節乃歎曰人之所貴唯身命耳李穆遂能輕身命之重齊孤之難雖復加之以爵位賞之以玉帛未足爲報也

竇熾爲柱國大將軍明帝以熾前朝舊臣勲望兼重欲獨爲造第熾辭以天下未平干戈未偃不宜輒發

徒役明帝不許後爲雍州牧權行雍州鎮事後入朝屬隋文帝初爲相國百官皆勸進熾自以累代受恩遂不肯署牋時人高其節

柳檜爲撫軍將軍魏興華陽二郡守安康人黃衆寶等圍檜郡力屈城陷爲賊所獲衆寶等進圍東梁州乃縛檜置城下欲令誘說城中檜乃大呼曰群賊烏合糧食已罄行卽退散各宜勉之衆寶大怒乃臨檜以兵曰速更汝辭不爾便就戮矣檜守節不變遂害之棄屍河中人皆爲之流涕衆寶解圍之後檜兒子止戈方收檜屍還長安贈東梁州刺史

杜叔毗爲車騎大將軍從魏國公直南討軍敗爲陳人所擒陝人將降之叔毗辭色不撓遂被害

王思政爲驃騎將軍嘗以勤王爲務不營資產嘗被賜園地思政出征後家人種桑果及還見而怒曰何奴未滅去病辭家况大賊未平何事產業命左右拔而棄之思政守潁川東魏太尉高岳等率兵來攻齊文襄更益岳兵堰洧水以灌城城中水泉湧溢不可防止懸釜更炊糧力俱竭齊文襄聞之乃率步騎十一萬來攻自至堰下督勵士卒水壯城北面遂摧水便蒲溢無措足之地思政知事不濟率左右據土山

謂之日吾受國重任本望平難立功精誠無感遂辱
王命今力屈道窮計無所出當効死以謝朝恩因仰
天大哭左右皆號慟思政西向再拜便欲自剄先是
齊文襄告城中人日有能生致王大將軍者封侯重
賞若大將軍身有損傷親近左右皆從大戮都督賂
訓謂思政日公嘗語訓等但將我頭降非但得富貴
亦是活一城人今高相既有此言公豈不哀城中士
卒也固止之不得引決齊文襄遣其嘗侍趙彥深就
土山執手申意引見文襄辭氣慷慨無撓屈之容文
襄以其忠於所事禮遇甚厚

楊敷字文衍爲驃騎大將軍汾州刺史戰敗爲齊將
段孝先所擒齊人方欲任用之敷不爲之屈遂以憂
憤卒於鄴

尉遲綱爲前將軍太祖與東魏戰於邙山大軍不利
人心離散綱勵將士盡心翊衛

王軌爲上開府儀同大將軍高祖遣宣帝征吐渾谷
軌與宇文弼從時宮尹鄭譯王端等竝得幸於宣
帝宣帝在軍中頗有失德譯等皆預焉軍還軌等言
之於高祖高祖大怒乃撻帝除譯等名仍加撻楚宣
帝因此大衛之軌又嘗與小內史賀若弼言及此事

且言皇太子必不克負荷弼深以爲然勸軌陳之軌後因侍坐乃白高祖曰皇太子仁孝無聞又多涼德恐不了陛下家事臣暗昧不足以論是非陛下嘗以賀若弼有文武奇才識度宏遠弼比每對臣深以此事爲慮高祖召弼問之弼乃跪對曰皇太子養德春宮未聞有過未審陛下何從得聞此言旣退軌謂弼曰半生言論無所不道今者對揚何得乃爾翻覆弼曰此公之過也皇太子國之儲副豈易爲言事有差跌便至滅門之禍本謂公密陳臧否何得遂至昌言軌默然久之乃曰吾盡心國家遂不存私計向者對衆良實非宜其後軌內宴上壽又捋高祖鬚曰可愛好老公但恨後嗣弱耳高祖浮以爲然但漢王次長又不才此外諸子並幼故不能用其說宣帝卽位追鄭譯等復爲近侍軌自知及於禍謂所親曰吾昔在先朝實申社稷至計今日之事斷可知矣此州控帶淮南隣接疆寇欲爲身計易同反掌但忠義之節不可虧違况荷先帝厚恩每思以死自效豈以獲罪於嗣主便欲背德於先朝止可於此待死義不爲佗計與千載之後知吾此心元象元年帝令內史杜虔信就徐州殺軌

尉遲迥爲相州總管隋文帝輔政以迥位望宿重懼爲異圖乃令迥子魏安郡公惇齋詔書以會葬徵迥尋以鄖國公韋孝寬代之爲總管迥以隋文帝當權將圖篡奪遂謀舉兵留惇而不受代隋文帝又使侯正破六韓裒詣迥論旨密與總管府長史晉昶等書令爲之備迥聞之殺長史及裒乃集文武士庶登城北樓而令之曰楊堅以凡庸之才藉后父之勢挾幼主而令天下咸福自己賞罰無章不臣之迹曝於行路吾居將相與國舅甥同休共戚義猶一體先帝處吾於此本欲寄以安危今欲與卿等糾合義勇安國庇人進可以終臣節卿等以爲何如於是衆咸從命莫不感激乃自稱大總管承制署置官司於時趙王昭已入朝留少子在國迥又奉以號令迥弟子勤時爲青州總管亦從迥迥令管相衛黎毛羅貝趙冀瀛滄勤所統青膠先莒諸州皆從之衆數十萬榮州刺史邵國公宇文胄申州刺史李惠東楚州刺史費也利進東潼州刺史曹孝達各據州以應迥迥又北結高寶寧以通突厥南連陳人誅割江淮之地隋文帝於是徵兵討迥卽以韋孝寬爲元帥魏安郡公惇率衆十萬人入武德軍於沁東孝寬等諸軍隔水相持

不進隋文帝又遣高熲馳驛督戰惇布兵二十餘里
麾軍小却欲待孝寬軍半度擊之孝寬因其小却鳴
鼓齊進惇大敗孝寬乘勝進至鄴迥與子惇祐等又
悉其卒十三萬陣於城南迥別統萬人皆綠巾錦襖
號曰黃龍兵勤率衆五萬自青州赴迥以三千騎先
到迥舊習軍旅雖老猶被甲臨陣其麾下千兵皆關
中人爲之力戰孝寬等軍失利而却鄴中士女觀者
如堵高熲與李詢乃整陣先犯觀者因其擾而乘之
迥衆大敗遂入鄴迥走保北城李寬縱兵圍之李詢
賀樓子幹以其屬先登迥上樓射殺數人乃自殺子
惇等東走并追獲之餘衆月餘皆斬之迥自起兵至
敗凡六十八日唐武德中迥從孫庫部員外郎耆福
上表請改葬朝廷以迥忠於周室有詔許之
崔弘度爲大將軍尉遲迥反弘度以行軍總管從韋
孝寬討之所當無不披靡弘度妹先適尉遲迥子惇
爲妻及破鄴城迥窘迫登樓弘度直上龍尾追之迥
將射弘度弘度乃謂迥曰今日各圖國事不暇得顧
私事旣如此早爲身計何所待也迥置弓於地罵大
丞相極口自殺弘度顧弟弘昇使取迥頭進位上柱
國時行軍總管例封國公以弘度不時殺迥縱至惡

小字附前條下

言繇是降爵一等爲武卿郡公

司馬消難爲交州總管隋文帝輔政消難旣聞蜀公
迥不受代遂欲與迥合勢亦舉兵應之以開府田廣
等爲心腹殺總管長史侯莫陳果邛州刺史蔡澤等
四十餘人所管邛隨温應士順沔環岳九州魯山旣
山沔陽應城平靖武陽上明湏水八鎮並從之使其
子氷質於陳以求援隋文帝命襄州總管王誼爲元
帥發荆襄兵以討之八月消難聞誼軍將至夜率其
麾下歸於陳

王謙爲益州總督時隋文帝秉政謙令司錄賀若昂
奉表詣闕昂還具陳京師事勢謙世受國恩將圖興
復遂舉兵署置官司所管益潼新始龍邛青廬戎寧
汶陵遂合楚資眉普十八州及嘉渝臨渠蓬隆通興
武康十州之人多從之總管長史乙弗虔益州刺史
達奚恭勸謙據險觀變隆州刺史高阿那肱爲謙畫
三策曰公親率精銳直至散關蜀人知有勤王之節
必當各思効命此上策也出兵梁漢以顧天下此中
策也坐守劍南發兵自衛此下策也謙參用其中下
之策謙遣兵鎮始州隋文帝以梁肅爲行軍元帥便
發利鳳及秦城諸州兵討之達奚恭勸乙弗虔等衆十

萬攻利州聞睿至衆潰睿乘其弊縱兵深入基虔密使詣睿請爲內應以贖罪謙不知之並令守成都謙先無籌畧承藉父勲遂居重任初謀舉兵咸以地有江山之險進可以立功退可以自守且任用多非其才及聞睿兵奄至惶懼乃自率衆逆戰又以基虔之子爲左右軍行數十里軍皆叛乃以二十騎奔新都縣令王寶斬之傳首京師基虔以成都降隋文以其首謀斬之阿那肱亦誅

隋庫狄士文初仕齊爲領軍將軍周武帝平齊山東衣冠多迎周師惟士文閉門自守帝竒之授開府儀同三司隋州刺史

高頴仕周爲下大夫拜開府高祖德政爲相府司錄尉遲迥起兵高祖命頴爲監軍頴受命便發遣人辭母云忠孝不可兩兼歔歔就路

周羅暎初仕陳爲使持節都督南川諸軍事至德中江州司馬吳世興密奏羅暎甚得人心擁衆嶺表意在難測陳主惑焉蕭摩訶魯廣達等保明之外有知者或勸其反羅暎拒絕之

李崇爲幽州總管開皇中突厥大爲寇掠崇率步騎三千拒之轉戰十餘日師人多死遂保于砂城突厥

圍之城本荒廢不可守禦曉夕力戰又無所食每夜出掠賊營復得六畜以繼軍糧突厥畏之厚爲其備夜中結陣以待之崇軍苦饑出輒遇敵死亡畧盡遲明奔還者尚且百許人然多重傷不堪更戰突厥意降之遣謂崇曰若來降者封爲特勤崇知必不免命其士卒曰崇喪師徒罪當萬死今日效命以謝國家待看吾死且可降賊方便散走努力還鄉若見至尊道崇此意乃挺刃突賊復殺二人賊亂射之遂卒於陣

堯君素大業末爲鷹揚郎將從驍衛大將軍屈突通拒唐高祖義兵於河東俄而通引兵南遁以君素有膽畧署領河東通守義師遣將呂紹宗韋義節攻之不尅及通軍敗至城下呼之君素見通歔歔流涕悲不自勝左右皆哽噎通亦泣下霑襟因謂君素曰吾軍以敗義旗所指莫不嚮應事勢如此卿當蚤降以取富貴君素答曰公當爪牙之寄爲國大臣主上委公以關中代王付公以社稷國祚隆替懸之於公奈何不思報效以至於此僕爲義士寧輕害郭且公所乘馬卽代王所賜也公何面目乘之哉通曰吁君素我力屈而來君素曰我今力猶未屈何用多言通慙而

退時圍甚急行李斷絕君素乃爲木鷲置表於頸具論稟勢浮之黃河沿流而下河陽守者得之達於東都越王侗見而歎息於是承制拜君素爲金紫光祿大夫密遣行人勞苦之監門直閣龐王武衛將軍皇甫無逸前後自東都歸義俱造城下爲陳利害唐高祖乃賜金券待以不死君素卒無降心其妻又至城下謂之曰隋之已亡天命有屬君何自苦身取禍敗君素曰天下事非婦人所知引弓射之應絃而倒君素亦知事必不濟然要在守死不易每言及國家未嘗不歔歔嘗謂將士曰吾是藩邸舊臣累蒙獎擢至於大義不得不死今穀乏數年食盡此穀足知天下之事必若隋室傾敗天命有歸吾當斷頭以付諸君也時百姓苦隋日久及逢義舉人有息肩之望然君素善於統領下不能叛歲餘頗得外口城中微知江都傾覆又糧食乏絕人不聊生男女相食衆心離駭月餘君素爲左右所害

張季珣少慷慨有志大業末爲鷹揚郎將其軍據箕山爲固與雒口連接及李密翟讓攻陷倉城遣人呼之季珣罵密極口密怒遣兵攻之連年不能克時密衆數十萬在其城下季珣四面阻絕所領不過百人

而執志彌固誓以必死經三年養用盡樵蘇無所得
撤屋而爨人皆穴處季珣撫之一無離叛糧盡士卒
羸病不能拒戰遂爲所陷季珣曰吾雖爲敗軍之將
猶是天子爪牙之臣何容拜賊也密壯而釋之

來護兒爲右翊衛大將軍伐遼出滄海道師次東萊
會揚玄感反進攻雜陽護兒聞之召裨將周法尚等
議旋軍討逆法尚等咸以無勅不宜擅還再三固執
不從護兒厲聲曰雜陽被圍心腹之疾高麗逆命猶
疥癬耳公家之事知無不爲專擅在吾當不關諸人
也有沮議者軍法從事卽日廻軍令子弘及整馳驛
奏聞帝見弘等甚悅曰汝父擅赴國難乃誠臣也授
弘通議大夫整公路府鷹揚郎將乃降璽書於護兒
曰公旋師之時是朕勅公之日君臣意合遠同符契
臬此元惡期在不遥勒名太嘗非公而誰也於是護
兒與宇文述破玄感於閩鄉斬平之

唐屈突通初仕隋大業中爲左驍衛大將軍時秦隴
盜賊蜂起以通爲關內討捕大使及煬帝幸江都令
通鎮長安義兵起代王遣通進屯河東旣而義師
河東大破通將桑顯和於飲馬泉永豐倉又爲義師
所尅通大懼留鷹揚郎將堯君素守河東將自武關

趨藍田以赴長安軍至潼關爲劉文靜所遏不得進相持月餘通又令顯和夜襲文靜詰朝大戰義軍不利顯縱兵破二柵唯文靜一柵獨在顯和兵復入柵而戰者往復數焉文靜爲流矢所中義軍氣奪垂至於敗顯和以兵疲傳殮而食文靜因得分兵以實二柵又有遊軍數百騎自南山來擊其背三柵之兵復大呼而出表裏齊奮顯和軍潰僅以身免悉虜其衆通勢彌蹙或說通歸降通泣曰吾蒙國重恩歷事兩王受人厚祿安可逃難有死而已每自摩其頸曰要當爲國家受人一刀耳勞勉將士未嘗不流涕人亦以此懷之高祖遣其家僮召之通遂命斬之通聞京師平家屬盡沒乃留顯和鎮潼關率兵東下將如鞏陽通進路而顯和降於劉文靜遣副將竇琮段志玄等率精騎與顯和追之及於稠桑通結陣以自固竇琮得通子壽令往諭之通大呼曰昔與汝爲父子今與汝爲仇讎命左右射之顯和呼其衆曰京師陷矣汝並關西人欲何所去衆皆釋仗通知不免乃下馬東南向再拜號哭曰臣力屈兵敗不負陛下天地神祇實所鑒察遂擒通送於長安高祖謂曰何相見晚邪通泣對曰通不能盡人臣之節力屈而至爲本朝

之辱以愧相見高祖曰隋室忠臣也命釋之
李藝初仕隋爲武賁郎將煬帝令督運於北平大業
末自稱幽州總管宇文化及至山東遣使呼藝藝斬
其使者而爲煬帝發喪

劉世讓爲安定道行軍總管率兵拒薛舉戰敗世讓
及弟寶俱爲舉軍所獲舉將至城下令給說城中曰
大軍五道已趨長安宜開門蚤降世讓僞許之因告
城中曰賊兵多少極於此矣宜善自固以圖安全舉
重其執節竟不之害太宗屯高城世讓潛遣寶逃歸
言賊中虛實高祖嘉之賜其家帛千疋及賊平得歸
授彭州刺史尋領陝東道行軍總管與永安王孝基
擊呂崇茂於夏縣諸軍敗績世讓與唐儉俱爲賊所
獲獄中聞獨孤懷恩有逆謀逃還以告高祖時高祖
方濟河將幸懷恩之營聞難驚曰劉世讓之至豈非
天哉因勞之曰卿往陷薛舉遣弟潛效款誠今復冒
危告難是皆愛國忘身也尋封弘農郡公賜莊一區
錢百萬累轉并州總管統兵屯於鴈門突厥處羅可
汗與高開道范君璋合衆攻之甚急鴻臚卿鄭元璠
先使在蕃可汗令元璠來說之世讓厲聲曰大丈夫
奈何爲夷狄作說客邪經月餘虜乃退及元璠還述

世讓忠勇高祖下制褒美之賜以良馬

劉感武德初以驃騎將軍鎮涇州薛仁果率衆圍之感嬰城拒守垂陷者數矣長平王叔良援兵至仁果解圍而去感與叔良出戰爲賊所擒仁果復圍涇州令感語城中云援軍已敗徒守孤城何益也宜蚤出降以全家室感許之及至城下大呼曰逆賊義餓亡在朝夕秦王率軍十萬衆四面俱集城中勿憂各宜自勉以全忠節仁果大怒執感於城邊埋脚馳騎射殺之至死聲色愈厲賊平高祖購得其尸祭以少牢贈瀛州刺史封平原郡公謚曰忠壯

王行敏爲屯衛將軍武德三年爲潞州刺史進攻竇建德之師於武陟其後督兵徇燕趙會劉黑闥來攻行敏自歷亭出兵拒戰擊賊破之旣而憇於野不設備賊知而掩之左右皆遁因爲闡所擒竟不拜閔斬之臨死西向言曰行敏大唐忠臣願陛下知之高祖聞而痛惜焉

左難當宣州人也武德中爲柱國獻池徽三州總管及輔公柘反遣使誘之難當斬其使者以聞仍率兵據赤石城公柘怒發衆數萬攻之不尅而還及公柘平高祖嘉其諫效拜宣州都督進位上柱國封戴國

公食邑三千戶

盛彥師爲宋州總管徐圓朗反彥師爲安撫大使因戰沒於賊圓朗令彥師作書誘其弟令舉城降已彥師爲書曰吾奉使無狀被賊所擒爲臣不忠誓之以死汝宜善侍老母勿以吾爲念圓朗初色動而彥師自若圓朗乃笑曰盛將軍乃有壯節不可殺也待之如舊

姜寶誼武德二年爲右武衛大將軍與尚書右僕射裴寂拒宋金剛于汾州戰始合寂棄軍而走兵遂大潰寶誼爲賊所擒高祖初聞其沒也泣曰寶誼烈士必不生降賜其家物千段米三百石寶誼後謀背賊事洩遇害臨死西向大言曰臣無狀負陛下屠潰是所甘心但敗軍喪師九泉所恨及賊退高祖遣使迎其柩謚曰剛

張善相爲伊州總管武德二年王世充攻伊州善相被圍糧盡援兵不至城中餓死者日數百人善相自知必敗謂僚吏曰善相荷國厚恩要當效命諸公無同爲死當斬吾頭以歸世充衆皆泣曰寧與公同死終不獨生尋西城陷賊執善相送於世充善相辭色不撓世充怒令斬之善相罵世充極口而死高祖聞

而歎曰吾負善相善相不負吾也封其子爲襄城郡公

羅士信武德五年爲新安道行軍總管守雒水城爲劉黑闥所擒黑闥聞其勇意欲活之士信辭色不屈因斬之高祖聞而傷惜購得其屍而葬之

契苾何力鐵勒特勤子也特勤死貞觀初隨其母率衆內附太宗置其部落於其涼之境何力至京授左領軍將軍十四年爲葱山道副大總管討平高昌時

何力母姑臧夫人及母弟賀蘭州都督沙門並在京府何力歸省其母兼撫巡部落時薛延陁疆盛契苾部落皆願從之乃脅其母弟使從何力至聞而大驚

曰王上於汝有厚恩任我又重何忽而圖叛逆諸首領皆曰可敦及都督已去何顧不行何力曰忠孝不並我弟沙門足得侍養我終不能去也於是衆共執何

力至延陁致於可汗牙前何力箕踞而坐拔佩刀東向大呼曰豈有大唐烈士受辱蕃庭天地日月願炤我心又割左耳以明志不可奪也可汗怒欲殺之爲

其妻所押而止會有使自延陁至具言其狀太宗遽令兵部侍郎崔敦禮持節入延陁詐降公主以和何力錄是得還拜右驍衛大將軍

龐孝泰爲左驍衛將軍高宗遣將征高麗孝泰爲沃沮道總管時孝泰率領南水戰之士軍於蛇水之上高麗蓋蘇文益兵擊之孝泰大敗或勸突圍就劉伯英曹繼叔之營孝泰曰我伏事國家兩代過蒙恩遇高麗不滅吾必不還伯英等何必救我又我將鄉里子弟五千餘人今並死盡豈一身自求生邪賊內薄攻之死者累萬箭如蝟毛遂與其子一十三人皆死之

杜孝昇爲扶州臨河鎮將儀鳳二年吐蕃寇臨河孝昇登外城樓以拒賊力屈爲賊所執令孝昇送書與松州都督武君寂以邀其降孝昇不從又虜其妻子爲質孝昇身遭六創竟不從俄而賊衆捨孝昇而退孝昇又率黨衆拒守詔授孝昇游擊將軍以旌其忠烈仍賜物二百段孝昇俄以創甚去職詔令給祿終身

成三郎爲左豹韜衛長上果毅李孝逸之討徐敬業以爲前鋒軍至高郵爲賊所陷擒送江都賊黨庸之奇詐告其徒曰此是賊帥李孝逸也將斬之三郎大呼曰我是果毅成三郎不是將軍李孝逸官軍已至四面合圍我死妻子受榮你死家口配沒終不及我

賊遂害之

許欽明萬歲通天元年爲夔州都督府長史兼龍山軍討擊副使軍次崇州與契丹戰敗被擒賊將圍安東令欽明邀屬城未下者安東都護裴玄理時在城中欽明謂之曰狂賊天殃滅在朝夕公但謹守勵兵以全忠節賊大怒遂害之帝聞而下制褒美贈朔州刺史又授其子輔乾左監門衛中候令迎其喪柩以還改葬

薛訥大將軍仁貴子也則天時突厥入寇河北則天以訥將門子使攝左威衛將軍安東道經畧使臨行於同明殿召見與語訥因奏曰醜虜憑陵以廬陵王爲辭今雖有昇儲外議猶恐未定若此命不易則狂賊自然款服則天深然其言

程千里爲右金吾衛大將軍安祿山反以千里宿將詔往河東除上黨郡長史守上黨賊將蔡希德數圍逼上黨希德數以輕騎挑戰千里開城門獨將麾下百餘騎逐希德欲生得之度橫橋橋壞墜坑中爲賊所執仰首告將士曰非戰之過天命不祐遂至於此公等爲吾報城中將士善守之城不可下遂被執送東京見安慶緒慶緒捨之

劉客奴幽州昌平人爲平盧軍遊奕使其性忠謹爲軍人所信天寶末范陽平盧河東等三節度安祿山反詔以安西節度封嘗清爲范陽節度以平盧節度副使呂知誨爲平盧節度以太原尹王承業爲河東節度安祿山旣僭位於東都遣腹心韓朝陽等招誘知誨知誨遂受逆命誘殺安東副使護保定軍使馬靈登以自立功祿山遂僞署知誨爲平盧節度使客奴與平盧諸將同謀襲殺知誨仍遣使與安東將軍王立志遙相應援馳以奏聞

杜鴻漸爲朔方留後節度副使天寶末肅宗北幸至平涼未知所適鴻漸與六城水運使魏少游節度判官崔漪度支判官盧簡關內鹽池判官李涵謀曰今胡羯亂嘗二京陷沒主上南幸於巴蜀皇太子理兵於平涼然平涼散地非聚兵之處必欲制勝非朔方不可若奉迎殿下旬日之間西收河隴廻紇方彊與國通好北徵勁騎南集諸城大兵一舉可復二京雪社稷之耻上報明主下安蒼生亦臣子之用心國家之大計也鴻漸卽日草屨具陳兵馬招集之勢錄軍資器械倉儲軍物之數令李涵齎赴平涼肅宗大悅鴻漸知肅宗發平涼於北界白草頓迎謁因勞請使

及兵士進言曰朔方天下勁兵靈州用武之處今契
紇請和吐蕃內附天下郡邑人皆堅守以待制命其
中雖爲賊所據亦望不日收復殿下整理軍戎長驅
一舉則逆胡不足滅也肅宗然之

李栖筠爲封嘗清安西行軍司馬玄宗幸蜀肅宗興
復於靈武徵兵於安西栖筠以精卒七千人赴行在
所栖筠感以臣子大義士皆有忘家死難之志尅復
兩京遷殿中侍御史

李嗣業爲安西高仙芝將以功授驃騎左金吾大將
軍及祿山反兩京陷肅宗在靈武詔追嗣業赴行在
嗣業自安西統衆萬里至鳳翔謁見帝是時方欲大
舉收復二京帝曰今日得卿勝數萬衆事之濟否實
在卿也

馬璘爲左金吾衛將軍戍安西至德初聞王室多難
乃統甲士三千自二庭赴於鳳翔肅宗竒之委以東
討陣陝郊戰河陽皆有殊效

張子卿爲關中節度使王思禮將至德二年與將士
四千餘人割耳爲盟請爲父子軍爲國討賊

張元軌爲特進至德二年與將軍焦知廉副將衛如
璧及所領武士五百人相與盟咸截左耳誓雪國讎

令狐彰初爲安祿山將史思明僞署滑州刺史令統兵戍滑臺彰感激忠義思立名節乃潛謀歸順會中官楊萬定監滑州軍彰遂募勇士善於水者乘夜涉河達表萬定請以所管兵馬及州縣歸順因萬定以聞自祿山構逆爲賊首者未有舉州向化肅宗得彰表大悅賜書慰勞尋爲思明將所攻兵敗潰圍而出隨萬定入朝肅宗深獎之尋拜滑亳魏博六州節度使大曆中犬戎犯邊徵兵防秋彰遣屬吏部統營伍自滑至京西向二千餘里甲士三千人率自齎糧所過州縣路次供擬皆讓而不受經閭里不犯秋毫年八年卒臨終手疏辭表誠子以忠孝守節表曰臣男建等性不爲非行亦近道今勅賜東都私第使他年爲臣報國下慰幽魂臨歿昏亂伏枕哀咽帝覽表嗟悼久之

張孝忠肅宗上元中爲李寶臣易州刺史及寶臣死其子惟岳阻兵不受徵朝詔幽州節度使朱滔討之滔以孝忠宿將慮軍興則撓其境乃使判官蔡雄說孝忠孝忠然之與滔合兵攻惟岳後王武俊斬惟岳首以獻定州刺史楊正義以州降遂有易定之地時旣誅惟岳分四州各置觀察使武俊得鎮州康日知

得深趙二州孝忠得易州以成德軍額在鎮州孝忠
既降正義朝廷乃於定州置義武軍以孝忠櫛較正
部尚書爲義武軍節度易定滄等州觀察等使及朱
滔田悅等相扇及逆競以利啗邀之爲亂孝忠孤軍
四面受敵修浚壕壘感勵士卒竟不爲群兇熒惑
郭子儀爲天下兵馬副元帥中官魚朝恩害子儀之
功因事媒孽之尋召還京師以李光弼代子儀之任
子儀雖失兵柄乃心王室以禍難未平不遑寢息後
復爲副元帥出鎮絳州將行肅宗大漸群臣莫有見
者子儀請曰老臣受命將死於外不見陛下目不瞑

乃引至卧内謂曰河東事一以委卿子儀嗚咽流涕

而出子儀事上忠誠臨下寬厚每降城下邑所至之

處必能得士衆心前後遭罹倖臣程元振魚朝恩等

譖毀百端時方握彊兵或臨戎敵詔命徵之未嘗不

卽日而抵召故讒不能行代宗幸陝時令以數十騎

覘賊及在涇陽又陷於胡虜重圍之中皆以身自許

國未嘗以危亡廻顧亦遇天幸竟免患難

劉昌初爲宋州牙門將大曆中李靈曜據汴州反刺

史李僧惠將受靈曜牽制昌密遣僧神表潛說僧惠

召昌問計昌泣陳其逆順僧惠感之仍使神表齎表

詣闕請討靈曜遂剪靈曜左翼汴州遂平
薛平父嵩大曆中爲昭義節度平年十二爲磁州刺
史嵩率軍吏欲用河北故事脅平知留後禘平僞許
之讓於伯父寧一夕以喪歸及免喪累授右衛將軍
張仵建中初以澤潞將守洺州田悅攻之仵度兵不
出戰賊不能得累月攻益急士死傷多食且盡救兵
未至仵知事不濟無以勸士乃悉召將卒命其女出
拜之謂曰將士辛苦守戰仵之家無尺寸物與公等
爲賞獨有此女幸未嫁人情愿出賣之爲將士一日
之費衆皆大哭曰今日爲將軍出死命戰且守日夜
不解會馬燧以太原之師至與衆軍合擊悅於城下
大敗之仵乘勢出戰士以一當百圍解以功累遷泗
州刺史

馬燧爲河東節度魏博招討使討田悅建中三年前
殿中丞李雲端與其黨袁封單超俊李誠信冀信等
以京師苦旱乃又借商戶錢人心大擾乃扇飛語云
鳳翔留鎮幽州兵多逃南山爲群盜以搖人心將作
亂雲端等與燧子暢善乃令其黨溫靖齎書與燧
陳利害令旋師燧執靖奏其狀令兄炫引暢請罪帝
以暢大臣子方委燧以精難不竟其事敕炫就第杖

三十遣捕雲端鞫於禁中十一人皆處死

馮河清初隸涇原節度兵馬使建中四年節度使姚令言奉詔率兵赴關東以河清知兵馬留後判官殿中待御史姚况知州事及令言至京師所統兵叛帝幸奉天河清與况聞之乃集三軍大哭因以激勵將吏誓敦忠節衆頗義之卽時發甲仗器械車百餘輛連夜送行在所時駕初遷幸六軍雖集蒼皇之際都無戎噐及涇州甲仗至軍士大振特詔褒其誠效拜四鎮北庭行軍涇原節度使兼御史大夫姚况兼御史中丞行軍司馬俄又加河清擢較工部尚書賊朱

泚及姚令言累遣間諜招誘河清輒拘而戮焉及駕幸梁州其將田希鑿潛通泚使結克黨害河清尋贈尚書右僕射葬事官給

李澄建中初爲永平軍節度李勉裨將移理汴州乃奏澄爲滑州刺史四年冬李希烈陷汴州勉奔歸行在澄遂以城降希烈僞署尚書令兼滑州永平軍節度使興元元年春澄密令親信人盧融問道齋表達於奉天帝嘉之乃以帛詔藏於蠟丸中加澄刑部尚書兼汴州刺史汴滑節度觀察使澄祕而未宣乃集州兵嚴加訓習希烈頗疑之乃令養子六百人戍之

且虞其變也及希烈苦攻寧陵邀澄赴援澄率其衆至石柱潛令縱火焚營而僞遁誘六百人因驚行剽而加其罪果大俘掠悉令斬之以告希烈希烈不能詰焉無何希烈遣其將翟崇暉等寇陳州久之未復是歲十月澄以汴州兵寡度希烈不能制已會中使薛盈珍持節且至加澄檢校兵部尚書封武威郡王澄乃乘勢力焚賊旌節誓衆歸國希烈既失澄又聞翟暉大敗繇是奔歸蔡州澄遂率衆將復汴州屯於城北門怯懼不敢進及宣武軍節度使劉洽師至城東門賊將田懷珍開關以納之翌日澄方自北門入

洽已據子城澄乃舍於浚儀縣兩軍將士日有忿競澄不自安會鄭州賊將孫液送款於澄澄遣其子清赴之先是河陽軍節度使李芄遣其將雍希顥攻鄭州顥所過縱掠液拒之尤固及清至遂納之顥急攻液清以衆助之殺登城者數十人顥方引退又焚陽武而歸澄乃出赴鄭州朝廷特授清檢校太子賓客兼御史中丞更名克寧貞元元年三月就加澄檢校右僕射義成軍鄭滑許等州節度使

李承爲山南東道節度使李希烈旣破梁崇義擁兵襄州遂有其地朝廷慮不受命欲以禁兵送承承請

單騎徑行至則希烈處承於外館迫脅萬態承恬然自安誓死王事希烈不能屈遂剽虜闔境所有而去嚴震爲山南西道節度觀察等使及朱泚竊據京城李懷光頓軍咸陽又與之連結泚令腹心穆庭光宋瑗等齎帛書誘結震震集衆斬庭光等仍發兵出界至盤屋以東守禦賊竟不能爲害車駕入駱谷且無驚擾

楊惠元爲神策京西兵馬使以兵屬李懷光建中四年冬自河朔同赴國難解奉天之圍明年二月懷光旣圖叛逆惠元義不受汙脫身奔竄至奉天爲懷光追騎所害

朱忠亮初仕薛嵩爲將鎮普閏縣掌屯田朱泚之亂以麾下四十騎奔赴奉天德宗嘉之

李觀爲右龍武將軍建中末涇師叛觀適番上庫領兵千餘人扈從奉天詔都巡警訓練諸軍戍卒三數日間加召五千餘衆列之通衢整肅鞀鼓城內因之增氣德宗倚賴之及李懷光叛駕出奉天幸山南觀與令狐建李昇韋清等咸執羈勒周旋艱險皆著功勞

張韶爲李懷光兵馬使建中末懷光爲朔方節度使

擊田悅於魏州聞德宗行幸晝夜奔難先數日遣韶奉奏韶至城下遇朱泚驅百姓填塹韶在衆中伺群盜稍息乃呼曰我李懷光使也守陴者初未信詰曰懷光使何與賊戮力韶曰不如是何繇至此乃縱而上之得懷光表尅期至城下韶令昇韶徇四隅歡聲動地賊徒疑懼聞懷光軍至醴泉遂解圍走投京城薛亶爲汾陽王郭子儀麾下諸將建中末從左僕射李揆使西番朱泚之難昆夷赴義伍馳騎鄉導至於武功擢授左威衛將軍

賈耽建中末爲山南東道節度使時德宗幸梁州耽使行軍司馬樊澤奉表陳事旣復命方大宴會有惡牒至言澤代耽爲節度而召耽爲工部尚書耽以狀內懷中宴飲不改及罷乃告澤曰詔以行軍爲節度使耽今卽發因告將吏使謁澤太府張獻甫白耽曰天子巡幸尚書使行軍奉表起居而行軍自謀節度僭奪尚書土地此可謂事人不忠矣軍中皆不伏請殺之耽曰公是何言天子有命卽爲節度矣耽今赴行在便與公偕行卽日上道以獻甫自隨軍中乃安李抱真建中末爲昭義軍節度使與李懷光等同討田悅時悅窘蹙朱滔王武俊皆反聯兵救悅抱真與

馬燧等退次魏縣德宗幸奉天中使告問至諸將皆仰天慟哭李懷光席卷奔命馬燧李芑各引兵歸鎮朱泚既汙宮闕李希烈陷大梁李納亦反鄆州無何帝行幸梁州李懷光又竊據河中抱真獨於擾攘傾潰之中以山東三州外抗群賊內輯軍士群賊深憚之

冊府元龜卷第三百七十三 十月十九日校

冊府元龜卷第三百七十四

巡按福建監察御史臣李嗣京 訂正

知甌寧縣事 臣孫以敬 叅閱

知建陽縣事 臣黃國琦 較釋

將帥部 三十五

忠第五

唐戴休顏為鹽州刺史奉天之難休顏以所部蕃漢三千號泣赴難及車駕甫幸梁洋畱守奉天及李懷光叛據咸陽使誘休顏休顏集三軍斬其使嬰城自守懷光大駭遂自涇陽夜遁尋拜簡較工部尚書奉

天行營節度使

韓游瓌爲李懷光部將掌兵在奉天懷光反於河中乃與游瓌書約令爲變游瓌密奏之翌日懷光又使趨之游瓌復奏間數日懷光又使趣游瓌爲門者所捕懷光且宣言曰吾今與朱泚連和車駕當避繇是帝遽幸梁州游瓌退於邠寧殺懷光留后張昕以邠州從順正授邠寧節度使

楊懷賓楊朝晟父也朝晟爲李懷光左廂兵馬使懷光反於河中朝晟被脅在軍德宗幸梁洋游瓌退於邠懷光以嘗在邠寧迫制如城以賊黨張昕在邠州

總後務昕懼難作乃大索軍資徵卒乘約明潛歸於懷光時懷賓爲游瓌將夜後以數十騎斬昕及同謀者游瓌卽日使懷賓奉表聞奏帝召勞問授兼御史中丞間詔至河中朝晟聞其事泣告懷光曰父立功於國子合誅戮不可主兵矣懷光遂繫之及諸軍進圍河中韓游瓌營於長春宮懷賓身當戰伐懷光平帝念其忠俾副元帥渾瑊特原朝晟遂爲游瓌都虞候時父子同車皆爲開府賓客御史中丞異姓王

李晟爲神策軍兵馬使討朱滔於范陽德宗居奉天詔晟赴難晟聞命西向而哭趣軍將行時義武軍間

於朱滔王武俊倚晟爲重不欲晟去數爲計以沮止
晟軍晟謂將吏曰天子播越於外人臣當百舍一息
死而後已張義武欲沮吾行吾當以愛子爲質選良
馬以啗其意乃留子以爲憑婚義武軍有大將張孝
忠甚信之因謁於晟晟乃解玉帶以遺之因曰吾欲
西行願以爲別因陳赴難之意受帶者果德晟乃諫
孝忠勿止晟晟得引軍踰飛狐師次代州詔加晟檢
校工部尚書神策行營節度使李懷光叛德宗遣梁
州晟大將張少弘自行在傳口詔授晟爲左僕射平
章事以安衆心晟拜哭受命且曰長安宗廟所在爲
天下本若皆扈蹕誰復京師乃浚隍壁繕兵馬以誅
泚興復爲已任後渾瑊部將上官望自間道懷詔書
加簡較右僕射兼河中晉絳州節度觀察使尋簡較
左僕射平章事益實封三百戶又兼京畿渭北鄜坊
丹延節度觀察招討使晟受詔流涕因上表請帝駐
蹕梁州彰億兆之心圖剪滅之勢儻陛下規小捨大
作都岷峨人心少去武力謀臣無復施矣晟之鎮鳳
翔也謂賓介曰魏徵能直言極諫致太宗於堯舜之
上真忠臣也僕忻慕之軍司馬李叔度對曰此縉紳
儒者之事非勲德所宜晟歛容曰行軍失言傳稱邦

有道危言危行今休明之期晟幸得備位將相心有不可忍而不言豈所謂有犯無隱知無不爲者乎是非在人主所擇耳叔度慙而退晟後罷兵權朝謁之外罕有過從有通王府長史丁瓊者亦爲張延賞所排心懷怨望乃求見晟言事且曰太尉功業至大猶罷兵權自古功高無有保全者國家儻有變故瓊願備左右狡兔三穴盍蚤圖之晟怒曰爾安得不祥之言遂執瓊以聞

王虔休本名延貴貞元中爲澤潞都虞侯節度使李抱真卒裨將元仲經等議立抱貞子緘軍中擾亂虔休正色告於衆曰軍州是天子軍州將帥闕合待朝命何乃云云出異意軍中服從其言緘是竟免潰亂程日華少爲易定張孝忠牙將孝忠令知滄州事幽州朱滔合鎮冀王武俊謀叛二盜迭欲取滄州多遣人遊說又加兵攻圍日華俱不聽從乘城自固久之德宗深嘉之拜日華滄州刺史

韓弘貞元中代劉全諒爲汴州節度使先是陳許節度使曲環卒淮西節度使吳少誠將併有其地遂以兵寇許州求援於全諒全諒館其使會全諒卒弘補受寵命喜而效順卽斬其使以聞發兵三千助禁軍

以討少誠而攻... 張奉國本名子良貞元末為徐州兵馬使張楷之... 子良以其眾千餘奔於浙西團練使王緯表加兼御... 史中丞仍厚撫其軍士牙門有職子良必兼歷焉元... 和二年秋節度使李錡叛命遣子良以兵三千收宣... 州子良乃與錡甥裴行立及大將田少卿李奉仙等... 密約圖錡反戈圍城大呼錡計窮縋下生致闕庭子... 良殺其餘黨遂平浙右憲宗追赴京師親自褒慰擢... 為右金吾將軍兼御史大夫改名奉國賜第室良田... 劉濼貞元末為隴右經畧使暨順宗寢疾傳位於憲... 宗稱太上皇有山人羅令則自京詣濼妄構異說凡... 數百言皆廢立之事且矯太上皇詔請兵於濼濼立... 命繫之鞠得奸狀令則又云某之黨多矣十月德宗... 山陵約此時伺便而動濼械令則驛表上聞詔付禁... 軍按問其黨與皆校死濼復請自領兵護靈武以備... 非嘗詔不許遣中使以名馬金玉繒錦錫之復錄其... 功號其軍額曰保義

范希朝為鎮武節度使貞元末累表請脩觀時節將... 不以佗故自述職者惟希朝一人德宗大悅既至拜... 簡較右僕射兼右金吾衛大將軍

劉濟爲幽州節度使兩河擅自繼襲者尤驕蹇不奉命惟濟最務恭順朝獻相繼元和四年詔討王承宗諸軍未進濟獨率先以前軍擊破之生擒三百餘人斬首千餘級獻逆將於闕優詔褒之又爲詩四韻上獻以表忠憤之志

張茂昭爲義武軍節度使元和四年王承宗叛詔河東節度帥師洎河中振武偏師與茂昭合軍是爲北道茂昭創廐置開道路待軍俄屬正月之望軍吏請曰舊例上元後三夜不止行不闔里門今外道兵馬至請如軍令茂昭曰河東等三道官軍也焉得言外

道邪一如舊例自祿山之亂兩河繼爲阻命之地茂昭表請舉族歸闕以首率等夷隣封遊說者萬端而其志堅決累上疏求代帝許之命左庶子任迪簡爲其行軍司馬乘馬赴之卽以三郡之簿書管鑰符印全付迪簡遣其妻李氏及男克讓克恭等先焉將代戒之曰爾曹將侍親出易定後之子孫不爲風俗所染吾無恨矣時五年冬也道拜簡較太尉兼中書令克河中晉絳磁隰等州節度觀察等使

田弘正初名興爲魏博衙內兵馬使及田季安病篤其子懷諫幼騃乃召興署以舊職季安卒懷諫委政

於家僮蔣士則藉置平平人情不悅咸曰都知兵馬使田興可爲吾帥也衙兵數千人詣興私第陳請興拒門不出衆呼譟不已興出衆環而拜請入府署興頓仆於地久之度終不免乃令於軍中曰三軍不以興不肖令主軍務欲與諸君前約當聽命否咸曰惟命是從興曰吾欲守天子法以六州版籍請吏勿犯副大使可乎皆曰諾是日入府視事殺蔣士則十數人而已翌日具事上聞憲宗嘉之以爲魏博節度使賜名弘正弘正旣受節鉞乃上表曰臣聞君臣父子是謂大倫爰立紀綱以正上下其或子爲不子臣爲

不臣覆載莫可得而容幽明所宜其殛者也臣家本邊塞累代唐人從乃祖乃父以來沐文子文孫之化臣幸因宗族蚤列偏裨空馳戎馬之鄉不覩朝廷之禮惟忠與孝天與臣心嘗思奮不顧生以身殉國無繇上達私自感傷豈意命偶昌時事緣艱故白刃之下謬見推崇天慈遽臨免書罪戾朝章游及仍委旌旄錫封壤於全藩列班崇於八座君父之恩已極絲毫之效未申所以覲厚知羞低回自愧是知功勞所著必候危亂之時傲倖之來却在清平之日循涯揣分冒寵爲憂伏以自天寶以還幽陵肇禍山東與壤

悉化戎墟雖外一車書而內懷象鏡官封代襲刑賞
自專國家含垢匿瑕垂六十載臣每思此當食忘味
若稍假天軍得奉神筭兼弱攻昧批吭擣虛竭鷹犬
之資展擒獲之用導揚和氣洗滌僞風然後退歸丘
園以避賢路臣懷此志陛下察臣又臣每在軍中多
居偏鎮每遇奇計心實親之有布衣崔懽結茅王屋
但茹松栢不雜風塵與臣周旋頗有年歲自臣受命
惠然肯來臣遂請攝節度叅謀俾之養事臣宵襟所
蓄書不盡言實異因人紆其積憤臣不勝感恩戴荷
懇苦之至謹差攝節度叅謀王屋山人臣崔懽謹奉

表陳奏以聞憲宗優詔褒美先是河北不申吏員與
乃奏晉內州縣官二百五十三員內一百六十三員
見差官假攝九十員請有司注擬從之

烏重胤爲潞州諸將會盧從史奉詔討賊嘗懷異志
潛與王承宗通連吐突承瓘以神策軍行營與從史
對壘將圖之重胤通其謀竟縛從史於帳下時重胤
職總牙門是日戒嚴其軍莫敢動者事聞朝廷擢重
胤自都將兼州左司馬拜懷州刺史兼御史大夫河
陽三城節度

李光顏爲忠武軍節度使元和中徵天下兵環申蔡

而討吳元濟詔光顏以本軍獨當一面連破賊衆韓
弘爲汴帥驕矜蝨疆嘗倚賊勢索朝廷姑息耳要諸
將士力戰陰圖撓屈計無所施遂據大梁城求得一
美婦人教以歌舞絃管六博之藝飭之以珠翠金玉
衣服之具計費數百萬命使者送遺與光顏一見悅
惑而怠於軍政也使者卽齎書先造光顏壘曰本使
令公德公私憂公暴露欲進一妓以慰公征役之思
謹以候命光顏曰今日已暮明旦納焉詰朝光顏乃
大宴軍士三軍咸集命使者進妓妓至則容止端麗
殆非人間所有一座皆驚光顏乃於座上謂來使曰

令公憐光顏離家室久捨美妓見贈誠有以荷德也
然光顏受國恩沐誓不與逆賊同生日月下今戰卒
數萬皆背棄妻子蹈白刃光顏奈何獨以女色爲樂
言訖涕泣嗚咽堂下兵士數萬皆感激流涕乃厚以
縑帛酬其來使俾領其妓自席上而回乃謂使者曰
爲光顏多謝令公光顏事君許國之心死無二矣自
此兵衆之心彌加激勵

李吉甫元和中爲淮南節度使在揚州每有朝廷得
失軍國利害皆密疏論列

嚴綬爲河東節度使元和中楊惠琳叛於夏州劉闢

叛命綬表請出師討伐悉選精銳付其將李光顏討賊

李鄴元和中爲淮南節度使及王師征淮夷鄆寇李師道表衷相援鄴發楚壽等州二萬餘兵壓賊境日費甚廣未嘗請於有司

李夷簡元和中爲襄陽節度使先是貞元中淮西阻兵詔以漢西實當控壓遂移江西兵五百人戍襄陽調給仰於度支其後逃死且盡而歲不減夷簡請曰人臣以誠事君當在無隱循舊專利孰云不欺乃以其事上聞歸之於有司

王承元成德軍節度使承宗之弟元和中承宗奏承元兼監察克鎮冀深趙觀察度支使承元年未及冠勸承宗以二千騎佐王師平李師道十五年承宗卒未發喪大將謀取帥於旁郡時叅謀崔燧密與握兵者謀乃以祖母涼國夫人之命告親兵及諸將使拜承元承元拜泣不受諸將請不已承元曰天子使中貴人監軍有事盍與議也及監軍至因以諸將意贊之承元謂將曰公不忘先德不以承元齒少且使領軍承元欲效忠於國以奉先志諸公能從之手諸將許諾遂於衙門都將所理事約左右不得呼留後事

大小必叅決於監軍密疏請帥詔授簡較工部尚書
鄭滑節度觀察使時隣境或以兩河近事諷之承元
不聽諸將亦悔及起居舍人柏耆齎詔至宣朝廷之
命兵士或拜或泣承元與柏耆於館中復召諸將坐
語諸將益號泣喧譁承元曰諸公以先人之德不欲
承元去此意甚厚然奉詔遲留不去卽罪矣前者李
師道未破時議赦其罪師道欲行諸將止之佗日殺
師道亦諸將也今公輩復欲爲師道之事乎敢以拜
請遂拜諸將皆泣涕不能對承元乃盡出家財
籍其人以散之酌其勤者擢之部將李寂等數十人

固留承元承元斬寂等軍中始定承元出鎮州時年
十八所從將吏有具器用貨幣而行者承元悉使留
之承元昆弟及從父昆弟因爲郡守者四人登朝者
四人從事將較有勞者皆擢用未幾改鄜坊丹延節
度觀察等使便道請覲穆宗深器之數召顧問又改
授鳳翔隴州節度觀察等使

劉總元和中爲幽州節度使總累代據有燕薊軍中
食其恩而未嘗承朝廷命長慶元年總以幽州歸朝
爲兵士遮留總殺其首謀十餘輩夜委兵符於監軍
判官從間道去遲明軍中方覺

李遜為陳許節度使長慶初穆宗方銳意討賊諸道發兵例於度支貸借惟遜出兵率先諸道賞賜犒設備於當軍朝論美之

田布長慶元年為涇原節度使其秋鎮州兵亂布父弘正被殺朝廷以李愬疾不能軍無以扞庭湊之亂且以魏州田氏舊眾乃疾徵布使起復為之節度仍遷簡較工部尚書詔布乘急傳之鎮布喪服居聖室去節旄導從之飭及入魏州處喪視事動皆得禮其祿俸月入百萬一無所取又籍魏中家之舊產無巨細計錢十餘萬貫皆出之頒齎軍士乃選其將吏憲

誠為先鋒兵馬使以憲誠前出已麾下必能輸竭故盡以精銳付焉是時屢有中使齎急詔促其進兵至十月布遂以全軍三萬七千出抵賊之冀州南宮縣十一月進軍下賊二柵而魏人怯於格戰且以寒雪饋餉不給師無鬪志憲誠故嘗懷二由從而問之俄有詔分布軍與李光顏合勢東救深州其眾因大潰多為憲誠所有布提兵八千以是月十日還魏州十一日會諸將復議出師而將卒益驕惰皆曰尚書能行河朔舊事則生死從之若使戰皆不能也布自度其下終不為用歎曰功無成矣即日密表陳軍情且

稱遺表曰臣觀衆意終負國恩臣旣無功敢忘卽死
伏願陛下速救光顏元翼不然者義士忠臣皆爲河
朔屠害奉表號哭拜其從事李石乃入啓父靈抽刃
刺心曰上以謝君父下以示三軍言訖而絕時議以
布才雖不足能以死謝家國心志決烈得燕趙之古
風云

元翼本趙人代爲鎮州將較王承宗叛命之際元
翼嘗爲謀主數將兵窘王師後王庭湊殺田弘正朝
廷以元翼本與庭湊等列遂用爲節度時元翼在汾
州爲庭湊所圍轉急後與數騎突圍而出詔以爲襄

州節度使庭湊於後庭鳩殺深州將士其中大將十
六人判官一人本與元翼同休戚一旦皆被殺元翼
悲咤慷慨而卒其所賜宅僮馬等並遺表進之

李載義長慶中爲幽州裨將時節度使朱克融死其
子延嗣竊襲父位不遵朝旨虐用其人載義遂殺延
嗣數其罪以上聞敬宗嘉之拜簡較戶部尚書封武
威郡王克幽州盧龍等軍節度觀察等使未幾李同
捷據滄景以要襲父爵載義上表請付同捷以自効
帝嘉其誠懇特加簡較右僕射累破賊軍以功加司
空又奏故節度使張弘靖賓吏家屬凡一百九十人

今並送赴京闕初弘靖立節范陽及軍亂被拘其副
介已下多見戕害妻女輩從而拘繫既而朱克融疆
邊符節復留之不遣至載義去逆效順盡歸其孥至
於賊獲下輩一無所留

殷侑爲天平軍節度鄆曹濮觀察等使自元和末收
復李師道十二州分爲三鎮朝廷務安反側征賦所
入盡留贍軍貫緡錢帛不入王府侑以軍賦有餘賦
不上供非法也乃上表起太和七年請歲供兩稅推
酒等錢十五萬貫粟五萬石詔曰鄆曹濮等州元和
已來地本殷實自分三道十五餘年雖頒詔書竟未

供賦殷侑承兵戈之後當歉旱之餘勤力奉公謹身
守法纔及周歲以致阜安而又體國輸忠率先入貢
成三軍奉上之志陳一境樂輸之心尋省表章良用
嘉歎尋就加籀較右僕射

王景崇廣明中爲鎮州節度使時僖宗西幸屈節僞
廷者十三四景崇斬其賊使梟首於市時有邸吏齎
僞詔至斬之因問路馳誠繼達行在都統王鐸徵要
者必竭利器奇貨駿蹄以助之錄是赴難者爭先每
議及國朝宗廟陵園未嘗不潸然慷慨

梁王師範初仕唐天復元年爲青州節度使其年冬

李茂貞劫遷車駕幸鳳翔韓全誨矯詔加罪於太祖
令方鎮出師赴難詔至青州師範承詔泣下曰吾輩
天子藩籬君父有難畧無奮力者疆兵自衛縱賊如
此使上失守宗祧危而不持是誰之過吾今日成敗
以之乃發使通揚行密遣將劉鄩襲兖州別將襲齊
隸時太祖方圍鳳翔師範遣將張居厚部與夫二百
言有獻於太祖至華州東城守將婁敬思疑其有異
剖與視之乃兵仗也居厚等因大呼殺敬思聚衆攻
西城時崔喬在華州遣部下閉關距之遂遁去是日
劉鄩下兖州河南數十郡同日發太祖遣朱友寧討
之

孫揆大順元年除昭義軍節度使以本軍取刁黃嶺
路赴任太原將李存孝偵知之引騎三百伏於長子
縣崖谷間揆建衙持節褒衣大蓋擁衆而行存孝突
出谷口遂擒揆及中使韓師範并將較五百人存孝
械揆等以組練繫之環於潞州遂獻於武皇武皇謂
揆曰公縉紳之士安然徐步可至達官何用如是揆
無以對令繫於晉陽獄武皇將用爲副使使人誘之
揆言不遜遂殺之

趙凝唐末爲襄州節度使弟明爲荆南留後是時唐

室微弱諸道嘗賦多不上供惟疑昆仲雖彊據江山然盡忠唐室貢賦不絕太祖將期受禪以疑弟兄並據藩鎮乃遣使先諭旨焉疑對使者流涕答以受國恩深豈敢隨時妄有佗志使者復命太祖大怒天祐二年秋七月遣楊師厚率師討之疑以兵數萬逆戰大爲師厚所敗乃燔其舟單舸泅漢遁於金陵後卒於淮南

牛存節開皇四年爲鄆州節度使夏中病渴至痛屬河北用軍末帝令率軍屯陽畱以張大劉鄩之勢存節忠憤彌篤未嘗言病料敵治戎旦夕愈勵病革詔

歸汝陽翌日而卒將終屬其子知業知讓等以忠孝言不及他深爲時所重而木彊忠厚有賈復之風楊師厚爲魏博節度使時庶人友珪篡逆末帝將圖之遣使謀於師厚師厚深陳欵效且託書於侍衛軍使袁象先及主軍大將又遣都指揮使朱漢賓率兵至滑州以應禁旅友珪旣誅末帝卽位於東京首封師厚爲鄴王加簡較太師中書令

王彥章爲澶州刺史先鋒馬步都指揮使貞明五年三月朝廷議割魏州爲兩鎮慮魏人不從遣彥章率精騎五百人入鄴城駐於金波亭以備非嘗是月二

十九日夜魏軍作亂首攻彦章於館舍彦章南奔七月晉人攻陷澶州彦章舉家陷沒後唐莊宗遷其家於晉陽待之甚厚遣細人間行誘之彦章即斬其使以絕之後莊宗至鄆州彦章為唐將李紹奇所擒一云為夏魯奇所擒彦章恃其麤暴每謂人曰晉王鬪鷄小兒彼何足畏至是見擒素憐其勇悍欲全活之令中使宣詔慰撫欲觀其心對曰臣比自匹夫朱氏拔擢位居方面與皇帝十五年抗衡今日兵敗力窮罪有嘗分皇帝縱垂矜宥臣何面目見人舉鼓徇師得死為幸帝令牀舁隨軍至任縣彦章言所傷楚痛因乞遲留

遂令斬之

一云莊宗欲留之彦章曰安有為將兼相朝事梁而暮事晉臣所不為也得就缺鉞其之如薺莊宗知不可屈遂殺之以成其志

後唐薛志勤為武皇河東右都押衙先鋒右軍使從武皇救陳許平黃巢武皇遇難於上源驛汴將楊彥洪連車樹柵遮絕巷陌時騎從皆醉宴席既闌汴軍四面攻傳合志勤虓勇冠絕復酒膽激壯因獨登驛樓大呼曰朱僕射負恩無行邀我司空圖之吾三百人足以濟事因擲弧發射矢無虛發汴人斃者數十志勤私謂武皇曰事急矣如至五鼓吾屬無類矣可速行因扶武皇而去雷雨暴猛汴人扼橋志勤以其

屬血戰擊敗之得侍武皇還營

史敬思為武皇先鋒都督從入關破黃孽安三輔平

陳蔡敬思嘗為騎將挺身酣戰勇冠三軍當武皇上

源之難敬思方大醉從者喻之蹶然而起登驛樓控

弦射賊矢不虛發汴賊橫屍樓下既而遇雨解圍翼

武皇登尉氏門敬思迷墜擁門故陷賊武皇還營流

涕久之

符習為義寧軍節度使有器度性忠壯自莊宗十年

沿河戰守習嘗以本軍從心無顧望諸將服其為人

石君立初隸李嗣昭為牙較歷典諸軍嗣昭出征嘗

館其使會全諒卒弘

初受罷命喜而效順即

不其使以聞殺兵三千

助禁軍以討少誠

張奉國本名于良貞元

末為徐州兵馬使張愔

之難子良以其眾千餘

奔于浙西團練使王緯

表加兼御史中丞仍厚

撫其軍士牙門右職子

良必兼歷馬元和二年秋

節度使李錡叛命遣子

良以兵三千收宣州子良

乃與錡甥裴行立及大將

田少卿李奉仙等密約

圖錡反戈圍城大呼錡

討窮絕下生致闕庭子

良殺其餘黨遂平浙右

為前鋒天祐十七年將兵屯德勝時汴軍自滑州轉

餉以給楊村砦莊宗親率騎擊虜深入虜騎圍之數

十重良久不解嗣昭號泣赴之與立翼莊宗而還

裴約為潞州節度使李嗣昭卒子繼韜濂昭義叛同

光元年莊宗遣李紹斌以甲士五千援澤州初繼韜

叛歸賊庭也約以兵戍澤州召州民泣而喻之日予

事先君已餘二紀每見分財享士志在平讐不幸薨

沒壯心不遂今郎君不臣定覆家族父喪未葬違背

君親縱然賊首開懷久遠終被誅滅予可剗办自殺

不能送死與人衆皆感泣伏其忠義偽梁以董璋為

憲宗迨至京師親自哀

勉擢為右金吾將軍兼

御史大夫改名奉國賜第

望良田

劉澹貞元末為隴右經略

使豐順宗寢疾傳位憲

宗稱太上皇有人羅令

則自京師指澹妄構異

說凡數百言皆廢立事

且矯稱太上皇詔徵兵于

澹澹立命轉之鞠得奸

狀令則又云其之意多矣

十月德宗山陵初此時伺

便而動澹械令則驛表

上聞詔付禁軍按問與

其黨皆杖死澹復請自

銷兵護靈駕以備非常

詔不許遣中使以名馬金

玉繒錦賜宗

右脫文在前意擊虜虜

下深入上然其文已見於

本卷第四五葉其記脫

糾亂存以疏考

忠五

卷之五

澤州刺史率眾攻城約拒守間道告惡帝知其言善
謂諸將曰朕與繼韜何薄裴約何厚裴約能分逆順
不附賊黨昭嗣一何不幸生此鴟梟乃顧謂李紹斌
曰爾識機便為我取裴約來朕不藉澤州彈丸之地
紹斌自遼州進軍未至城陷約被害帝聞嗟痛久之
李存審為橫海軍節度使天祐十三年冬存審破楊
劉進營麻口為都營使築壘以拒汴人時莊宗勇於
接戰每以輕騎嘗賊遇窘數四存審凌旦俟其出必
叩馬泣諫曰王將復唐宗社宜為天下自愛寒旗挑
戰一劍之任無益聖德請責效於臣昔耿弇不以賊

遺君父臣雖不武敢不代君之憂帝即時迴駕
張全義初仕梁為天下兵馬副元帥莊宗至濬言事
者以梁祖與我世讐宜斲棺燔柩全義獨上章申理
議者嘉之

周德威性忠孝感武皇獎遇嘗思臨難忘身乾寧中
為鐵林軍使從武皇討王行瑜有功移內衙軍副及
莊宗初立德威外握兵柄頗有浮議內外憂之德威
既至單騎入謁伏靈柩哭哀不自勝籙是群情釋然
後以功授盧龍軍節度使時天祐十五年下揚劉城
莊宗大悅諸將渡河趨汴徵德威進師討之將起德

將帥部

卷之五

十九

威以爲不利深入是夜鐘星犯文昌上將臨戰德威軍爲輜重所擾父子躍馬出與賊數百騎血戰而死帝會諸將相向流涕曰不聽老將之言竟至破敗父子俱沒深所悲惜命以喪歸晉陽帝卽位追贈太師李存賢爲慈州刺史天祐十八年莊宗令將兵援河中十九年賊將段凝率衆五萬營於臨晉將寇河中蒲人物議同異咸欲歸汴奸人間於存賢云河府兵欲殺子以歸梁存賢曰予奉君命來援死王事無恨尋汴兵亦退

姚洪本梁之小較也在梁時經事董璋長興初率兵千人戍閬州璋叛領衆攻閬州璋密令人誘洪洪以大義拒之及璋攻城洪悉力拒守者三日禦備旣竭城陷被擒璋謂曰爾頃爲健兒緣吾獎拔至此吾書誘諭投之於廁何相負邪洪大罵曰老賊爾爲天子鐘帥何苦反邪爾旣孤恩背主吾與爾何恩而云相負爾爲李七郎奴掃馬糞得一齧殘炙感恩無盡今明天子付與茅土貴爲諸侯而驅徒結黨圖爲反噬爾本奴才則無耻吾忠義之士不忍爲也吾可爲天子死不能與人奴苟生璋怒令軍士十人持刀割其膚燃鏤於前自取嚼食洪至死大罵不已明宗聞

之泣下置洪二子於近備給賜甚厚

王思同閔帝應順元年爲京兆尹兼西京留守時
王鎮鳳翔與之隣境及潞王不稟朝旨致書於秦澤
雍梁邠諸帥言賊臣亂政屬先帝疾篤謀害秦王迎
立嗣君自擅權柄以至殘害骨肉摧動藩垣懼先人
基業忽焉墜地故誓心入朝以除君側事濟之後謝
病歸藩然藩邸素貧兵食俱困欲希國士共濟艱難
乃令小伶安十十以五絃謁見思同因勸諫諷又令
軍較宋審溫者請使於雍若不從命卽獨圖之又令
推官郝詡府吏朱延乂以書檄起兵會副部署藥彥
稠至方宴而妓使適至乃繫之於獄彥稠請誅審溫
拘送詡赴闕時思同已遣其子入朝言事朝廷嘉之
乃以思同爲鳳翔行營都部署起軍營於扶風三月
十四日與張虔釗會於岐下梯衝大集十五日進攻
東西關城城中戰備不完然死力禦扞外兵傷夷者
十二三十六日復進攻其城潞王登陴泣諭於外聞
者悲之張虔釗性褊詰旦西面用軍與都監皆血刃
以督軍士軍士齊詬反攻虔釗虔釗躍馬避之時羽
林指揮使楊思權引軍自西門先入降從珂而思同
未之知猶督士登城俄而嚴衛指揮使尹暉呼曰城

西軍已入城受賞矣何用戰邪軍士解甲棄仗之聲
振動天地日午亂軍畢入涇州張從賓邠州康福河
中安彥威皆遁去十七日思同與藥彥稠萇從藺俱
至長安劉遂雍閉關不內乃奔潼關二十二日潞王
至昭應前鋒執思同來獻王謂左右曰思同計乖於
事然盡心於所奉亦可嘉也顧謂趙守鈞曰思同爾
之故人可行迓之於路達予撫慰之意思同至潞王
讓之曰賊臣傾我家國殘害骨肉非子弟之過我起
兵岐山蓋誅一二賊臣耳爾何首鼠兩端多方誤我
今日之罪其可逃乎思同曰臣起自行間受先朝爵
命擁旄仗鉞累歷重藩終無顯效以咎殊遇臣非不
知攀龍附鳳則福多扶衰濟弱則禍速但惟瞋目之
後無面見先帝釁鼓膏原累囚之嘗分也潞王爲之
改容徐謂之曰且宜懋歆潞王欲宥之而楊思權之
徒耻見其面屢啓於劉延朗言思同不可畱慮失士
心又潞王入長安時尹暉盡得思同家財及諸妓女
故尤惡思同與劉延朗亟言之屬潞王醉不待報殺
思同并其子德勝潞王醒召思同左右報已誅之矣
潞王怒延朗累日嗟惜之

趙鳳爲荊州節度使明宗厭代潞鄂構難俄聞鄂王

出奔鳳流涕集賢佐軍較曰主上播遷渡河而北吾輩安坐不赴奔問於理可乎軍較曰惟公所使尋聞王弘贄殺鄂王左右畱王衛州又得清泰檄書而止張敬達未帝清泰中從晉高祖爲北面兵馬副總管仍屯兵鴈門未幾晉高祖建義未帝詔以敬達爲北面行營都招討使仍便委引部下兵圍太原以定州節度使楊光遠副焉尋統兵三萬營晉安鄉未帝自六月有詔促令攻取敬達設長城連柵雲梯飛檄使工者運其巧思窮土木之力時督事者每有所構城柵則暴風大雨平地水深數尺而城柵摧墮竟不能合其圍九月契丹軍至張敬達大敗晉高祖與蕃衆期迫一夕而圍合自晉安營南門之外長百餘里闊五十里布以氈帳用毛索懸之銅鈴而部伍多備犬以備警急營中嘗有夜遁者出則犬吠鈴動跬步不能行焉自是敬達與麾下雜部曲五萬人馬萬匹無餘四奔但見窮廬如岡阜相屬諸軍相顧色如死灰始則削木篩糞以飼其馬日望未帝救軍及馬漸羸死則與將士分而食之馬盡食殫副將楊光遠次將安審琦知其不濟勸敬達宜蚤降以求自安之計敬達曰吾受恩明宗位歷方鎮主上授我大柄而失

律如此已有愧於心也今救軍在近旦暮雪耻有期諸公何相迫邪待勢窮則請殺吾携首以降亦未爲晚光遠與審琦知敬達意未決恐坐成魚肉遂斬敬達以降未帝聞其歿也愴慟久之虜主戒其部曲及漢之降者曰爲臣當如此人乃令部人收葬之晉萇從簡初仕後唐爲金州刺史閔帝應順初舉軍討鳳翔從簡亦預征行軍變乃東還道遇張廷蘊爲廷蘊所縛送於潞王潞王數之曰人皆歸我汝何偏攻我城而背我也從簡曰事主不敢忘今日死生惟命是聽潞王釋之

張朗初爲代州刺史又改行營諸軍馬步都虞侯高祖建義於太原遣使以書諭之朗曰爲人臣而有二心可乎乃斬其使

高漢筠仕後唐爲金吾將軍清泰末高祖建義朝廷詔遣晉州張敬達屯於太原委漢筠巡撫其郡俄以漢筠爲契丹所敗敬達繼死之節度副使田承肇率部兵殺閣門使王彥通於公館次攻漢筠於府署漢筠乃啓閔延承肇謂曰僕與子俱承朝寄而相迫何甚承肇曰我欲扶公爲節度使漢筠曰老夫耄矣不敢首爲亂階死生任子籌之承肇目左右令前請軍

投亦於地曰高金吾累朝宿德不可枉殺摩以衆意難拒遂謝云與公戲耳漢筠遂促騎以還高祖入捧飛詔往徵遇諸途及入覲高祖曰朕恐倉卒之際致傷害今見卿面深所喜也尋遷左騎衛大將軍內客省使

馬全節授鎮州節度使屬契丹侵軼封疆加之蝗旱國家所徵發全節朝受而夕行治生餘財必克貢奉皇甫遇爲河陽節度使少帝卽位赴闕開運二年虜南寇遇戰於鄆州兆津大捷虜溺死者步騎數千人以功領節滑臺三年虜長率衆屯邯鄲遇與騎將安

審琦慕容彥超禦之遇渡漳河虜前鋒大至遇引退轉鬪二十里至鄴南榆林店遇謂審琦等曰彼衆我寡走無生矣遂自辰及未血戰百餘合所傷甚衆遇所乘馬中鏑而斃遇有紀綱杜知敏以馬授遇遇得馬復戰久之稍解顧杜知敏已爲虜所獲謂彥超曰知敏蒼皇之中以馬授我義也安可使陷戎賊中遂與彥超躍馬取知敏而還胡騎壯之俄而生軍復合遇不能解時審琦已至安陽河謂首將張從恩曰皇甫遇未至必爲虜騎所圍若不急救則成擒矣從恩曰虜原至衆無以枝梧將軍獨往何益審琦曰成賊

命也設若不濟與之俱死假令賊不南來失此三將何面目以見天子遂率鐵騎北渡赴之虜見塵起謂救軍併至乃引去遇與彥超中數鎗得還時諸軍歎曰二人皆猛將也朝廷累加至衛較太師同中書門下平章事四年虜復至從杜重威營濟水重威迭款遇不與其議及降心不平之時耶律氏欲遣遇先入汴辭之推張彥澤督其行遇私謂人曰自我身荷國恩位兼將相既不能死於軍陣何顏以見舊主更命圖之所不忍也明日行及趙郡平棘縣遇泊其公舍顧從者曰我已信宿不食疾甚矣主辱臣死無復南行因絕吭而殞遠近聞而義之

周王重喬初仕後唐莊宗爲廳直將從征河上管契丹直帝有急難力救解之

冊府元龜卷第三百七十四 十一月二十一日校

册府元龜

册府元龜卷第三百七十五

巡按福建監察御史臣李嗣京 証正

新建縣舉人 臣戴國士參閱

知建陽縣事 臣黃國琦較釋

將帥部 三十六

褒異

夫褒勸之典有國之嘗道也况夫三軍之帥百夫之
特有斬將搃旗之勇却敵捕虜之勞足以經武貞師
開地斥境何嘗不剖符疏壤厚封崇之命疇庸贊書
極尊獎之數以至加地進祿稱功計伐或錫之車服

或加之印綬或許其世襲或崇其官呼或沒而可稱
 禮光於詔塋或死而可作事美於追榮皆所以疇勞
 而勸能賞善而旌德使效節之士罄其精忠方來之
 人於焉激勵傳曰藏在盟府不可廢也謂是物矣夫
 周召公虎為卿士平淮夷宣王賜以鬯酒一尊使以
 祭其宗廟告其先祖故江漢之詩曰釐爾圭瓚柅鬯
 一占告於文人釐賜也柅默黍也鬯香草也築煮合而鬯之為鬯也九命賜圭瓚柅
鬯文人文德之人也又曰錫山川土田於周受命自召祖命周也自用也宣王欲尊顯召虎故如岐周使虎受山川土田之賜命用其初召康公受封之禮岐周周之所起為其先祖之靈故就之

申伯居謝宣王命召公營其位而作城郭及寢廟定

其神位所處故崧高之詩曰申伯之功召伯是營有

俶其城寢廟既成俶作也又曰既成藐藐王賜申伯四

牡躡躡鈞膺濯濯藐藐美貌躡躡壯貌鈞膺樊纓也濯濯光明也召公營位築之已成

以形貌告於王王乃賜申伯為將遣之王遣申伯路車乘馬我圖爾居

莫如南土乘馬四馬也王以正禮遣申伯之國故復有車馬之賜因告之曰我謀女之所處無

如南土之最善錫爾介圭以作爾寶寶瑞也圭長尺二寸謂之介非諸侯之圭故以

為寶諸侯之瑞圭自九寸而下

衛武公初為武侯大戎為亂武公將兵徃征乎戎甚

有功周平王元年命衛侯為公

士會晉大夫也帥師滅赤狄晉侯請於周定王王以
黻冕命士會將中軍且為太傅代荀林父將中軍且加以太傅之官黻冕

命卿之服太傅孤卿也

秦蒙恬始皇時為將攻齊大破之拜為內史

漢陳平為護軍中尉從高帝擊韓王信於代至平城

為匈奴圍七日不得食高帝用平奇計使單于闕氏

音焉解圍以得開高帝既出其計秘世莫得聞高帝

南過曲逆上其城望室屋甚大日壯哉縣吾行天下

獨見雒陽與是耳顧問御史曲逆戶口幾何對日始

秦時三萬餘戶間者兵數起多亡匿今見五千餘戶

於是詔御史更封平為曲逆侯盡食之平自初從至

天下定後嘗以護軍中尉從擊臧荼陳豨黔布凡六

出奇計輒益封邑

曹參沛人也高祖為沛公參以中涓從涓潔也言其在沛中主知潔

涓酒掃之事蓋擊胡陵方與音房攻秦監公軍大破

之秦一郡置守尉監三人東下薛擊泗水守軍薛郭西復攻胡

陵取之賜爵七大夫又攻下邑以西至虞擊秦將章

邯車騎攻軹戚及亢父音杭先登遷為五大夫楚懷

王以沛公為碭郡長將碭郡兵於是乃封參執帛楚

孤卿號曰建成君遷為戚公又虜秦司馬及御史各

將帥部

一人遷為執珪侯伯及沛公為漢王封參為建成侯

從至漢中遷為將軍參將兵守景陵三秦使章平等

攻參出擊大破之賜食邑於寧秦今華陰

周勃沛人也沛公初起勃以中涓從攻胡陵下方與

方與反與戰却敵攻豐擊秦軍陽東還軍留及蕭復

攻碭破之下下邑先登賜爵五大夫沛公為漢王漢

王賜勃爵為威武侯從入漢中拜為將軍還定三秦

賜食邑懷德又東定楚地泗水東海郡凡得二十二

縣還守雒陽櫟陽賜與穎陰侯共食鍾離以將軍從

高祖擊燕王臧荼破之易下所將卒當馳道為多

祖所行之前賜爵列侯剖符世世不絕食絳八千二百八

十戶

樊噲以舍人從高祖攻胡陵方與皆縣名方音房與音豫還守

豐擊泗水監豐下破之泗水郡各監謂御史監郡者也破之於豐縣下復軍

定沛破泗守薛西破郡守於薛縣之西與司馬足戰碭東秦將章邯

之司馬也足讀與夷同郤敵斬首五十級賜爵國大夫即官大夫也爵

第六級嘗從沛公擊章邯軍濮陽城攻先登斬首三十

三級賜爵列大夫即公大夫也爵第七級從攻陽城先登下戶

牖陽武縣之鄉破李繇軍斬首十六級賜上聞爵得徑上聞也居

氏春秋日魏文侯東勝齊於長城天子後攻圍都尉

實文侯以上聞又日名通於天子也

丹守元龜將帥部

東郡守尉於成武留圍縣郤敵斬首十四級捕虜十

六人生獲賜爵五大夫從攻秦軍出亳南亳成湯封邑今河南

偃師湯亭是河間守軍於杠破之杠音江擊破趙賁軍開封

北賁音奔以郤敵先登斬侯一人首六十八級捕虜二

十大人既斬侯一人又更斬它首六十八級賜爵卿從攻破楊熊於曲

遇曲音丘羽切攻宛陵先登斬首八級捕虜四十四人

賜爵封號賢成君食祿比封君而無邑也楚漢之際權設寵榮假其位號或得邑地或

空受爵此例多矣從攻長社鞬鞬絕河津東攻秦軍戶鄉南

攻秦軍於犂破南陽守齮於陽城東攻宛城先登西

至鄴南陽之縣也音直益切以郤敵斬首十四級捕虜四十人

賜重封重封者加二號耳項羽在戲下欲攻沛公沛公從百

餘騎因項伯面見項羽謝無有閉關事項羽既饗軍

士中酒亞父謀欲殺沛公令項莊拔劍舞坐中欲擊

沛公噲居營外聞事急乃持盾入營是日微噲沛公

幾殆後數日項羽入屠咸陽立沛公為漢王漢王賜

噲爵為列侯號臨武遷為郎中從入漢中還定三秦

別擊西丞白水北西謂隴西郡西縣也白水水名經西縣東東流而過言擊西縣之丞

於白水之兆擁輕車騎雍南破之從攻雍聚城先登聚讀與郤

同縣名即后稷所封今武功故城是音胎擊章平軍好畸攻城先登陷陣

斬縣令丞各一人首十一級虜二十人遷為郎中騎

冊府元龜 將帥部

五

東郡守尉於成武圍卽陳留圍縣郤敵斬首十四級捕虜十

六人生獲日虜賜爵五大夫從攻秦軍出亳南亳成湯封邑今河南

偃師湯亭是河間守軍於杠破之杠音江擊破趙賁軍開封

北賁音奔以郤敵先登斬侯一人首六十八級捕虜二

十大人既斬侯一人又更斬它首六十八級賜爵卿從攻破楊熊於曲

遇曲音丘羽切攻宛陵先登斬首八級捕虜四十四人

賜爵封號賢成君食祿比封君而無邑也楚漢之際權設寵榮假其位號或得邑地或

空受爵此例多矣從攻長社轅轅絕河津東攻秦軍戶鄉南

攻秦軍於犇破南陽守齮於陽城東攻宛城先登西

至鄴南陽之縣也音直益切以郤敵斬首十四級捕虜四十人

賜重封重封者加二號耳項羽在戲下欲攻沛公沛公從百

餘騎因項伯面見項羽謝無有閉關事項羽既饗軍

士中酒亞父謀欲殺沛公令項莊拔劍舞坐中欲擊

沛公噲居營外聞事急乃持盾入營是日微噲沛公

幾殆後數日項羽入屠咸陽立沛公為漢王漢王賜

噲爵為列侯號臨武遷為郎中從入漢中還定三秦

別擊西丞白水北西謂隴西郡西縣也白水水名經西縣東東流而過言擊西縣之丞

於白水之兆擁輕車騎雍南破之從攻雍聚城先登聚讀與都

同縣名卽后稷所封今武功故城是音胎擊章平軍好畸攻城先登陷陣

斬縣令丞各一人首十一級虜二十人遷為郎中騎

將帥部

將帥部

會二十一字

將從擊秦車騎壞東地名也郤敵遷為將軍攻趙賁下

郟槐里柳中咸陽柳中即細柳地灌廢丘最引水灌廢丘

至櫟陽賜食邑杜之樊鄉杜縣之鄉也從攻項籍屠

煮棗清河有煮棗城功臣表有煮棗侯又日既云攻項籍屠煮棗則其地當在大河之南非清河之

城明矣但擊破王武程處軍於外黃攻鄒魯瑕丘薛

項羽敗漢王於彭城盡復取魯梁地噲還至滎陽益

食平陰二千戶以將軍守廣武一歲即滎陽項羽引

東從高祖擊項羽下陽夏夏音二雅切虜楚周將軍卒四

千人周殷圍項籍陳大破之於陳縣圍之屠胡陵項籍死漢

王即黃帝位以噲有功益食邑八百戶其秋燕王臧

荼反噲從攻虜荼定燕地楚王韓信反噲從至陳取

信定楚更賜爵列侯與剖符世世勿絕食舞陽號為

舞陽侯除前所食以將軍從攻反者韓王信於代自

霍人以往至雲中與絳侯等共定之益食千五百戶

因擊陳豨曼丘臣軍戰襄國破柏人先登降之定清

河當山凡二十七縣殘東垣殘謂多所殺傷也遷為左丞相

破得綦母邛尹潘軍於無終廣昌姓綦母名氏也綦音其破豨

別將胡人王黃軍代南因擊韓信軍參合軍所將卒

斬韓信擊豨胡騎橫谷斬將軍趙旣虜代丞相馮梁

守孫奮大將王黃將軍大將一人太僕解福等十人

與諸將共定代鄉邑七十三後燕王盧縮反噲以相

國擊縮破其丞相抵薊南抵至也一說抵者其丞定

燕縣十八鄉邑五十一益食千三百戶定食舞陽五

千四百戶

酈商高陽人也酈音歷陳勝起商聚少年得數千人沛

公畧地六月餘商以所將四千人屬沛公於岐從攻

長社先登賜爵封信成君從攻縱氏絕河津破秦軍

雒陽東從下宛穰定十七縣別將攻旬關漢中旬水

今在洵陽縣西定漢中先言攻旬關定漢中然後云沛公

來商時別從西道平定漢中沛公為漢王賜商爵信成君以將軍

為隴西都尉別定北地郡破章邯別將於烏氏枸邑

泥陽烏氏安定縣也枸邑今在幽州賜食邑武城六

千戶從擊項籍軍與鍾離昧戰受梁相國印漢以梁

之授益食四千戶從擊項羽二歲攻胡陵漢王即帝位

臧荼反商以將軍從擊荼戰龍脫先登陷陳破荼軍

易下今易縣卻敵遷為丞相賜爵列侯與剖符世世勿

絕食邑涿郡五千戶別定上谷因攻代受趙相國印

初受梁相國印今與絳侯等定代郡鴈門得代丞相

程縱守相郭同守相謂為相將軍以下至六百石十

九人還以將軍將太上皇衛一歲十月以右丞相擊

陳豨殘東垣又從擊黥布攻其前垣謂攻其壁陷兩

陳得以破布軍更封為曲周侯食邑五千一百戶除

前所食

夏侯嬰以縣令史為高祖使上降沛一日高祖為沛

公賜爵七大夫以嬰為太僕嘗奉車為沛公從攻胡

陵嬰與蕭何降泗水監平胡陵所止縣何嘗給之故與降平以胡陵

降賜嬰爵五大夫從擊秦軍碭東攻濟陽下戶牖破

李繇軍雍丘以兵車趣攻戰疾破之趣讀日促謂為急促也次下亦

同賜爵執帛從擊章邯軍東阿濮陽下以兵車趣攻

戰疾破之賜爵執圭從擊趙賁軍開封楊熊軍曲遇

嬰從捕虜六十八人降卒八百五十人得印一匱自

相署置又擊秦軍雒陽東以趣攻戰疾賜爵封轉為

滕令今汴郡因奉車因此又每奉車從從攻定南陽

戰於藍田芷陽芷陽後為霸陵縣至霸上沛公為漢王賜嬰

爵列侯號昭平侯復為太僕從入蜀漢還定三秦從

擊項籍至彭城項羽大破漢軍漢王不利馳去見孝

惠魯元載之漢王急馬罷虜在後罷讀嘗蹶兩兒棄

之蹶音撥又音嬰嘗收載行面雍樹馳面備也雍抱

兒今面背已而抱持之以馳漢王怒欲斬嬰者十餘

卒得脫而致孝惠魯元於豐漢王既至滎陽收散兵

丹府元龜將帥部

復振賜嬰食邑沂陽沂音魚擊項籍下邑追至陳卒

定楚至魯益食茲氏茲氏縣名地漢王即帝位燕王

臧荼反嬰從擊荼至陳取楚王信更食汝陰剖符世

世勿絕從擊代至武泉雲中益食千戶因從擊韓信

軍胡騎晉陽旁大破之追北至平城為胡所圍七日

不得通高帝使使厚遺閼氏冒頓乃開其圍一角高

帝出欲馳嬰固徐行弩皆持滿外鄉故示閒暇所以

敵不測也卒以得脫卒終益食嬰細陽千戶益其邑

從擊胡騎句江北大破之擊胡騎平城南山陷陳為

功多賜所奪邑五百戶時有罪過奪從擊陳豨黥布

軍陷陳郤敵邑千戶定食汝陰六千九百戶除前所

食

灌嬰以中涓從擊破東都尉於成武及秦軍於杠里

疾鬪賜爵七大夫又從攻秦軍亳南開封曲遇戰疾

力疾急速也賜封執帛號宣陵君從攻陽武以西至

雒陽破秦軍尸北北絕河津南破南陽守齟陽城東

遂定南陽郡西入武關戰於藍田疾力至霸上賜爵

執圭號昌文君沛公為漢王拜嬰為郎中從入漢中

十月拜為中謁者從還定秦三下櫟陽降塞王還圍

章邯廢丘未拔從擊定陶南疾戰破之賜嬰爵列侯

號昌文侯食杜平鄉杜縣之平鄉復以中謁者從降下碭

以北至彭城項羽擊破漢王漢王逃河西嬰從還軍

於雍丘王武魏申徒反故秦將降於公從擊破之攻下外黃

西收軍於滎陽楚騎來眾漢王乃擇軍中可為騎將

者皆推故秦騎士重泉人李必駱甲重泉縣名也地理志屬左馮翊

習騎兵今為較尉可為騎將漢王欲拜之必甲曰臣

故秦民恐軍不信臣願得大王左右善騎者傳之

傳音附猶言隨從者嬰雖少然數力戰乃拜嬰為中大夫令李

必駱甲為左右較尉將郎中騎兵擊楚騎於滎陽東

天破之受詔別擊楚軍後絕其饗道饗古起陽武至

襄邑擊項羽之將項冠於魯下破之將卒斬右司馬

騎將各一人主右方之馬左亦如之又曰下所謂左右千人之騎擊破柘公王

武軍燕西柘縣名公者柘之令也王武其人姓名燕亦縣名古南燕國也音一千切所將

卒斬樓煩將五人樓煩縣名其人善騎射故名射士為樓煩取其稱也連尹一

人楚官也擊王武別將桓嬰白馬下破之所將卒斬都

尉一人以騎度河南送漢王到雒陽從北迎相國韓

信軍於邯鄲還至敖倉嬰遷為御史大夫三年以列

侯食邑杜平鄉受詔將郎中騎兵東屬相國韓信擊

齊破軍於歷下所將卒虜車騎將軍華毋傷華音下化切

及將吏四十六人降下臨淄得相田光追齊相田橫

至蕤博二縣名擊破其騎所將卒斬騎將一人生得騎

將四人攻下蕤博破齊將軍田吸於千乘斬之東從

韓信攻龍且留公於假密留縣名公留令也攻龍且及留令於假密卒斬

龍且英所將之卒也其下亦同生得右司馬連尹各一人樓煩將

十人身生得亞將周蘭亞次也齊地已定韓信自立為

齊王使嬰別將擊楚將公杲於魯北破之轉南破薛

郡長長亦如郡守也時每郡置長身虜騎將入攻博陽前至下相

以東南僮取慮徐僮取慮徐二縣也取音趨又音秋慮音盧度淮盡降其

城邑至廣陵謂從下相以東南盡降城邑乃至廣陵皆平定項羽使項聲薛

公鄉公復定淮北嬰度淮擊破項聲鄉公下邳斬薛

公下下邳壽春擊破楚騎平陽此平陽在東郡遂降彭城虜

柱國項佗佗音從何切降留薛沛鄼蕭相凡六縣鄼音才何切攻苦

譙復得亞將周蘭與漢王會願鄉從擊項籍軍陳下

破之所將卒斬樓煩將二人虜將八人賜益食邑二

千五百戶項籍敗垓下去也嬰以御史大夫將軍騎

別追項籍至東城破之所將卒五人共斬項籍皆賜

爵列侯降左右司馬各一人卒萬二千人盡得其軍

將吏下東城歷陽度江破吳郡長吳下吳郡長嘗時為吳郡長嬰

破之於吳下得吳守遂定吳豫章會稽郡還定淮北凡五

十二縣漢王即帝位賜益嬰邑三千戶以車騎將軍

將帥部

從擊燕王荼明年從至陳取楚王信還剖符世世勿

絕食潁陰二千五百戶從擊韓王信於代至馬邑別

降樓煩以北六縣斬代左將破胡騎將於武泉北復

從擊信胡騎晉陽下所將卒斬胡白題將一人

胡名也

又受詔弁將燕趙齊梁楚車騎擊破胡騎於涪石

涪音

千坐切至平城為胡所困從擊陳豨別攻豨丞相侯儼

軍曲逆下破之卒斬敞及特將五人

卒謂所將之卒也特獨也各獨

為降曲逆盧奴上曲陽安國安平攻下東垣黥布反

將三人又進擊破布上柱國及大司馬軍又破布別

將肥銖嬰身生得左司馬一人所將卒斬其小將十

人追北至淮上益食邑三千五百戶布已破高帝歸

定令嬰食潁陰五千戶除前所食邑凡從所得二千

石二人別破軍十六降城四十六定國一郡二縣五

十二得將軍二人柱國相各一人二千石十人嬰自

破布歸高帝後以列侯事惠帝及呂后至呂祿等欲

為亂齊哀王聞之舉兵西呂祿等以嬰為大將軍往

擊之嬰至滎陽乃與絳侯等謀因屯兵滎陽風齊王

以誅呂氏事

風讀日諷

齊兵止不前絳侯等既誅諸呂齊

王罷兵歸嬰自滎陽還與絳侯陳平共立文帝於是

冊府元龜 將帥部 卷之三十七 十二

傅寬以魏五大夫騎將從為舍人起橫陽從攻安陽

杠里趙賁軍於開封及擊楊熊曲遇陽武斬首十二

級賜爵卿從至霸上沛公為漢王賜寬封號共德君

共讀從入漢中為右騎將定三秦食邑雕陰縣名屬上郡

從擊項籍待懷待高帝於懷懷縣名也地理志屬河內地今懷州賜爵通德

侯從擊項冠周蘭龍且所將卒斬騎將一人赦下赦地名敖倉蓋取此名也左氏傳曰敖蒿之間

終言擊破齊歷下軍擊田解屬相國參殘博參曹參也博太

也山縣益食邑因定齊地剖符世世勿絕封陽陵侯二

千六百戶除前所食為齊右丞相備齊時田橫未降故設屯備

斬歙以中涓從起宛胸歙音歙宛音於元切胸音其于切攻濟陽破

李繇軍擊秦軍開封東斬騎千人將一人騎將率號為千人漢

儀注邊郡者部都尉千人同馬侯也首五十七級捕虜七十三人賜爵

封臨平君又戰藍田北斬車司馬二人主車也騎長一

人騎之首二十八級捕虜五十七人至霸上沛公為

漢王賜歙爵建武侯遷騎都尉後定三秦別西擊章

平軍於隴西破之定隴西六縣所將卒斬車司馬侯

各四人騎長十二人從東擊楚至彭城漢軍敗還保

雍丘擊反者王武等畧梁地別西擊邢說軍菑爾破

將帥部

十二

之苗縣名也後為考成說讀日悅身得說都尉二人司馬侯十二人

降吏卒四千六百八十人破楚軍滎陽東食邑四千

二百戶別之河內擊趙賁軍朝歌破之所將卒得騎

將二人車馬二百五十四匹從攻安陽以東至棘蒲下

十縣別攻破趙軍得其將司馬二人侯四人降吏卒

二千四百人從降下邯鄲別下平陽身斬守相所將

卒斬兵守郡一人言兵郡守一人也降鄴從攻朝歌邯鄲及

別擊破趙軍降邯鄲郡六縣還軍敖倉破項籍軍成

臯南擊絕楚餉道起滎陽至襄邑破項冠魯下畧地

東至鄆鄆下邳南至斬竹邑擊項悍濟陽下還擊項

籍軍陳破之別定江陵降柱國大司馬以下八人

身得江陵王致雒陽江陵王為其敖之子共尉也得之送致於雒陽因定南

郡從至陳取楚王信剖符世世勿絕定食四千六百

戶為信武侯以騎都尉從擊代攻韓信平城下還軍

東垣有功遷為車騎將軍并將梁趙齊燕楚車騎別

擊陳豨丞相破之侯因降曲逆從擊黥布功益封

定食邑五千三百戶

任敖沛人也少為獄吏高祖嘗避吏吏繫呂后遇之

不謹任敖素善高祖怒擊傷主呂后吏及高祖初起

敖以客從為御史守豐二歲高祖立為漢王東擊項

羽敖遷為上黨守陳豨反敖堅守封為廣阿侯食邑千八百戶

申屠嘉梁人也以材官蹶張材官之多力能脚踏蹶張今之

弩以手張者曰擘御者能以足蹋從高祖擊項羽遷

為隊率一隊之率也從擊黥布為都尉孝惠時為淮

陽守孝文元年舉故以二千石從高祖者悉以為關

內侯食邑三十四人而嘉食邑五百戶

周亞夫為將軍文帝六年匈奴大入邊以宗正劉禮

為將軍軍霸上祝茲侯徐厲為將軍軍棘門以河內

守亞夫為將軍軍細柳以備胡帝自勞軍至霸上及

棘門軍直馳入將以下騎出入送迎已而之細柳軍

軍士吏被甲銳兵刃彀弓弩持滿彀張也天子先驅

至不得入先驅導駕者也先驅曰天子且至軍門都

尉曰軍中聞將軍之令不聞天子之詔有頃上至又

不得入於是上使使持節詔將軍曰吾欲勞軍亞夫

乃傳言開壁門壁門士請車騎曰將軍約軍中不得

馳驅於是天子乃按轡徐行至中營將軍亞夫揖曰

介冑之士不拜請以軍禮見禮介者天子為動改容

式車古者立乘凡言式車者謂俛身使人稱謝謝告

皇帝敬勞將軍成禮而去既出軍門羣臣皆驚文帝

脫一節

曰嗟乎此真將軍矣鄉者霸上棘門如兒戲耳鄉讀

其將固可襲而虜也至於亞夫可得而犯耶稱善者

久之月餘三軍皆罷乃拜亞夫為中尉

直不疑景帝時為御史大夫吳楚反時不疑以二千

石將擊之武帝修吳楚時功封不疑為塞侯

李廣與從弟李蔡俱為郎事文帝景帝時蔡積功至

二千石武帝元朔中為輕車將軍從大將軍擊右賢

王有功中率封為樂安侯

李敢者廣之少子也敢以較尉從驃騎將軍擊胡左

賢王力戰奪左賢王旗鼓斬首多賜爵關內侯食邑

二百戶

衛青武帝元光六年拜車騎將軍擊匈奴出上谷斬

首虜數百騎賜爵關內侯元朔元年秋青復將三萬

騎出鴈門斬首虜數千明年青復出雲中遂取河南

地為朔方郡當北地郡之北黃河之南以三千八百戶封青為長

平侯益封青三千八百戶五年春青將三萬騎出高

闕得右賢裨王十餘人裨王小王也衆男女五千餘

人畜數十百萬於是引兵而還至塞帝使使持大將

軍印即軍中拜青為大將軍益封青八千七百戶

霍去病為票姚較尉票姚音飄遙又票與輕勇騎八

百直棄大將軍數百里赴利斬捕首虜過當多過所當也

以二千五百戶封去病為冠軍侯元狩三年春為驃

騎將軍將萬騎出隴西有功益封去病二千二百戶

其夏去病出北地遂深入至祁連山即天山也捕首虜甚

多益封五千四百戶武帝又嘉去病之功以千七百

戶益封四年春去病出定襄執訊獲醜七萬有四百

四十三級以五千八百戶益封秩祿與大將軍等

趙充國以假司馬從貳師將軍擊匈奴大為虜所圍

充國乃潰圍陷陳貳師遂得解身被二十餘創武帝

親見視其創嗟歎之拜為中郎遷車騎將軍長史昭

帝時武都人反充國以大將軍護軍都尉將兵擊

定之遷中郎將將屯上谷領兵屯於上谷還為水衡都尉擊

匈奴獲西祁王擢為後將軍宣帝本始中為蒲類將

軍征匈奴斬虜數百級還為後將軍少府

辛慶忌為右校尉隨長羅侯當惠屯田烏孫赤谷城

與歙侯戰歙即翕字也歙侯烏孫官名陷陳郤敵惠奏其功拜為

侍郎

鄭吉宣帝時以侍郎田渠黎積穀因發諸國兵攻破

車師遷衛司馬使護鄯善以西南道鄯善音善神爵中匈

奴乘亂日逐王先賢揮欲降漢揮音纏使人與吉相聞

將帥部

十七

吉發渠黎龜茲諸國五萬人迎日逐王口萬二千人

小王將十二人隨吉至河曲頗有亡者吉追斬之遂

將詣京師漢封日逐王為歸德侯吉既破車師而降

日逐威震西域并護車師以西北道故號都護並護南北

二道故謂之都都護之置自吉始焉帝嘉其功效乃

下詔曰都護西域騎都尉鄭吉拊循外蠻宣明威信

禮云東夷北狄西戎南蠻然夷蠻戎狄亦四方之總稱耳故史傳又云百蠻也迎匈奴單于

從兄日逐王眾擊破車師兜訾城訾子移切功效茂著其

封吉為安遠侯食邑千戶

段會宗為左曹中郎將發戊己較尉諸國兵誅烏孫

末振將太子番丘還奏事公卿議會宗權得便宜以

輕兵深入烏孫即誅番丘宣明國威宜加重賞孝成

元延中天子賜會宗爵關內侯黃金百斤

後漢王嘗初歸光封山桑侯山桑縣屬沛郡今亳州縣後帝於

大會中指嘗謂羣臣曰此家率下江諸將輔翼漢室

心如金石真忠臣也是日遷嘗為漢忠將軍遣南擊

鄧奉董訢令諸將皆屬焉又與王霸共平沛郡賊苗虛

也及徵還雒陽令大夫迎嘗於舞陽歸家上塚西屯

長安拒隗囂七年使使者持璽書即拜嘗為橫野大

將軍位次與諸將絕席絕席謂尊顯之也

來歙為大中大夫至略陽斬隗囂守將金梁因保其城囂悉兵數萬人圍略陽自春至秋其士卒疲弊光武乃大發關東兵自將上隴囂眾潰走圍解於是置酒高會勞賜歙班坐絕席在諸將之右賜歙妻縑千疋詔使留屯長安悉監護諸軍

鄧禹為大司徒渡汾陰河入夏陽更始中郎將左輔

都尉公乘歙引其眾十萬與左馮翊兵共拒禹於衙

衙縣名屬左馮翊

禹破走之光武嘉之數賜書褒美十三年

天下平定封為高密侯

寇恂為河內太守行大將軍事時朱鮪聞光武北而

河內孤使蘇茂賈彊度鞏河攻温

今温州縣

恂因奔擊大

破之時光武初即位軍食急乏恂轉輸不絕帝數策

書勞問後為潁川太守擊斬潁川嚴終等寇定封恂

雍奴侯邑萬戶

馮異為偏將軍從王武破王郎封應侯又從平河北

拜異為孟津將軍擊陽翟城賊嚴終趙根破之詔異

歸家上冢使大中大夫齎牛酒令二百里內太守都

尉已下及宗族會焉時赤眉延岑暴亂三輔代鄧禹

討之車駕送至河南賜以乘輿七尺貝劍

貝謂以寶玉裝飾之

異與赤眉遇於華陰相拒六十餘日戰數十合降其

將劉始王宣等五千人三年春遣使者即拜異為征西大將軍大破赤眉眾於峭底降男女八萬人降璽書勞異後朝京師引見帝謂公卿曰是我起兵時主簿也為吾披荆棘定關中既罷使中黃門賜以珍寶衣服錢帛

岑彭為刺姦將軍光武使督察眾營授以當使持節從平河北及帝即位拜廷尉行大將軍事又破許邯於杏南陽復陽縣有杏聚降董訢遷征南大將軍及擊秦豐敗走封為舞陰侯後以將伐蜀漢引兵屯津鄉縣名所謂江津也徵詣京師數召讌見厚加賞賜復南還津鄉有詔

過家上冢後彭破荆門降印穀王任貴會彭薨帝盡以任貴所獻賜彭妻子

賈復為破虜將軍光武至信都以為偏將軍及板邯鄲遷都護將軍復又擊鄴賊破之光武即位拜為執金吾封冠軍侯先度河攻朱鮪於維陽與白虎公陳儵戰連破降之益封穰朝陽二縣又擊召陵新息平

定之新息縣名屬汝南郡遷左將軍後定封膠東侯食郁秩壯

武下密即墨挺胡觀陽凡六縣六縣皆屬膠東國壯武故城在今萊州即

墨縣西下密在今青州北海縣東北即墨在今萊州膠水縣東南挺胡故城在今萊州昌陽縣西北觀陽在昌陽縣之東挺一音廷

吳漢為偏將軍既拔邯鄲光武使漢等將突騎揚兵戲馬立騎馳環邯鄲城乃

圍之賜號建策侯光武即位拜大司馬更封舞陽侯及

平蜀振旅浮江而下至宛詔令過家上冢賜穀二萬

斛後薨詔發北軍五轂輕車介士送葬如大將軍霍

光故事

蓋延為偏將軍號建功侯從光武平河北及即位

以延為虎牙將軍更封安平侯又從征董憲於昌慮

皆破平之又與來歙攻河池以病引還拜為左馮翊

後增封定食萬戶

陳俊為疆弩偏將軍光武賜絳衣九百領以衣中堅

同心士與五轂戰於安次俊下馬手接短兵所向必

破追奔二十餘里斬其渠帥而還帝望而歎曰戰將

盡如是豈有憂哉及光武即位封俊為列侯又攻臧

賊下四縣更封新處侯縣名在中山國又追討張步斬之帝

美其功詔俊得專征青徐賜璽書曰將軍元勳大著威震青徐兩州有警得專

征之數上書願擊隴蜀詔報曰東州新平大將軍之功

也負海猾夏盜賊之處國家以為重且勉鎮撫之又

增邑定封祝阿侯縣名屬平原郡

臧宮為偏將軍從光武破羣賊數陷陳郤敵及帝即

位以為侍中都騎尉又封成安侯將突騎與祭遵擊

更始將左防韋顏於沮陽悉降之又將兵徇江夏

代鄉鍾武竹里皆下之鍾武縣屬江夏郡故城在今申州鍾離縣西南帝使

大中大夫張明持節拜宮為輔威將軍後更封期思

侯縣名屬汝南郡又與吳漢滅公孫述帝以蜀地初定拜宮

為廣漢太守增邑更封鄼侯

耿况為大將軍封隃麋侯與子舒攻彭寵取軍都軍都

縣屬廣陽縣寵死光武嘉况功使光祿大夫持節迎况表

松書曰使光祿大夫樊寵詔况曰惟况功大不宜監察從事邊郡寒苦不足久居其詣行在所賜甲

第奉朝請封牟平侯後况疾病乘輿數自臨幸

耿弇為偏將軍說光武益發精兵以集大計光武大

悅乃拜弇為大將軍及帝即位拜弇為建威大將軍

攻破厭新賊於敖倉更封好時候食好時美陽二縣

姚期為偏將軍從光武擊破王郎拜期虎牙大將軍

光武即位封安成侯安成縣名屬汝南郡故城在今豫州汝陽縣東南食邑

五千戶後卒帝親臨祔歛贈以衛尉安成侯印綬

王霸為軍正爵闕內侯既至信都發兵攻拔邯鄲霸

追斬王郎得其璽綬封王鄉侯光武即位以霸曉兵

愛士可獨任拜為偏將軍又更封富波侯富波縣名屬汝南郡

在今豫州

祭遵受偏將軍從光武平河北以功封列侯又拜征

將軍

虜將軍定封潁陽侯後從車駕上隴及隗囂破光武東歸過汧幸遵營勞羣士卒作黃門武樂良夜乃罷時遵有疾詔賜重茵覆以御蓋復令進屯隴下後遵卒帝愍悼之猶甚遵喪至河南縣詔遣百官先會喪車駕素服臨之望哭哀慟還幸城門過其車騎涕泣不能已喪禮成復親祠以太牢如宣帝臨霍光故事詔大長秋謁者河南尹護喪事大司農給費至塋車駕復臨贈以將軍侯印綬朱輪容車介士軍陳送塋既塋車駕復臨其墳存見夫人室家遵無子帝追傷之以從弟彤為偃師長令近遵墳墓四時奉祠之

李忠為右將軍從光武攻下屬縣至苦陘

苦陘縣名屬中山國

章帝改曰漢昌自此以後隨代改之今為定州唐昌縣

帝會諸將問所得財物

惟忠獨無所掠光武曰我欲特賜李忠諸卿得無望乎即以前乘大驪馬及繡被衣物賜之

萬修為偏將軍封造義侯及破邯鄲拜右將軍從光武平河北更封槐里侯

邳彤為後大將軍及拔邯鄲封武義侯更封靈壽侯

耿純為前將軍封耿鄉侯擊王郎將李輝大破之光

武即位封純高陽侯復拜純為東郡太守詔純將兵

擊更始太守范荆降之定封東光侯純辭就國帝曰

文帝謂周勃丞相吾所重君為我率諸侯就國今亦
然也純受詔而去至鄴賜穀萬斛

朱祐為護軍從光武征河北嘗力戰陷陣以為偏將

軍封安陽侯光武即位拜為建義大將軍更封堵陽

侯縣名屬南陽郡後擊黃郵降之賜祐黃金三十斤

景丹為偏將軍從光武擊王郎將兒宏等大破之遂

從征河北及帝即位詔舉可為大司馬者帝曰景將

軍北州大將是其人也拜丹為驃騎將軍定封丹櫟

陽侯謂丹曰今關東故王國雖數縣不過櫟陽萬戶

邑夫富貴不歸故鄉如衣繡夜行故以封卿耳丹頓

首謝

王梁為偏將軍既拔邯鄲賜爵關內侯從光武平河

北拜野王令

杜茂為中堅將軍嘗從光武征伐即位拜大將軍封

樂鄉侯屬信都國北擊在較於真定進降廣平更封苦陘

侯

馬成為期門從光武征伐及帝即位再遷護軍都尉

後拜揚武將軍擊斬李憲盡平江淮地封平舒侯屬代郡

郡

劉隆為騎都尉封元父侯縣名屬東平國故城在兗州任城縣南俄拜

誅虜將軍討平李憲又守南郡太守增邑更封竟陵

侯後以中郎將副伏波將軍馬援擊交阯蠻夷徵側

等隆別於禁谿口破之交阯即麓冷縣有金溪穴相傳音訛謂之禁溪徵側所賊

處也其地今岑州新昌縣是也獲其帥徵貳徵側之妹斬首千餘級降者

二萬餘人還更封大國為長平侯

傳俊為較尉從光武破王尋等以為偏將軍帝即位

以俊為侍中封昆陽侯

堅鐔為偏將軍從光武平河北及帝即位拜鐔為揚

化將軍封灑疆侯縣名屬河南郡灑於靳切

馬武為振威將軍從光武擊羣賊嘗為先鋒破賊及

帝即位以武為侍中都騎尉封山都侯又與蓋延等

討劉永武別擊濟陰下成武楚丘拜捕虜將軍後擊

破西羌振旅還京增邑七百戶弁前千八百戶

竇融初為更始屬國都尉及歸光武為涼州牧光武

以融性奸著明詔右扶風修理融父墳塋祠以大牢

數馳輕使致遺四方珍饈及車駕征隗囂融率五郡

太守羌虜小月氏等步騎數萬輜重五千餘兩會高

平地高平今原州縣帝置酒高會引見融待以殊禮隴蜀平

詔融與五郡太守奏事京師官屬賓客相隨駕乘千

餘兩馬牛羊被野融到詣雒陽城門上涼州收張掖

屬國都尉安豐侯印綬詔遣使者還侯印綬引見就
諸侯位賞賜恩寵傾動京師

馬援爲伏波將軍擊斬交阯女賊徵側徵貳傳首
陽封爲新息侯食邑三千戶又擊其餘黨振旅還京
師賜援兵車一乘朝見位次九卿匈奴烏桓寇扶風
援以三輔侵擾園陵危逼因請行許之復出屯襄國
詔百官祖道

朱浮爲偏將軍從光武破邯鄲拜爲大將軍幽州牧
守薊城遂討定北邊封舞陽侯食三縣

梁統爲宣德將軍與竇融等將兵會光武征隗囂及
囂敗封統爲成義侯

張宗爲京輔將軍將突騎與征西大將軍馮異共擊
關中諸營保破之遷河南郡尉

馬嚴明帝時爲將軍長史將北軍五校士羽林禁兵
三千人屯西河美稷衛護南單于聽置司馬從事牧
守謁敬同之將軍勅嚴過武庫祭蚩尤帝親御阿閣
觀其士衆時人榮之章帝卽位徵拜御史中丞
馬防爲城門校尉行車騎將軍事擊金城隴西諸羌
破之詔徵防還拜車騎將軍貴寵最盛與九卿絕席
增邑千三百五十戶

竇固為奉軍都尉擊羌胡有功加特進又擊西域破
 白山降車師章帝時追錄前功增邑一千三百戶
 耿秉為征西將軍章帝時擊北匈奴大破之封秉美
 陽侯食邑三千戶及卒賜以朱棺玉衣將作大匠穿
 冢假鼓吹五營騎士三百餘人送塋

竇憲為車騎將軍大破單于於稽落山遂登燕然山
 刻石勒功紀漢威德令班固作銘和帝詔使中郎將
 持節即五原拜憲大將軍封陽武侯食邑二萬戶憲
 固辭封賜策許焉

班超自章帝建初八年為將兵長史假鼓吹幢麾加

都護討焉者西域五十餘國悉納質內屬焉詔曰超

安集於寘以西遂踰葱嶺迄縣度

迄至也縣度山名縣音玄謂以繩索懸絕而過也其處在皮山國以西刻寘國之東也 出入二十二年莫不賓從

改立其王而緩其人不動中國不煩戎士得遠夷之
 和同異俗之心而致天誅蠲宿恥以報將士之讐司

馬法曰賞不踰月欲人速覩為善之利也其封超為

定遠侯食邑千戶超在西域三十一歲至和帝永元

十四年八月至雒陽拜為射聲校尉超素有胃脅疾

既至病遂加帝遣中黃門問病賜醫藥其九月卒年

七十一朝廷愍惜焉使者弔祭贈賙甚厚

耿夔為大將軍左較尉擊匈奴斬闕氏各王已下五千餘級乃封夔粟邑侯

粟邑縣名屬左馮翊故城今在同州白水縣西北

鄧騭禹之孫也殤帝延平元年夏將左右羽林北軍

五較士及諸部兵擊涼部叛羌車駕幸平樂觀餞送

滕撫順帝時為九江都尉討廣陵賊張嬰等追擊大

破之拜撫中郎將督陽徐二州事

馮緄督揚州諸郡軍事與中郎將滕撫擊破羣賊遷

隴西太守

度尚桓帝時為中郎將討擊桂陽賊胡蘭等斬首三

千五百級詔賜尚錢六萬

杭徐為中郎將宗資別部司馬擊太山賊公孫舉等

破平之斬首千餘級桓帝封徐烏程東鄉侯五百戶

遷泰山都尉寇盜望風奔亡及在長沙宿賊皆平卒

於官下詔追增封徐五百戶并前千戶

段紀明桓帝時為中郎將擊瑯邪賊東郭竇公孫舉

等大破斬之獲首萬餘級餘黨降散封紀明為列侯

賜錢五十萬後為護羌較尉擊先零諸種虜衆大潰

時竇太后臨朝下詔曰先零東羌歷載為患紀明前

陳狀必欲掃滅涉履霜雪兼行晨夜身當矢石感厲

吏士曾未浹日凶醜奔破

浹匝也浹音子牒切謂匝十二辰也

連尸積

俘掠獲無筭洗雪百年之逋負以慰忠將之亡魂

記曰太后詔云此以慰神光馬賢等之魂也功用顯著朕甚嘉之頃東羌

盡定當并錄功勤今且賜紀明錢二十萬勅中藏府

調金錢彩物增助軍費拜紀明破羌將軍徵還京師

將秦胡步騎五萬餘人詔遣大鴻臚特節慰勞於編

軍至拜侍中

張奐為護匈奴中郎將以九卿秩督幽并涼三州擊

破岸羗三州清定而願屬弘農華陰舊制邊人不得

內移惟奐因功特聽故始為弘農人焉

皇甫嵩靈帝時為左中郎將平黃巾拜左車騎將軍

領冀州牧封槐里侯食槐里美陽兩縣合八千戶

冊府元龜卷第三百七十五 十一月二十日校

冊府元龜

冊府元龜

巡按福建監察御史臣李嗣京 正

分守建南道左布政使臣胡維霖 訂

知建陽縣事 臣黃國琦 較

將帥部 二十七

褒異第二

魏鮮于輔為左度遼將軍從太祖於官渡袁紹破走
太祖喜顧謂輔曰而今克之此既天意亦二三子之
力也

闕柔為烏丸較尉從太祖征三郡烏丸以功封關內

冊府元龜 將帥部

卷之三十七

侯太祖甚愛柔每謂之曰我視卿如子亦欲卿視我如父也

公孫康嗣父永寧鄉侯太祖征三郡烏丸屠柳城袁尚等奔遼東康斬送尚首封康襄平侯拜左將軍張燕爲平難中郎將太祖將定冀州燕遣使求佐王師拜平北將軍率衆詣鄴封安國亭侯邑五百戶

夏侯惇字元讓漢末太祖初起惇嘗爲裨將從征伐太祖行奮武將軍以惇爲司馬別屯白馬遷折衝較尉領東郡太守太祖自徐州還惇從征呂布爲流矢所中傷左目復領陳畱濟陰太守加建武將軍封高

安鄉侯又轉領河南尹太祖平河北爲大將軍後拒鄴破遷伏波將軍領尹如故使得以便宜從事不拘科制獻帝建安十二年錄惇前後功增封邑千八百戶并前二千五百戶二十一年從征吳還使惇都督二十六軍畱居巢賜伎樂各倡令曰魏絳以和戎之功猶受金石之樂况將軍乎二十四年太祖軍擊破呂布惇嘗同載拜前將軍

夏侯淵字妙才惇族弟也太祖初起兵以別部司馬騎都尉從陳畱潁川守昌稀反擊降之拜典寅較尉又濟南安樂黃巾徐和司馬俱等攻城殺長吏淵將

太山平原郡兵擊大破之十四年以淵為行領軍太祖征吳還使淵督諸將擊廬江叛者雷緒破之及太祖還鄴以淵行護軍將軍擊破南山賊劉雄并餘黨梁輿於鄆拔之斬輿封博昌亭侯又破韓遂及降馬超餘眾乃假淵節初抱罕宋建因涼州亂自號河首漢王太祖使淵討平之太祖下令曰宋建造為亂逆三十餘年淵一舉滅之虎步關右所向無前仲尼有言吾與爾不如也增封三百戶并前八百戶

曹仁為太祖別部司馬行厲鋒較尉太祖破袁術仁所斬獲頗多從征徐州仁嘗督騎為前軍鋒別攻陶謙將呂繇破之還與大軍合彭城大破謙軍從攻費華卽墨開陽謙遣別將救諸縣仁以騎擊破之太祖征呂布仁別攻句陽拔之太祖平黃巾迎天子都許仁數有功拜廣陽太守太祖器其勇畧使不之郡以議郎督騎從破張繡太祖遂使將騎擊劉備軍破走之又擊破袁紹別將韓洵太祖又從仁討降壺關城於是錄仁前後功封都亭侯從平荊州以仁行征南將軍留屯江寧拒吳眾退之三軍服其勇太祖益壯之轉安平亭侯太祖討馬超以仁行安西將軍督諸將拒潼關破超渭南蘇伯田銀反以仁行驍騎將軍

都督七軍討銀等破之復以仁行征南將軍假節屯樊鎭荊州侯音以宛叛畧傍縣仁率諸軍攻破音斬其首還屯樊卽拜征南將軍鄢陵侯彰北征烏丸文帝在東宮爲書戒彰曰爲將奉法不當如征南邪及卽王位拜仁車騎將軍都督荆揚益州諸軍事進封陳侯增邑三千并前三千五百戶後召還屯宛攻破吳將陳邵於襄陽卽拜仁大將軍又詔仁移屯臨穎遷大司馬

曹休爲曹洪騎都尉參洪軍事太祖謂休曰汝雖參軍其實帥也洪從休議擊劉備將吳蘭大破之太祖拔漢中諸將還長安拜休中領軍文帝初卽位爲領軍將軍錄前後功封東陽亭侯夏侯惇薨以洪爲鎭南將軍假節都督諸軍事車馬臨送帝乃下與執手而別吳遣將屯歷陽休到擊破之又別遣兵渡江燒賊蕪湖營數千家遷征東將軍領揚州刺史進封安陽鄉侯帝征吳以休爲征東大將軍假黃鉞督張遼等及諸州郡二十餘軍擊吳大將呂範等於洞浦破之拜揚州牧明帝卽位進封長平侯吳將審德屯皖休擊破之斬德首吳將韓綜翟丹等前後率衆詣休降增邑四百并前二千五百戶遷大司馬都督揚州

如故

曹真字子丹太祖使將虎豹騎討靈丘賊拔之封壽
 寧侯以偏將軍將兵擊蜀別將於下辨破之拜中堅
 將軍從至長安領中領軍時是夏侯淵沒於陽平太
 祖憂之以真為征蜀護軍督徐晃等破蜀別將高詳
 於陽平太祖自至漢中拔出諸軍使真至武都迎曹
 洪等還屯陳倉文帝即王位以真為鎮西將軍假節
 都督雍涼州諸軍事錄前後功進封東鄉侯張進等
 反於酒泉真遣費耀討破之斬進等黃初三年還京
 都以真為上軍大將軍都督中外諸軍事假節鉞與
 夏侯尚等征蜀擊牛渚屯破之轉拜中軍大將軍加
 給事中明帝即位進封邵陵侯遷大將軍諸葛亮圍
 陳倉真遣將軍郝昭王生守陳倉有備亮不能克增
 邑并前二千九百戶及朝雒陽遷大司馬賜劔履上
 殿入朝不趨

夏侯尚為中領軍文帝踐祚更封平陵鄉侯遷征南
 將軍領荊州刺史假節都督南方諸軍事擊破蜀別
 軍於上庸遷征南大將軍車駕幸宛使尚率諸軍與
 曹真共圍江陵尚夾江燒其舟船水陸並攻破之城
 未拔會大疫尚引諸軍還益封六百戶并前九百戶

假鉞進爲荊州牧降附蠻夷數千家徙封昌陵鄉侯
尚疾篤還京都帝數臨幸執手涕泣

鍾繇爲司隸校尉持節都督關中諸軍太祖在官渡
與袁紹相持繇送馬二千餘匹給軍太祖與繇書曰
得所送馬甚應其急關右平定朝廷無西顧之憂足
下之勲也昔蕭何鎮守關中足食成軍亦適當爾

程昱爲振威將軍收山澤亡命得精兵數千人乃引
軍與太祖會黎陽討袁譚袁尙譚尙破走拜昱爲奮
武將軍封安國亭侯文帝踐祚爲衛尉進封安鄉侯
增邑三百戶并前八百戶方欲以爲公會薨帝爲流

涕追贈車騎將軍

郭嘉爲司空軍祭酒征呂布三戰破之又從太祖破
袁紹紹死又從討譚尙於黎陽連戰數克諸將欲乘
勝遂攻之嘉以爲不可太祖乃南征軍至西平譚尙
果爭冀州譚爲尙軍所敗走保平原遣申毗乞降太
祖還救之遂從定鄴又從攻譚於南皮冀州平封嘉
洧陽亭侯及疾篤太祖問疾者交錯及薨臨其喪哀
甚乃表曰軍祭酒郭嘉自從征伐十有一年每有大
議臨敵制變臣策未決嘉輒成之平定天下謀功爲
高不幸短命事業未終追思嘉勲實不可忘可增邑

八百戶并前千戶

蔣濟爲散騎嘗侍與大司馬曹仁征吳仁薨以濟爲東中郎將代領其兵詔曰卿兼資文武志節抗愾嘗有超越江湖吞吳會之志故復授將帥之任

郝昭爲將軍守陳倉蜀將諸葛亮攻之二十餘日昭固守亮乃退明帝詔嘉昭善守賜爵列侯及還帝引見慰勞之顧謂中書令孫資曰卿鄉里乃有爾曹快人爲將灼如此朕復何憂乎仍欲大用之會病亡

張旣爲雍州刺史文帝卽王位初置涼州以安定太守鄒岐爲刺史張擁張進執郡守舉兵拒岐黃華趨

演各逐故太守舉兵以應之旣進兵爲護羌校尉蘇則聲勢故則得以有功旣進爵都鄉侯涼州盧水故伊健妓妾治元多等反河西大擾帝憂之曰非旣莫能安涼州乃召鄒岐以旣代之擊胡大破之帝甚說詔曰卿踰河歷險以勞擊逸以寡勝衆功過南仲勤踰吉甫此勲非但破胡乃永寧河右使吾長無西顧之念矣徙封西鄉侯增邑二百戶并前四百戶

賈逵爲豫州刺史關內侯黃初中與諸將竝征吳破呂範於洞浦進封陽里亭侯加建威將軍明帝卽位增邑二百戶并前四百戶

任峻為典農中郎將太祖使峻典軍器糧運賊數寇
鈔絕糧道乃使千乘為一部十道方行為複陳以營
衛之賊不敢近軍國之饒起於羽林監棗祗而成於
峻太祖以峻功高乃表封為都亭侯邑三百戶遷長
水較尉

蘇則為酒泉安定武都太守所在有威名太祖征張
魯使為軍導魯破徙為金城太守文帝初西平麴演
叛稱護羌較尉則勒兵討之演恐乞降帝以其功加
則護羌較尉賜爵關內侯後演復結旁郡為亂及武
威三種胡并寇鈔道路斷絕武威太守毋丘興告急

於則乃發兵救武威降其三種胡與興擊敗演軍河
西平乃還金城進封都亭侯邑三百戶

張遼為中郎將數有戰功遷裨將軍從太祖討袁譚
袁尚於黎陽有功行中堅將軍又破遼東賊柳毅等
還都太祖自出迎遼引共載以遼為盪寇將軍復別
擊荊州定江夏諸縣還屯臨穎封都亭侯從征袁尚
於柳城卒與虜遇遼勸太祖戰氣甚奮太祖壯之自
以所持麾授遼遂擊大破之太祖論諸將功曰登天
山履峻險以取蘭城盪寇功也增邑假節遼又率諸
軍討吳追擊大帝幾獲之太祖大壯遼拜征東將軍

文帝卽位轉前將軍賜帛千匹穀萬斛吳復叛遣還屯合肥進遼爵都鄉侯給遼母輿車及兵馬送遼家詣屯勅遼母至導從出迎所督諸將軍吏皆羅拜道側觀者榮之文帝踐祚封晉陽侯增邑千戶并前二千六百戶黃初二年遼朝雒陽宮帝引遼會建始殿親問破吳狀帝嘆息顧左右曰此亦古之召虎也爲起第舍又特爲遼母作殿以遼所從破吳軍應募步卒皆爲虎賁吳復稱藩遼還屯雍丘得疾帝遣侍中劉曄將太醫視疾虎賁問消息道路相屬疾未瘳帝迎遼就行在車駕親臨執其手賜以御衣太官日送御食疾小差還屯吳復叛遼與諸將破之遼病篤薨於江都帝爲流涕

樂進爲陷陣都尉從擊呂布於濮陽張超於雍丘橋蕤於苦皆先登有功封廣昌亭侯從征張繡於安衆圍呂布於下邳破別將擊眭固於射大攻蜀先主於沛皆破之拜討寇較尉渡河攻獲嘉還從擊袁紹於官渡方戰斬紹將淳于瓊從擊譚尙於黎陽斬其大將嚴敬行游擊將軍別擊黃巾破之定樂安郡從圍鄴鄴定從擊袁譚於南皮先登入譚東門譚敗別攻雍奴破之太祖表漢帝稱進功遷折衝盪寇將軍太

祖征管承軍淳于遣進與李典擊之承破走逃入海島海濱平荊州未服遣屯陽翟後從平荊州留屯襄陽擊關羽蘇飛等皆走之南郡諸縣山谷蠻夷詣進降又討蜀臨沮長杜普旌陽長梁太皆大破之後從征吳假進節太祖還留進與張遼李典屯合肥增邑五百戶并前凡千三百戶遷右將軍

千禁爲軍司馬太祖使將兵詣徐州攻廣威拔之拜陷陣都尉從征黃巾劉辟黃邵等擊破之遷平虜較尉初黃巾降號青州兵太祖寬之故敢因緣爲畧禁怒乃討之青州兵詣太祖自訴或謂禁青州兵已數君矣宜促詣公辨之禁乃入謁具陳其狀太祖悅謂禁曰將軍在亂能整討暴堅壘有不可動之節雖古名將何以加之於是錄禁前後功封益壽亭侯又太祖使禁別將屯原武擊袁紹別營於杜氏津破之遷裨將軍禁又督守土山力戰紹破遷將軍又征昌豨降之是時太祖軍淳于聞而嘆曰豨降不詣吾而歸禁豈非命邪益重禁東海平拜禁虎威將軍後與臧霸等攻梅成張遼張郃等討陳蘭遂斬蘭成增邑二百戶并前千二百戶又太祖嘗恨朱靈欲奪其營禁從詣靈營奪其軍衆皆震服遷右將軍假節鉞

張郃為偏將軍封都亭侯從太祖攻鄴拔之又從擊
袁譚於渤海別將軍圍雍奴大破之以功遷平狄將
軍又別督諸軍降巴東巴西二郡還南鄭拜盜寇將
軍太祖在長安遣使假郃節文帝即王位以郃為左
將軍進爵都鄉侯及踐祚進封鄭侯諸葛亮出祁山
加郃位特進遣督諸軍拒亮絕其汲道擊大破之南
安天水安定郡反應亮郃皆破平之詔曰賊亮以巴
蜀之眾當虓虎之師將軍被堅執銳所向克定朕甚
嘉之益邑千戶并前四千二百戶郃屯方城會諸葛
亮復出急攻陳倉明帝驛馬召郃到京都帝自幸河

南城置酒送郃遣南北軍士三萬及分遣武衛虎賁
使衛郃

徐晃河東陽人也為郡吏從車騎將軍楊奉討賊有
功拜騎都尉及歸太祖太祖授晃兵使擊卷

卷音墟
權切

原武賊破之拜裨將軍從征呂布別降布將趙庶李
鄒等與史渙斬睦固於河內從破蜀先主又從破顏
良拔白馬進至延津破文醜拜偏將軍與曹洪擊灑
疆賊祝臂破之又與史渙擊袁紹運車於故市功最
多封都亭侯又從征蹋頓拜橫野將軍馬超等反關
右遣晃屯汾陰以撫河東賜牛酒令上先人墓又從

征張魯別遣晃討攻犢仇夷諸山氏皆降之遷平寇將軍晃助曹仁討關羽羽圍仁於樊又圍將軍呂蒙於襄陽晃擊退之振旅還摩陂太祖迎晃七里置酒大會太祖舉卮酒勸晃且勞之日全樊襄陽將軍之功也時諸軍皆集太祖案行諸營士卒咸離陣觀而晃軍營整齊將士駐陣不動太祖嘆曰徐將軍可謂有周亞夫之風矣文帝卽王位以晃爲右將軍進封爲遼鄉侯及踐祚進封楊侯與夏侯尚討蜀先主於上庸破之以晃鎮陽平徙封陽平侯明帝卽位拒吳將諸葛瑾於襄陽增邑二百戶并前三千一百戶

李整者典之從父乾子也太祖使整將乾兵與諸將擊蘭封蘭封破從平兖州諸縣有功稍遷青州刺史李典爲裨將從太祖圍鄴鄴定與樂進圖高幹於壺關擊管承於長廣皆破之遷捕虜將軍封都亭侯典宗族部典三千餘家居乘氏自請從詣魏郡太祖嘉之遷破虜將軍又率將與張遼破走吳太帝增邑百戶并前三百戶

李通爲振威中郎將太祖討張繡通爲先登大破繡軍拜裨將軍封建功侯分汝南二縣以通爲楊安都尉太祖與袁紹相拒於官渡紹遣使拜通征南將軍

劉表亦陰招之通皆拒焉又擊羣賊瞿恭江宮沈廣等皆破殘其衆送其首遂定淮汝之地改封都亭侯拜汝南太守又破攻賊張赤等五千餘家蜀先主與周瑜圍曹仁於江陵通率衆入圍迎仁軍勇冠諸將通得病死追增邑二百戶并前四百戶臧霸爲瑯邪相太祖方與袁紹相拒而霸數以精兵入青州故太祖得專事封霸爲都亭侯加威虜將軍又與夏侯淵討黃巾餘賊徐和等有功遷徐州刺史沛國公文帝踐祚進封開陽侯徙封良成侯與曹公討吳賊破呂範於洞浦徵爲執金吾位特進明帝卽

位增邑五百戶并前三千五百戶

文聘爲江夏太守太祖使典北兵委以邊事賜爵關內侯與樂進討關羽於尋口有功進封延壽亭侯加討逆將軍又攻羽輜重於漢津燒其船於荊城文帝踐祚進封長安鄉侯假節與夏侯尚圍江陵使聘別屯沔口止石梵自當一隊禦賊有功遷後將軍封新野侯聘又追擊吳大帝衆破之增邑五百戶并前千九百戶

呂虔領太山太守引兵與夏侯淵擊黃巾徐和等斬首獲生數千人太祖使督青州諸郡兵以討東萊羣

賊李條等有功太祖令曰夫有其志必成其事蓋烈士之所徇也卿在郡以來擒姦討暴百姓獲安躬蹈矢石所征輒克昔寇恂立名於汝潁耿弇建策於青兗古今一也舉茂才加騎都尉文帝卽位加裨將軍封益壽亭侯遷徐州刺史加威虜將軍又討利城叛賊斬獲有功明帝卽位徙封萬年亭侯增邑二百戶并前六百戶

許褚爲都尉從太祖征張繡先登斬首萬計遷較尉又從圍鄴力戰有功賜爵關內侯從討韓遂馬超大破之遷武騎中郎將文帝踐祚進封萬壽亭侯遷武衛將軍都督中軍宿衛禁兵初褚所將爲虎士等從征伐太祖以爲皆壯士也同日拜爲將其後以功爲將軍封侯者數十都尉較尉者百人明帝卽位進封牟鄉侯邑七百戶褚兄定亦以軍功封爲振威將軍都督徼道虎賁

典韋爲都尉每戰鬪嘗先陷陳遷爲較尉從征張繡創重瞋目大怒而死太祖退駐舞陰聞韋死爲流涕募間取其喪親自臨哭之遣歸葬襄邑車駕每過嘗祠以中牢

龐德少爲郡吏州從事漢末獻帝初平中從馬騰擊

反羗叛氏數有功稍遷至較尉建安中太祖討袁譚
尚於黎陽譚遣郭援高幹等畧取河東太祖使鍾繇
率關中諸將討之德隨騰子超拒援幹於平陽德為
軍鋒進攻援幹大破之親斬援首拜中郎將封都亭
侯太祖定漢中素聞其驍勇拜立義將軍封關門亭
侯邑三百戶

裴潛為兖州刺史太祖次摩陂嘆其軍齊整特嘉賞
賜

衛臻為侍中中護軍諸葛亮寇天水臻奏宜遣奇兵
入散關絕其糧道明帝乃以臻為征蜀將軍假節督

諸軍事到長安亮退加光祿大夫

趙儼以議郎參曹仁軍事南行遣平寇將軍文帝黃

初三年賜爵關內侯吳大帝寇邊征東大將軍曹休

統五州軍禦之徵儼為軍師吳眾退封宜土亭侯

孫禮明帝時為揚州刺史伏波將軍賜爵關內侯吳

大將全琮帥數萬眾來侵寇時州兵休使在者無幾

禮躬勒衛兵禦之戰於芍陂奮不顧身賊眾乃退詔

書慰勞賜絹七百疋

辛毗為侍中賜爵關內侯上軍大將軍曹真征朱然

于江陵毗行軍師還封廣平亭侯

楊阜為參軍事與馬超戰身被五創宗族昆弟死者
七人超遂南奔張魯隴右平定太祖封討超之功賜
阜爵關內侯

滿寵為奮威將軍屯當陽吳大帝數擾東陲復召寵
還為汝南太守賜爵關內侯關羽圍襄陽寵助征南
將軍曹仁屯樊城拒之寵力戰有功羽退進封安昌
亭侯文帝卽王位遷揚武將軍破吳於江陵有功更
拜伏波將軍屯新野大將南征到精湖寵帥諸軍在
前與賊隔水相對寵擊破之進封南鄉侯黃初三年
假寵節鉞五年拜前將軍明帝卽位進封邑侯太和

二年領豫州刺史四年拜寵征東將軍青龍三年寵
遣長史督二軍循江東下摧破吳諸屯而還詔美之
景初二年以寵年老徵還遷為太尉寵不治產業家
無餘財詔曰君典兵在外專心憂國公有行父祭遵
之風賜田十頃穀五百斛錢二十萬以明清忠儉約
之節焉寵前後增邑凡九千六百戶

田豫文帝時使持節獲烏丸較尉山賊高艾眾數千
人寇鈔為幽冀害豫誘使鮮卑素利部斬艾傳首京
都封豫長樂亭侯文帝太和末公孫淵以遼東叛帝
欲征之而難其人中領軍楊暨舉豫應選乃使豫以

本官督青州諸軍假節往討之後吳復來寇豫往拒之賊即退景初末增邑三百并前五百戶齊王正始初遷使持節護匈奴中郎將加鎮威將軍領并州刺史

史
牽招初為太祖軍謀掾從討烏丸至柳城拜護烏丸較尉從漢中太祖還留招為中護軍事罷還鄴拜平虜較尉將兵督青州徐州諸軍事擊東萊賊斬其渠率東土寧靜文帝踐祚拜招使持節護鮮卑較尉大軍征吳召招還至值軍罷拜右中郎將出為鴈門太守明帝即位賜爵關內侯

郭淮為丞相兵曹議令史從征漢中太祖還留征西將軍夏侯淵拒蜀先主以淮為淵司馬與蜀先主戰淮時有疾不出淵遇害軍中擾擾淮收散卒推盪寇將軍張郃為主諸營乃定太祖善之假郃節復以淮為司馬文帝即王位賜爵關內侯轉鎮西長史行征羌護軍擢領雍州刺史封射陽亭侯黃初五年為真安定羌大帥太和二年蜀相諸葛亮出祁山遣將軍馬謖至街亭高詳屯列柳城張郃擊謖淮攻詳營皆破之又破隴右羌唐號於抱罕加建威將軍齊王正始初轉前將軍夏侯玄伐蜀淮督諸軍為前鋒淮度

勢不利輒拔軍出故不敗還假淮節姜維之出石營
從疆川乃西迎叛胡治無戴留陰平太守廖化於成
重山築城淮乃別遣夏侯霸等追維於沓中淮自率
諸軍就攻化等維果馳還救化皆如淮計進封鄉都
侯嘉平元年遷征西將軍都督雍涼諸軍事是歲興
雍州刺史陳泰協策降蜀牙門將荀安等於超上二
年詔曰昔漢川之役幾至傾覆淮臨危濟難功書王
府在關右三十餘年外征寇虜內綏民夷比歲以來
摧破廖化禽虜荀安功績顯著朕甚嘉之今以淮爲
車騎將軍儀同三司持節都督如故進討陽曲侯邑

凡二千七百八十戶

陳泰以齊王嘉平初代郭淮爲雍州刺史加奮威將
軍淮薨代爲征西將軍假節都督雍涼諸軍事及吳
大將孫峻出淮泗以泰爲鎮軍將軍假節都督淮北
諸軍事及諸葛誕作亂壽春司馬文王率六軍軍丘
頭總置行臺泰前後以功增邑二千六百戶
胡質爲荊州刺史振威將軍賜爵關內侯吳大將軍
朱然圍樊城質輕軍赴之遂勒兵臨圍城中乃安遷
征東將軍假節都督青徐諸軍事嘉平二年薨家無
餘財追進封陽陵亭侯邑百戶

王基爲荊州刺史揚烈將軍隨征南王昶擊吳虜安
北將軍譚正納降數千口賜爵關內侯高貴鄉公卽
位進封嘗樂亭侯毋丘儉文欽作亂以基爲行監軍
假節統許昌軍儉吏文欽將兵襲鄧艾基知其勢分
進兵偏項儉衆乃敗欽等已平遷鎮南將軍都督豫州
諸軍事領豫州刺史進封安樂鄉侯諸葛誕反基以
本官行鎮東都督揚州諸軍事進封東武侯是歲基
毋卒詔祕其凶問迎基父豹喪合塋雒陽甘露四年
轉爲征南將軍都督荊州諸軍事嘗道鄉公卽尊位
增邑千戶并前五千七百戶景元二年薨追贈司空

王凌文帝時爲兖州刺史與張遼等至廣陵討吳凌
與諸將逆擊捕斬首虜有功封宜城亭侯加建武將
軍齊王正始初爲征東將軍假節都督揚州諸軍事
二年吳大將全琮數萬衆寇芍陂率諸軍逆討與賊
爭塘力戰賊退進封南鄉侯邑千三百五十戶遷車
騎將軍儀同三司

毋丘興者儉之父也黃初中討賊張進及討叛胡有
功封高陽鄉侯毋丘儉爲荊州刺史明帝圖討遼東
以儉有幹策徙爲幽州刺史加度遼將軍使持節護
烏丸較尉率幽州諸軍公孫淵遂與儉戰不利引還明

年帝遣太尉司馬宣王統中軍及儉等衆數討淵定
遼東儉以功進封安邑侯邑三千九百戶齊王正始
中儉以高句驪數侵叛督諸軍步騎萬人出玄菟從
諸道討之斬獲首虜以千數遷左將軍假節監豫州
諸軍事領豫州刺史

諸葛誕爲鎮東大將軍都督揚州吳大將孫峻呂據
留贊等聞淮南亂會文欽往乃帥衆將欽徑至壽春
誕諸軍已至城不可攻乃走誕遣將軍蔣班追擊之
斬贊傳首收其印節進封高平侯邑三千五百戶
鄧艾爲南安太守齊王嘉平元年與征西將軍郭淮

拒蜀軍姜維屯白水維潛軍安來渡艾先至據城得
以不敗賜爵關內侯加討寇將軍高貴鄉公卽位進
封方城亭侯吳大將軍孫峻等號十萬衆將渡江艾
遣太山太守諸葛緒等於黎漿拒戰遂走之徵拜長
水校尉以破文欽等功進封方城鄉侯行安西將軍
解雍州刺史王經圖於狄道姜維退駐鍾提乃以艾
爲安西將軍假節領護東羌較尉與維戰於段谷大
破之高貴鄉公甘露元年詔曰逆賊姜維連年狡黠
民夷騷動西土不寧艾籌畫有方忠勇奮發斬將十
數馘首千計國威振於巴蜀武聲揚於江岷今以艾

爲征西將軍都督隴右諸軍事進封鄧侯分五百戶
封子忠爲亭侯二年拒姜維於長城維退還遷鎮西
將軍前後增邑凡六千六百戶陳留王景元三年征
蜀降之詔曰艾耀威奮武深入虜亭斬將搴旗梟其
鯨鯢僭號之主稽首係頸歷世逋誅一朝而平兵不
踰時戰不終日雲徹席卷盪定巴蜀雖白起破彊楚
韓信克勁趙吳漢禽于陽亞夫滅七國計功論美不
足比勲也其以艾爲太尉增邑三萬

鍾會爲鎮西將軍假節都督關中諸軍事陳留王景
元四年秋會移檄蜀將吏士民會與諸葛緒進攻劔
閣蜀軍保險拒守鄧艾遂至緜竹大戰斬諸葛瞻維
等聞瞻已破率其衆東入于巴會乃進軍至涪遣胡
烈田續龐會等追鋒艾進軍向成都蜀後主詣艾降
遣使勅維等令降於會十二月詔曰會所向摧弊使
前無強敵緘制衆城網羅遊逸蜀之豪帥面縛歸命
謀無廢功凡所降誅動以萬計全勝獨克有征無戰
拓平西夏方隅清晏其以會爲司徒進封縣侯增邑
萬戶

冊府元龜

冊府元龜

將帥部

都平以亮爲軍師將軍署左將軍府事先主外出亮嘗鎮守成都先主卽位策亮爲丞相後主建興三年春亮率衆南征賜亮金鈇鉞一具曲蓋一前後羽葆鼓吹各一部虎賁六十人十二年八月亮疾病卒于軍詔策曰惟君體資文武明睿篤誠受遺託孤贊輔朕躬繼絕興微志存靖亂爰整六師無歲不征神武赫然威振八荒將建殊功於季漢參伊周之巨勳如猗不弔事臨垂克邁疾隕喪朕用傷悼肝心若裂夫崇德序功紀行命謚以光昭將來刊載不朽今使使持節左中郎將杜瓊贈君丞相武鄉侯卽綬謚君爲

忠武侯

張飛爲中郎將先主奔江南曹公追之及於當陽之長阪飛拒後敵皆無敢當故遂得免先主旣定江南以飛爲宜都太守征虜將軍封新亭侯後轉在南郡先主入益州還攻劉璋飛與諸葛亮等沂流而上分定郡縣至江州破璋將巴郡太守嚴顏生獲顏飛所過戰克與先主會于成都益州旣平賜諸葛亮法正飛及關羽各金五百斤銀千斤錢五十萬錦千疋以飛領巴西太守又破張郃軍於巴西先主爲漢王拜飛爲右將軍假節章武元年遷車騎將軍領司隸較

尉進封西鄉侯

馬超爲偏將軍封都亭侯後自稱征西將軍領并州牧督涼州軍事聞先主圖劉璋於成都先主遣人迎超將兵徑到城下城下震怖璋卽稽首以超爲平西將軍督臨沮因爲前都亭侯先主爲漢中王拜超爲左將軍假節章武元年遷驃騎將軍領涼州牧進封蔡鄉侯

黃忠南陽人先主南定諸郡忠從入蜀葭萌受任還攻劉璋忠嘗先登陷陣勇毅冠三軍益州既定拜爲討虜將軍又於漢中定軍山擊夏侯淵淵軍大敗遷

征西將軍

趙雲爲牙門將軍先主入蜀雲留荊州先主自葭萌還攻劉璋召諸葛亮亮率雲與張飛等俱繇江西上平定郡縣至江州分遣雲從外水上江陽與亮會于成都成都既定以雲爲翊軍將軍後主建興元年爲中護軍征南將軍封永昌亭侯

龐統字士元與諸葛亮並爲軍師中郎將亮留鎮荊州統隨從入蜀益州牧劉璋與先主會涪統進策先主然其計所過輒克進圍雒縣統率衆攻城爲流矢所中卒時年三十六先主痛惜言則流涕拜統文議

郎遷建議大夫諸葛亮親爲之拜追賜統爵關內侯
麋竺字子仲先主將適荊州遣竺先與劉表相聞以
竺爲左將軍從事中郎益州平拜安漢將軍班在軍
師將軍之右竺雍容敦雅而幹翮非所長先主待之
以上賓之禮未嘗有所統御然賜賞優寵無與爲比
劉封長沙劉氏之甥也先主至荊州以未有繼嗣養
封爲子及先主入蜀自葭萌還攻劉璋封年二十餘
有武藝氣力將兵與諸葛亮張飛等沂流西上所在
戰克益州既定以封爲副軍中郎將

李嚴爲裨將軍成都既定爲犍爲太守興業將軍先
主在漢中嚴率將郡士五千人討賊馬秦高勝等斬
之又越雋夷平高定遣軍圍新道縣嚴馳往赴救賊
皆破走加輔漢將軍

魏延以部曲隨先主入蜀數有戰功遷牙門將軍先
主爲漢中王遷治成都乃拔延爲督漢中鎮遠將軍
領漢中太守先主踐尊號進拜鎮北將軍後王建興
元年封都亭侯五年諸葛亮駐漢中更以延爲督前
部領丞相司馬涼州刺史八年使延西入羌中魏後
將軍費瑤雍州刺史郭淮與延戰于陽谿延大破淮
等遷爲前師征西大將軍假節進封南郡侯

霍峻爲中郎將守葭萌城劉璋將扶禁向存等攻圍峻峻選精銳出擊大破之卽斬存首先王定蜀嘉峻之功乃分廣漢爲梓潼郡以峻爲梓潼太守裨將軍在官三年卒葬成都先王甚悼間召諸葛亮曰峻旣佳士加有功於國今欲行酹遂親率羣僚臨會弔祭因留宿墓上當時榮之

向寵爲牙門將秭歸之敗寵營特完後王建興元年封都亭侯

黃權爲偏將軍破杜濩朴胡殺夏侯淵據漢中皆權本謀也先王爲漢中王猶領益州牧以權爲治中從事及稱尊號將東伐吳先王以權爲鎮北將軍督江北軍以防魏師

李恢爲滌降都督使持節領交州刺史任平夷縣先王薨高定恣睢於越雋雍閭跋扈於建寧朱褒反叛於牂牁恢按道向建寧諸縣大相糾合圍恢軍於昆明恢出擊大破之軍功居多封漢興亭侯加安漢將軍

馬忠代張翼爲滌降都督時南夷豪帥劉胄反擾亂諸郡忠遂斬胄平南土加忠監軍奮威將軍封博陽亭侯又越雋郡亦失土地忠率將太守張嶷復雋郡

繇此就加安南將軍進封鄉亭侯後主延熙五年還朝因至建中見大司馬莊琬宣傳詔旨加拜鎮南大將軍

王平爲討寇將軍諸葛亮圍祁山平別守南圍魏大將軍司馬宣王攻亮張郃攻平平堅守不動郃不能克亮卒於武功退軍還魏延作亂一戰而敗平之功也遷後典軍安漢將軍

劉敏爲左護軍揚將軍與王平俱鎮漢中魏軍襲蜀敏帥所領與平會大將軍費禕從成都至魏軍卽退敏以功封雲亭侯

姜維爲衛將軍率衆討定汶山平康夷又降胡王治無載等部落假維節又大破魏雍州刺史王經於洮西就遷爲大將軍

張翼爲前軍都督以討叛率劉胃賜爵關內侯

吳懿爲關中都督與魏延入南安界破魏將費瑄徙亭侯進封高鄉侯

吳張奮昭之弟子也領兵爲將軍連有功效至平州都督封樂鄉亭侯

顧承爲吳郡西部都尉與諸葛恪等共平山越別得精兵八千人還屯章阮拜昭義中郎將

周瑜爲前部大都督魏曹仁守江陵城瑜遣甘寧前據夷陵仁圍寧寧告急於瑜大戰勒兵就陣仁繇是遂退大帝拜瑜偏將軍病卒大帝素服舉哀感動左右喪當還吳又迎之蕪湖衆事費度一爲供給後著令曰故將軍周瑜有其人客皆不得問

魯肅字子敬爲贊軍校尉與周瑜拒曹公曹公破走肅卽先還大帝請諸將迎肅肅將入閣拜大帝起禮之因謂日子敬孤持鞍下馬相迎足以顯卿未肅趨進日未也衆人聞之無不愕然就坐徐舉鞭言曰願至尊威德加乎四海總括九州克成帝業更以安車軟輪徵始當顯耳大帝撫掌歡笑後拜奮武將軍初任江陵後下屯陸口威信大行拜漢昌太守偏將軍又從大帝破皖城轉橫江將軍

呂蒙字子明爲平北都尉領廣德長從征黃祖蒙勒前鋒親梟祖都督陳就首將士乘勝進攻其城祖聞就死委城走兵追禽之以蒙爲橫野中郎將賜錢千萬又周瑜使其寧前據夷陵曹仁分衆圍寧蒙乃擊曹仁退走遂據南郡撫定荊州還拜偏將軍大帝親征皖引諸將問以計策蒙薦甘寧爲汜城督攻任前蒙以精銳繼之侵晨進攻蒙手執鼓枹士卒皆騰踊

自升食時破之既而張遼至夾石聞城已拔乃退
 帝嘉其功即拜廬江太守所得人馬皆分與之別賜
 尋陽屯田六百戶官屬三十人後曹公大出濡須
 蒙為督據前所五塢置疆弩萬張於其上以拒曹公
 曹公前鋒屯未就蒙攻破之曹公引退拜蒙左護軍
 虎威將軍魯肅卒蒙西屯陸口肅軍人馬萬餘盡以
 屬蒙又拜漢昌太守降關羽之眾羽父子俱獲荊州
 遂定以蒙為南郡太守封孱陵侯大帝於公安大會
 呂蒙以疾辭文帝
笑曰擒羽之功子明謀也今功已捷慶賞未行豈邑
 邑邪乃增給步騎鼓吹勅選虎威前將官屬并南郡
 廬江二郡威儀拜畢還營兵賜錢一億黃金五百斤
 馬騾從前後鼓吹光耀于路

蒙固辭金錢大帝不許封爵未下會蒙疾發大帝時
 在公安迎至內殿所以治護者萬方募封內有能愈
 蒙疾者賜千金時有鍼加大帝為之慘感欲數見其
 顏色又恐勞動嘗穿壁瞻之見小能下食則喜顧左
 右言笑不然咄咄夜不能寐病中瘳為下赦令群臣
 畢賀後更增篤大帝自臨視命道士壇於星辰下為
 之請命年四十二遂卒於內殿時大帝哀痛甚為之
 降損蒙未死時所得金寶諸賜盡付府藏勅主者命
 絕之日皆上還喪事務約大帝聞之益以悲感蒙子
 霸襲爵與守冢三百家復田五十頃

程普爲盪寇將軍與周瑜破曹公於烏林又進攻南郡走曹仁拜裨將軍領江夏太守治沙羨食四縣黃蓋爲武鋒中郎將武陵太守討平夷蠻及山賊加偏將軍

韓當爲別部司馬及孫策東渡從討三郡遷先登較尉後以中郎將與周瑜等拒破曹公又與呂蒙襲取南郡遷偏將軍領永昌太守宜都之役與陸遜朱然等共攻蜀軍於涿鄉大破徙威烈將軍封都亭侯蔣欽爲西部都尉討平會稽冶賊呂合秦狼等遷討越中郎將以經拘昭陽爲奉邑又從大帝征合肥力

戰有功遷盪寇將軍後召還都拜右護軍大帝嘗入其堂內嘆其在貴守約卽勅御府爲母作錦被改易帷帳妻妾衣服悉皆錦繡大帝討關羽欽督水軍入沔還道病卒大帝素服舉哀以蕪湖民二百戶田二百頃給妻子子壹封宣城侯

周泰爲別部司馬從大帝討六縣山賊奮激投身衛大帝膽氣倍人左右繇泰竝能就戰賊旣散身被二十創是日無泰大帝幾危始補春穀長後從攻皖及討江夏還過豫章復補宜春長所在皆食其征賦從討黃祖有功後與周瑜程普拒曹公於赤壁攻曹仁

於南郡荊州平定將兵屯岑曹公出濡湏泰復赴擊
 曹公退留督濡湏拜平虜將軍時朱然徐盛等皆在
 所部竝不伏也大帝為案行至濡湏塢因會諸將大
 為酣樂大帝自行酒到泰前命因泰解衣大帝手自
 指其創痕問以所起泰輒記昔戰鬪處以對畢使復
 服歡讌極夜其明日遣使者授以御蓋江表傳曰大
帝勅以已嘗
所用御幘青縑賜之坐罷任駕使
泰以兵馬導從出鳴鼓角作鼓吹後大帝破關羽欲
 進圖蜀拜泰漢中太守奮威將軍封陵陽侯
 周邵者泰之子也以騎都尉領兵曹仁出濡湏戰有
 功又從破曹休進位裨將軍

陳武為部司馬督五較累有功勞進位偏將軍從大
 帝擊合肥戰死大帝哀之命以其愛妾殉葬復客二
 百家

陳修武之子也為別部司馬授兵五百人修撫循得
 意大帝奇之拜為較尉

陳表為右部都封都亭侯領新安都尉鄱陽民吳遽
 等為亂表便越界赴討遽以破敗遂降陸遜拜表偏
 將軍進封都鄉侯

董襲為揚武都尉鄱陽賊彭龍彭虎等眾數萬人襲
 討之旬日盡平拜威越較尉遷偏將軍襲死大帝改

服臨殯供給甚厚

其寧為西陵太守從大帝攻皖為升城督寧為吏士先卒破獲朱光拜折衝將軍

凌統為別部司馬大帝征江夏統為前鋒先搏其城於是大獲大帝以統為承烈都尉又從破皖拜盪寇中郎將從病卒大帝聞之拊床起坐哀不能止使張承為作銘誄二子烈封二子名年各數歲大帝內養於宮愛待與諸子同賓客進見呼示之曰此吾虎子也及八九歲令葛光教之讀書十日一令乘馬追錄統功封烈亭侯

徐盛為別部司馬授兵五百人守柴桑長拒黃祖祖子射開門出戰大破之大帝以為較尉領蕪湖令復討臨成南阿山賊有功徙中郎將督較兵潘璋東郡發千人大帝使召募百餘人遂以為將討山賊有功署別部司馬後遷豫章西安長合肥之役諸將不備璋便馳進兵皆還戰大帝甚壯之拜偏將軍大帝征闔羽璋與朱然斷羽走道拜璋振威將軍封溧陽侯其寧卒又拜其軍蜀先主出夷陵璋與陸遜并力拒之璋部下斬蜀護軍馮翼等所殺傷甚衆拜平北將軍

朱治爲九真太守行扶義將軍割婁絲拳無錫毗陵
爲奉邑置長史黃武二年拜安國將軍金印紫綬徙
封故彰大帝自歷位上將及爲侯王治每進見大帝
嘗親迎執版交拜享宴贈賜恩敬特隆至從行吏皆
得奉贄私覲其異如此大帝嘗嘆治憂勤王事性儉
約雖在富貴車服惟供事大帝優異之自令督軍御
史典屬城文書治領四縣租稅而已

朱然爲臨川太守大帝授兵二千人會山賊盛起然
平討旬日而定曹公出濡湏然備大塢及三關屯拜
將軍又從討關羽別與潘璋到臨沮禽羽遷昭武
將軍封西安鄉侯又蜀先主舉兵攻宜都然督五千
人與陸遜並力拒先主先主遂破走拜征北將軍封
永安侯後拜車騎將軍征祖中魏將李興等聞然深
入斷然後道然夜出追之軍以勝反大帝遣使拜然
左大司馬右軍師寢疾二年後漸增篤大帝爲減膳
夜爲不寐中使醫藥口食之物相望於道然每遣使
表疾病消息大帝輒召見口自問訊入賜酒食出送
布帛自創業功臣疾病大帝意之所鍾呂蒙凌統最
重然其次矣赤烏十二年卒大帝素服舉哀爲之感

勸

呂範字子衡爲宛陵令討破丹陽賊還吳遷都督又從孫策攻祖郎於陵陽太史慈於勇里七縣平定拜征虜中郎將及大帝征江夏曹公至赤壁範與周瑜等俱拒破之拜裨將軍領彭澤太守以彭澤柴桑歷陽爲奉邑蜀先主詣京見大帝範密請留先主後遷平南將軍屯柴桑大帝討關羽過範館謂曰昔早從卿言無此勞也今當上取之卿爲我守建業大帝破羽還都武昌拜範建威將軍封宛陵侯領丹陽太守治建業督扶州以下至海轉以溧陽懷安寧國爲奉邑曹休張遼馮霸等來伐範督徐盛全琮孫韶等以舟師拒休等於洞口遷前將軍假節改封南昌侯黃武七年範遷大司馬印綬未下疾卒大帝素服舉哀而遣使者追贈印綬及還都建業大帝過範墓呼曰子衡言及涕泣祀以大牢

呂據爲安軍中郎將數討山賊諸深惡劇地所擊皆破隨大帝潘濬討五谿復有功朱然攻樊據與朱異破其外圍還拜偏將軍入補馬閑右部督遷越騎校尉太元元年大風江水溢流漸淹城門權使視水獨見據使人取大船以備害大帝嘉之拜盪魏將軍較朱桓爲盪寇較尉桓督領諸將討丹陽鄱陽山賊皆

平定稍遷裨將軍封新城亭侯後代周泰為濡須督
敗魏曹仁軍於中洲溺死者千餘大帝嘉桓功封嘉
興侯遷奮武將軍領彭城相黃龍元年拜前將軍領
青州牧假節赤烏元年卒大帝賜鹽五千斛以周喪
事
朱異為騎都尉隨朱然攻魏樊城建計破其外圍還
拜偏將軍又破魏廬江太守文欽七屯遷揚武將軍
駱統為建中郎將大帝以統隨陸遜破蜀軍於宜都
遷偏將軍黃武初統與嚴圭共破魏曹仁軍於中洲
封新陽亭侯

陸遜為海昌屯田都尉拜領縣事討鄱陽賊帥木突
拜定威較尉軍屯利浦大帝以兄策女配遜數訪世
務大帝納其策以為帳下右部督後為偏將軍右部
督陳闔羽可禽之要大帝乃潛軍而上使遜與呂蒙
為前部至即克公安南郡遜徑進領宜都太守拜撫
邊將軍封華亭侯遜遣將軍李異等攻蜀將詹晏等
破之又攻破房陵太守鄧輔南鄉太守郭睦及秭歸
大姓文布鄧凱等兵前後斬首招納凡數萬計大帝
以遜為右護軍鎮西將軍進封婁侯後拜輔國將軍
鎮荊州牧大帝使鄱陽太守周魴譎魏大司馬曹休

休果舉衆入皖乃召遜假黃鉞為大都督逆休陸機

銘曰魏大司馬曹休侵我北鄙乃假公黃鉞統御六師及中軍禁衛而攝行王事主上執鞭百司屈膝吳

錄曰假遜黃鉞吳主親執鞭以見之休既覺知耻見欺誘自恃兵馬精

多遂交戰遜自為中部令朱桓全琮為左右翼三道

俱進果衝休伏兵因驅走之追亡逐北徑至夾石斬

獲萬餘牛馬騾驢車乘萬兩軍資器械畧盡休還疽

發背死諸軍振旅過武昌大帝令左右以御蓋覆遜

出入殿門凡所賜遜皆御物上珍於時莫與為比遜

既立大功大帝嘉遜功德欲殊顯之拜為上將軍列

侯猶欲令歷本州舉命乃使揚州牧呂範就辟別駕

從事起茂才

陸抗為奮威將軍魏將諸葛誕舉壽春降拜抗柴桑

督赴壽春破魏牙門將偏將軍遷征北將軍

賀齊為威武中郎將討丹陽黥歛大破之分歛為始

新加偏將軍新都守累破盜賊被命詣所在及當還

郡大帝出祖道作樂舞象吳書曰大帝謂齊曰今定

狡獸率舞非君誰與齊曰殿下以神武應期廓開王

業臣幸遭際會得驅馳風塵之下佐助末行效鷹犬

之用臣之願也若殊俗貢珍賜齊駢車駿馬罷坐

任駕使齊就車齊辭不敢大帝使左右扶齊上車令

導吏卒兵騎如在郡儀大帝望之笑曰人當弩方非

積行累勤此不可得去百餘步乃旋齊又與陸遜討破鄱陽尤突拜安東將軍封山陰侯

全琮爲偏將軍時蜀將關羽圍樊襄陽琮上疏陳羽可討之計大帝時已與呂蒙陰議襲之恐事泄故寢琮表不荅及禽羽大帝置酒公安顧謂琮曰君前陳此孤雖不相荅今之捷抑亦君之功也於是封陽華亭侯琮又擊破魏舟軍梟其將軍尹盧遷綏南將軍進封錢唐侯

呂岱爲督軍較尉與將軍蔣欽將兵討平會稽東治賊呂合秦狼等拜昭信中郎將又鎮長沙攻斬醴陵袁龍遷盧陵太守又代步騭爲交州刺史討桂陽滇陽王金縛金傳送詣都斬首獲生凡萬餘人遷安南將軍假節封都鄉侯又擊破九真太守士徽大將其醴桓治等進封番禺侯於是除廣州復爲交州如故岱既定交州復進討九真斬獲萬數徼外諸國各遣使奉貢大帝嘉其功進拜鎮南將軍

周魴爲昭義較尉建密計隨陸遜擊魏司馬曹休遜橫截休軍斬獲萬計軍旋大帝大會諸將歡宴酒酣謂魴曰成孤大事君之功名當書之竹帛加禪將軍賜爵關內侯

鍾離牧爲監軍使者討平建安鄱陽新都三郡亂民
封秦亭侯拜越騎較尉又五谿夷叛亂牧爲平魏將
軍討平之遷公安督揚武將軍封都鄉侯

潘濬爲輔軍中郎將武陵部從事樊伯誘導諸夷圖
以武陵屬蜀先主濬以五千兵斬平之遷奮威將軍
封嘗遷亭侯

陸凱爲建武較尉討山賊陳慈於零陵斬慈克捷拜
巴丘督偏將軍封都鄉侯

吳粲爲昭義中郎將與呂岱討平山越人爲屯騎較
尉少府

是儀爲都尉從大帝討鬪羽拜忠義較尉儀陳謝大
帝令曰孤雖非趙簡子卿安得不自屈爲周舍耶旣
定荊州都武昌拜裨將軍封都亭侯黃武中遣儀之
皖就將軍劉邵欲誘致嘗休到大破之遷偏將軍
胡綜爲右部督大帝使綜與賀齊生虜得魏斬春太
守晉宗加建武中郎將

諸葛恪爲撫越將軍領丹陽太守授祭戟武騎三百
拜畢大帝命恪備威儀作鼓吹導引歸家及到府山
民去惡從化大帝嘉其功遣尚書僕射薛琮勞軍拜
恪威北將軍封都鄉侯復拜太傅會衆於東典與魏

軍戰斬首數千資噐山積振旅而歸進封恪陽都侯
加荆揚州牧督中外諸軍事賜金一百斤馬二百匹
縑布一萬疋

丁奉以驍勇爲小將屬其寧陸遜潘璋等數遣征伐
戰鬪嘗冠軍每斬將奉旗稍遷偏將軍廢帝卽位爲
冠軍封都亭侯魏遣諸葛誕胡遵等攻東典諸葛恪
率軍拒之奉見其前部兵少奉縱兵大破敵魏軍遂
潰還滅寇將軍進封都鄉侯魏將文欽來降以奉爲
虎威將軍從孫峻至壽春迎之與敵追軍戰於高亭
奉突入其陣斬首數百獲其軍噐進封安豐侯又魏
大將軍諸葛誕據壽春來降魏人圖之奉爲先登屯
于黎漿力戰有功拜左將軍

册府元龜

册府元龜

將帥部

卷之三百七十七

册府元龜

巡按福建監察御史臣李嗣京 訂正

知閩縣事 臣曹鼎臣參閱

知建陽縣事 臣黃國琦較釋

將帥部 三十九

褒異第四

晉何曾魏正光中為鎮北將軍都督河北諸軍事假節將之鎮文帝使武帝齊王攸辭送數十里曾為賓主備大牢之饌侍從吏騶莫不醉飽帝既出又過其子邵曾先勅邵曰客必過汝汝當豫嚴邵不冠帶停

帝良久曾深以譴邵曾見崇重如此遷征北將軍進封穎昌侯

石苞爲奮武將軍統青州諸軍督逆擊諸葛誕兵大破之壽春平苞拜鎮東將軍封東光侯

羊祜爲征南大將軍祜以伐吳必藉上流之勢乃表王濬爲龍驤將軍令修舟楫爲順流之計祜繕甲訓卒廣爲戎備乃上疏武帝深納之後詔以太山之南武陽牟南城梁父平陽五縣爲南城郡封祜爲南城侯置相與郡公同及卒帝素服哭之甚哀是日大寒帝涕淚滂沱鬚鬢皆爲冰馬賜東園祕器朝服一襲

錢三十萬布百疋詔曰征南大將軍南城侯祜蹈德冲素思心清遠始在內職值登大命乃心篤誠左右王事入綜機密出統方岳當終顯烈永輔朕躬而奄忽殂隕悼之傷懷其追贈侍中太傅持節如故喪旣引至門南臨祜卒二歲而吳平羣臣上壽帝執爵流涕曰此羊太傅之功也因以克定之功策告廟仍依蕭何故事封其夫人萬歲鄉君食邑五千戶又賜帛萬匹穀萬斛

杜預爲征南大將軍都督荊州諸軍事預旣至鎮繕兵甲耀威武乃簡精銳襲吳西陵督張政大破之以

功贈封三百六十五戶預旣平吳振旅凱入以功進封當陽縣侯增邑并前九千六百戶賜絹八千匹王沈爲征虜將軍持節都督江北諸軍事平蜀之役吳人大出聲爲救蜀振動邊境沈鎮御有方寇聞而退轉鎮南將軍武帝受禪以佐命之勲轉驃騎將軍賈充爲典農中郎將參大將軍軍事從景帝討毋丘儉文欽於樂嘉以勞增邑三百五十戶後爲文帝大將軍司馬轉右長史充進計征諸葛誕帝先歸雒陽使充統後事進爵宣揚侯增邑千戶五等初建封臨沂侯爲晉元勲深見寵異賜祿常優於羣臣伐吳之役詔充爲使持節假黃鉞大都督總統六師給羽葆鼓吹緹幢兵萬人騎二千置左右長史司馬從軍中郎將增參軍騎司馬各十人帳下司馬二十人大車官騎各三十人及吳平武帝遣侍中程璜犒勞賜充帛八千匹增邑八千戶及薨帝爲之慟使使持節大嘗奉策追贈太宰加袞冕之服綠綬綬御劔賜東園祕器朝服一具衣一襲大鴻臚護喪事假節鉞前後部羽葆鼓吹緹麾大輅鑿輅輻輳車帳下司馬大車推斧文衣武賁輕車介士葬禮依霍光及安平獻王故事給塋田一頃與石苞等爲王功配享廟庭自充

冊府元龜 卷四
魏志三十七
薨至塋賻賜二千萬

高光爲奉車都尉預討成都王穎有勲封延陵縣公
邑二千八百戶

王渾爲征虜將軍監豫州諸軍事渾與吳接境吳將
薛瑩曾淑衆號十萬渾擊破之遷安東將軍都督揚
州諸軍事鎮壽春及大舉伐吳渾率師出橫江遣諸
將擊破諸軍吳人大震孫皓遣司徒何植建威將軍
孫晏送印節詣渾降武帝下詔曰王渚督率所統遂
逼秣陵令賊孫皓救死自衛不得分兵上赴以成西
軍之功又摧破大軍獲張悌使皓塗窮勢盡面縛乞
降遂平定秣陵功勲茂著其增封八千戶進爵爲公
賜絹八千匹轉征東大將軍

王濬爲龍驤將軍監梁益諸軍事旣平吳拜濬輔國
大將軍領步兵較尉舊較唯五置此營自濬始也有
司又奏輔國依此未爲達官不置司馬不給官騎詔
依征鎮給親騎百人官騎十人置司馬封爲襄陽縣
侯邑萬戶賜絹萬匹又賜衣一襲錢三十萬及食物
時人咸以濬功重報輕武帝乃遷濬鎮軍大將軍加
散騎嘗侍領後軍將軍後又轉濬撫軍大將軍開府
儀同三司加特進散騎嘗侍後軍將軍如故太康六

年卒時年八十葬栢谷山大營瑩城塋垣周四十五
里面別開一門松栢茂盛

唐彬爲廣武將軍監邑東諸軍事上征吳之策甚合
武帝意後與王濬共伐吳應機制勝多所擒獲吳平
帝詔曰廣武將軍唐彬受任方隅東禦吳寇南臨蠻
越撫寧疆場有綏禦之績又每忼慷志在立功頃者
征討扶疾奉命首啟戎行獻俘授馘勲効顯著其以
彬爲右將軍都督巴東諸軍事徵拜翊軍較尉改封
上庸縣侯食邑六千戶賜絹六千匹

王戎爲建威將軍受詔伐吳降江夏太守劉朗及牙
門將孟泰吳平進爵安豐縣侯增邑六千戶賜絹六
千疋

盧欽爲淮北都督伏波將軍甚有聲績徵拜散騎嘗
侍吏部尚書進封大梁侯武帝受禪以爲都督沔北
諸軍事平南將軍假節給追鋒輅臥車各一乘第二
駟馬二乘騎具刀器御府人馬鎧等及錢三十萬
馬隆爲司馬督時涼州刺史楊欣失羗戎之和欣爲
虜所沒武帝以隆爲武威太守假節宣威將軍加赤
幢曲蓋鼓吹隆到武威前後誅殺及降附者以萬計
涼州遂平加授衛將軍

胡奮為監軍假節擊斬匈奴中部帥劉猛以功累遷
征南將軍假節都督荊州諸軍事遷護軍加散騎宮
侍

張光為牙門將伐吳有功遷江夏西部都尉轉北地
都尉擊破反叛兵羗擢授新平太守加鼓吹

趙誘為廣武將軍與甘卓周訪共討華軼破之又攻
滅杜弢累功賜爵平阿縣侯

周浚為折衝將軍楊州刺史封射陽侯隨王渾伐吳
與渾共行吳城壘綏撫新附以功進封成武侯食邑
六千戶賜絹六千匹

周馥為鎮東將軍與周玘等討陳敏滅之以功封永
寧伯

荀晞為北中侯及惠帝還雒陽范陽王虓承制用晞
行兖州刺史汲桑之破鄴也東海王越出次官渡以
討之命晞為前鋒晞陷其九壘遂定鄴而還西討呂
朗等滅之進位撫軍假節都督青兖諸軍事封東平
郡侯邑萬戶

劉喬為建威將軍太子洗馬以誅楊駿功賜爵關中
侯張昌之亂為威遠將軍豫州刺史與劉弘共討昌
進左將軍惠帝西幸長安喬與諸州郡舉兵迎大駕

東海王越承制轉喬安北將軍

劉琨爲范陽王虓司馬及惠帝幸長安東海王越謀
迎大駕劉喬攻虓於許昌也琨與許昌太守杜育等
率兵救之未至而虓敗琨與虓俱奔河北共破東平
王楸於廩丘南走劉喬又斬石超降呂朗因諸軍奉
迎大駕於長安以勲封廣武侯邑二千戶

索靖爲蕩寇將軍時西戎反叛靖屯兵粟邑擊賊敗
之遷始平內史又以左將軍討孫秀有功加散騎嘗
侍遷後將軍

索琳爲奮威將軍時劉聰侵掠關東琳破聰黨遷新
平太守後爲安西將軍馮翊太守及懷帝蒙塵長安
又陷琳糾合義衆頻破賊黨修復舊館遷安宗廟小
大百戰手擒賊帥李羗與閭鼎立秦王爲皇太子及
卽尊位是爲愍帝琳遷侍中太僕以首迎太駕升壇
授璽之功封弋君伯累遷衛將軍及劉曜進逼王城
以琳爲都督征東大將軍持節討之破曜日逐王呼
延晏以功封上雒郡公食邑萬戶拜夫人苟氏爲新
豐君曜入關琳又擊破之敗劉聰將趙染轉驃騎大
將軍

周玘爲建威將軍三定江南開復王畧元帝嘉其勲

以玘為吳興太守封烏程縣侯帝又以玘頻興義兵
勲誠竝茂乃以陽羨及長城之西鄉丹陽之永世別
為義興郡以彰其功

周札為寧遠將軍初討錢璿以功賜爵漳浦亭侯轉
從事中郎又以徐馥平為奮武將軍吳興內史錄前
後功改封東遷縣侯進號征虜將軍

周訪為揚烈將軍率眾擊破武昌太守馮翊及斬華
軼遂平江州元帝以訪為振武將軍尋陽太守加鼓
吹曲蓋復命訪與諸軍共征杜弢弢遣杜弘出海昏
訪擊破之弘奔于臨賀帝又進訪龍驤將軍王敦表

為豫章太守加征討都督賜爵尋陽縣侯又討賊帥
杜曾曾等走固武當以功遷南中郎將督梁州諸軍
事梁州刺史屯襄陽又擊破杜曾并獲第五琦胡混
擊瞻等送於王敦進位安南將軍持節都督刺史如
故及卒帝哭之甚慟詔贈征西將軍立碑於本郡

戴淵為振威將軍義軍督以討賊有功賜爵秣陵侯
遷治書御史驃騎司馬拜散騎侍郎元帝召為鎮東
右司馬將征杜弢加淵前將軍後為征西將軍都督
交豫幽冀雍并六州諸軍事假節加散騎嘗侍發投
刺王官千人為軍吏調揚州百姓家奴萬人為兵配

之以散騎嘗侍王選爲軍司鎮壽陽與劉隗同出帝親幸其營勞勉將士臨發祖餞置酒賦詩

應詹爲都督前鋒軍事護軍將軍假節都督與建威將軍趙裔等擊敗南賊斬賊率杜發梟首數千級賊平封觀陽縣侯食邑一千六百戶賜絹五千匹後遷使持節都督江州諸軍事平南將軍江州刺史卒贈鎮南大將軍儀同三司祠以大牢

甘卓初爲吳王嘗侍討石冰以功賜爵都亭侯元帝初渡江授卓前鋒都督揚威將軍歷陽內史討周馥征杜弢屢經苦戰多所擒獲以前後功進爵南鄉侯葛洪爲元帝丞相掾石冰作亂吳興太守顧祕爲義軍都督與周玘等起兵討之祕檄洪爲將兵都尉攻冰別帥破之遷伏波將軍水平洪不論功至是以平賊功賜爵關內侯

王廙爲元帝司馬預計周馥杜弢以功屢贈封邑除冠軍將軍

孔愉初參元帝丞相軍事以討華軼功封餘不亭侯孟觀爲積弩將軍上谷郡公時氏帥齊萬年反於關中觀大戰皆破之轉東羌較尉

劉演爲北中郎將兖州刺史鎮廩丘斬王桑走趙固

得衆七千人爲石勒所攻演拒戰勒退元帝拜爲都督後將軍

祖逖爲奮威將軍豫州刺史給千人廩布三千疋及卒册贈車騎將軍

李矩爲梁王彤牙門將伐氏齊萬年有殊功封東明亭侯後討賊帥侯都等滅之太尉荀藩建行臺假矩柴陽太守又破石勒衆藩表元帝加矩冠軍將軍輅車幢蓋進封陽武縣侯遷冠軍將軍矩破劉聰衆聰因憤恚而死帝嘉其功除都督河南三郡軍事安西將軍柴陽太守封修武縣侯

劉弘爲寧朔將軍假節監幽州諸軍事領烏桓較尉爲幽朔所稱以勲德兼茂封宣城公及卒贈新城郡公

郝鑿爲衛將軍都督從駕諸軍事與明帝謀滅王敦夷以鑿爲尚書令領諸屯營平錢鳳等封高平侯賜絹四千八百疋後進鑿都督揚州八郡軍事會蕪峻死大鄴圍解及蘇逸等走吳興鑿遣三軍李閔追斬之降男女萬餘口拜司空加侍中更封南昌縣公時賊帥劉徽聚抄東南諸縣鑿遂城京口加都督揚州之晉陵吳郡諸軍事率衆討平之進位太尉

九府元龜 卷之四
華當爲驃騎將軍以討王敦功封宛陵縣侯

郗恢爲建威將軍雍州刺史時後秦姚萇遣其子畧
以上雒恢遣建武將軍辛恭靜救雒陽畧懼而退恢

以功進征虜將軍又領秦州刺史加督隴上軍

紀瞻爲揚威將軍都督京口以南至蕪湖諸軍事以
距石勒退除會稽內史俄轉領軍將軍瞻以久病去

官明帝不聽復加散騎嘗侍及王敦之逆帝使謂瞻
曰卿雖病但爲朕臥護六軍所益多矣乃賜布千疋

賊平復自表還家帝不許固辭不起詔曰瞻忠亮雅
正職局經濟屢以年耆病久逡巡告誠朕深明此報

重違高志今聽所執其以爲驃騎將軍嘗侍如故服
物制度一按舊典遣使就拜止家爲府尋卒册贈本

官開府儀同三司遣御史持節監護喪事

王敦爲振威將軍領江夏相戍夏口敦攻討沔中皆

平旣而杜弢寇湘中加敦征討大都督伐弢有功賜

爵安陵亭侯鎮東大將軍明帝之討王敦以爲鎮南

將軍假節事平更拜尚書以功封益陽侯徙光祿勳

劉超爲安東上將軍從明帝征錢鳳事平以功封零

陵伯

庾亮爲都督征東諸軍事征沈充於吳興事平以功

軍將軍後鎮蕪湖頃之後將軍郭默據湓口以叛亮表求親征於是本官加征討都督會太尉陶侃俱討破之進號鎮西將軍固讓初以誅王敦功封永昌縣公亮此陳讓疏數十上至是許之

虞譚為輔國將軍以討沈充功進爵零陵縣侯鄧嶽為西陽太守率眾討平郭默遷督交廣二州軍事建武將軍領平越中郎將廣州刺史假節錄前後勲封宜城縣伯嶽又遣軍伐夜郎破之加督寧州進征虜將軍

鍾雅為廣武將軍時錢鳳作逆廣德縣人周玘為鳳起兵雅討玘斬之鳳平拜尚書左丞又北中郎將劉遐卒部曲作亂以雅監征討軍事事平拜驍騎將軍陶侃為南蠻長史後以軍功封東鄉侯邑千戶陳敏之亂為江夏太守加鷹揚將軍侃備威儀迎母官舍鄉里榮之敏遣其弟恢來寇武昌侃出兵禦之又加督護使與諸軍擊恢所向必破後以母憂去職服闋參東海王越軍事江州刺史元帝加侃奮威將軍假赤幢曲蓋轎車鼓吹頃之遷龍驤將軍武昌太守王敦又表拜侃為使持節寧遠將軍南蠻校尉荊州刺

史時諸將皆請乘勝擊溫邵侃以書諭之邵懼而走
追獲於始興以功封柴桑侯食邑四千戶太興初進
號平南將軍尋加都督交州軍事及王敦反侃以本
官領江州刺史尋轉都督湘州刺史敦得志侃復本
職加散騎嘗侍時交州刺史王諒為賊梁碩所陷侃
遣將高寶追擊平之以侃領交州刺史錄前後功進
封征南大將軍開府儀同三司及王敦平遷都督荆
雍益梁州諸軍事領護南蠻較尉征西大將軍荊州
刺史既平蘇峻旋江陵尋以為侍中太尉加羽葆鼓
吹改封長沙郡公邑三千戶賜絹八千疋加都督交

廣寧七州軍事侃又平郭默詔侃都督江州領刺史
增置左右長史司馬從事中郎四人掾屬十二人咸
和七年侃薨咸帝詔曰故使持節侍中太尉都督荆
江雍梁交廣益寧八州諸軍事荆江二州刺史長沙
郡公經德秉哲謀猷弘遠作藩於外八州肅清勤王
於內皇家以寧乃著桓文之勲伯舅是憑方賴大猷
俾屏予一人前進位大司馬禮秩策命未及加崇昊
天不弔奄忽薨殞朕震悼于厥心今遣兼鴻臚追贈
大司馬假密章祠以太牢魂而有靈嘉茲寵榮
溫嶠為中壘將軍持節都督東安北部諸軍事時王

穀構逆嶠率衆與賊夾水戰擊王含敗之後督劉遐
追錢鳳於江寧事平封建寧縣開國公賜絹五千四
百疋進號前將軍又代應詹爲江州刺史持節都督
平南將軍鎮武昌及平蕪峻拜驃騎將軍開府儀同
三司加散騎嘗侍封始安郡公邑三千戶及薨成帝
下冊書追贈侍中大將軍持節都督刺史公如故賜
錢百萬布千疋祠以太牢詔基建平陵北
謝尚出爲建武將軍江夏相成帝詔曰尚往以戎戍
事故輟黃散以授軍旅所據險要宜崇其威望今以
爲南中郎將後進號安西將軍時苻堅將揚平戍許

昌尚遣兵襲破之徵授給事中賜輅車鼓吹

王舒爲撫軍將軍會稽內史時蘇峻作逆舒監浙江
東五郡軍事遣子允之督護吳郡義興晉陵三郡征
討軍事擊賊韓晃於長蕩湖大破之賊平以功封彭
澤縣侯尋卒于官贈車騎大將軍儀同三司允之討
賊有功封番禺縣侯邑千六百戶

顧衆爲揚威將軍以討蘇峻功封鄱陽縣伯

褚裒爲侍中典征討軍事時蕪峻作逆裒與陸曄出
據苑城蘇逸任讓圍之裒等固守賊平以功封長平
縣伯

毛寶為溫嶠前鋒時蘇峻作亂峻既死保守南城賊遣韓晃攻之寶登城射殺數十人晃退賊平封州陵縣開國侯千六百戶庾亮

庾亮西鎮請為輔國將軍擊賊將石遇破之進征虜將軍

庾懌為左衛將軍以討蘇峻封廣饒男

庾冰為祕書郎預計華軼功封都鄉侯後為奮武將軍擊走蘇峻別帥張健於吳中乘勝又遣司馬滕含攻賊石頭城拔之冰勲為多封新吳縣侯

周撫為寧遠將軍江夏相蘇峻作逆率所領從溫嶠

討之峻平遷監沔北軍事南中郎將後桓溫征蜀進

撫督梁州之漢中巴西梓潼陰平四郡軍事撫擊破

蜀餘寇以功遷平西將軍又與龍驤將軍朱壽擊斬

范賁以功進爵建成縣公又征西督護蕭敬文作亂

撫伐之敬文出降進撫鎮西將軍及卒贈征西將軍

周楚為鷹揚將軍監梁益二州假節襲爵建城公時

梁州刺史司馬勲作逆討平之進冠軍將軍

毛穆之為安西將軍庾翼司馬翼薨大將于璿戴羲

等作亂穆之討平之又從桓溫平蜀以功尋除揚威

將軍累遷右將軍西蠻較尉卒追贈中軍將軍

庾翼為輔國將軍假節及邾城失守石城被圍翼屢設奇兵潛致糧杖石城得全翼之勲也賜爵都亭侯後為征西將軍領南蠻較尉及卒追贈車騎將軍桓石民為鎮武將軍攻破苻堅監荊州軍事西中郎將荊州刺史擊斬并州賊黃淮以前後功進左將軍桓石康為振威將軍荊州刺史以討庾仄功封武陵王

桓冲為鷹揚將軍鎮蠻護軍西陽太守從桓温征伐有功遷督荊州之南陽襄陽新野義陽順陽雍州之京兆揚州之義城七郡軍事寧朔將軍義城新野二

郡太守鎮襄陽又從温破姚襄及虜周成進號征虜將軍賜爵豐城公尋遷振威將軍江州刺史領鎮蠻護軍西陽醴二郡太守又遷車騎將軍都督江州梁益交廣寧七州揚州之義成雍州之京兆司州之河東軍事領護南蠻較尉荊州刺史持節將軍侍中如故冲將之鎮孝武餞於西堂賜錢五十萬又以酒三百四十石牛五十頭犒賜文武送至溧州後遷督荆江十郡軍事又以討降苻堅諸將功詔賜錢百萬袍表千端

謝安為侍中都督揚豫徐兗青五州幽州之燕國諸

軍事假節時符堅疆盛疆場多虞諸將敗退相繼安
遣弟石及兄子玄等應機征討所在克捷拜衛將軍
開府儀同三司封建昌縣公

謝琰為輔國將軍符堅之役與從兄玄俱陷陣破堅
以勲封望蔡公

謝玄為建武將軍兖州刺史領廣陵相監江北諸軍
事大破苻堅軍罷彭城下邳二戍詔遣殿中將軍慰
勞進號冠軍加領徐州刺史還於廣陵以功封東興
縣侯後又破堅眾詔遣殿中將軍慰勞進號前將軍
假節固讓不受賜錢百萬綵千疋既而安奏苻堅喪

敗宜乘其釁會以玄為前鋒都督率冠軍將軍後以
兖青司豫平和加玄都督徐兖青司幽冀并七州軍
事玄上疏以方平河北幽冀宜須總督司州懸遠應
統豫州以勲封康樂縣公

桓宣為四品將軍時石勒別將圍譙城祖逖留宣討
諸未服皆破之遷譙國內史後為都督司雍梁黃州
荊州之南陽襄陽新野南鄉四郡軍事以前後功封
竟陵縣男

桓伊為建威將軍歷陽太守與謝玄共破賊別將王
鑿張蚝等以功封宣城縣子又進都督豫州諸軍事

西中郎將豫州刺史及苻堅南寇伊與冠軍將軍謝
玄輔國將軍謝琰俱破堅於淝水以功封永修縣侯
進號右軍將軍賜錢百萬袍表千端後拜護軍將軍
以右軍府千人自隨配護軍府官贈右將軍加散騎
嘗侍

朱伺爲綏夷都尉時陶侃鎮江夏以伺爲左甄摧破
陳敏於武昌以功封亭侯領騎督累加威遠將軍督
護又以平蜀賊功加廣威將軍

毛安之爲游擊將軍孝武初擊滅妖賊盧悚遷左衛將
軍及卒又追論討悚勲賜爵平都子

朱序爲征討都護以討司馬勲功拜征虜將軍封襄
平子後轉揚州豫州五郡軍事豫州刺史屯雒陽後
丁零翟遼反序遣將軍秦膺童斌與淮泗諸郡共討
之又監兗青二州諸軍事二州刺史將軍如故進鎮
彭城序求鎮淮陰孝武許焉序還遣秦膺討翟遼子
釗於陳賴走之拜征虜將軍

劉牢之爲謝玄前鋒百戰百勝牢之破苻堅將句難
輜重於盱眙獲其運船遷鷹揚將軍淮淝之役牢之
進平譙城遷龍驤將軍彭城内史以功賜爵武崗縣
男食邑五百戶

諸葛長民為揚武將軍討桓玄以功拜輔國將軍又與劉敬宣破桓歆於芍陂封新淦縣公食邑二千五百戶

何無忌為輔國將軍既破桓玄眾侍衛安帝還京師以無忌督豫州揚州淮南廬江安豐歷陽堂邑五郡軍事右將軍豫州刺史加節甲杖五十人入殿未之職遷會稽內史督江東五郡軍事持節將軍如故給鼓吹一部義熙二年遷都督江州荊州江夏隨義陽綏豫州西陽新蔡汝南潁州八郡軍事江州刺史將軍持節如故以興復之功封安城郡開國公食邑三

千戶增都督司州之弘農揚州之松滋加散騎侍郎進鎮南將軍

毛璉為建威將軍益州刺史安帝初進征虜將軍及桓玄篡位遣使加璉散騎嘗侍左將軍璉列玄罪狀遣諸太守擊之及安帝反正詔曰夫貞松標於歲寒忠臣亮于國危益州刺史璉體識弘正誠契義旗受命偏帥次于近畿輔翼之勲實感朕心可進征西將軍都督益梁秦梁寧五州軍事行宜都寧蜀太守及遇害詔給錢三十萬布三百疋論璉計立力是討歸鄉公千五百戶

冊府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

將帥部 四十

褒異第五

宋檀道濟為揚武將軍從劉道規討桓謙荀林等率厲文武身先士卒所向摧破及徐道覆來逼道規親出拒戰道濟戰功居多遷安遠護軍武陵內史復為太尉參軍拜中書侍郎轉寧朔將軍參太尉軍事以

前後功封祚唐縣男食邑四百戶補太尉主簿諮議
叅軍豫章公遷征虜將軍宋國侍中高祖受命轉護
軍加散騎嘗侍領石頭戍事聽直入殿省以佐命功
改封永修縣公食邑二千戶及討平謝晦遷都督江
州江夏豫州之西陽蔡新晉熙四郡諸軍事征南大
將軍開府儀同三司江州刺史持節嘗侍如故贈封
千戶

謝晦自宋臺建爲右衛將軍尋加侍中高祖受命於
石頭登壇備法駕入宮晦領遊軍爲警備遷中領軍
侍中如故以佐命功封武昌縣公食邑二千戶

王鍾惡爲高祖前部賊曹拒盧循於查浦累戰有功
封博陸縣五等子高祖謀討劉毅加鍾惡振武將軍
以討毅功封漢壽縣子食邑五百戶後爲征虜將軍
領安西司馬馮翊太守遇害高祖受命追封龍陽縣
侯食邑千五百戶配食高祖廟庭

檀韶字令孫行參高祖建武將軍事都邑旣平爲鎮
軍將軍加寧遠將軍東海太守進號建武將軍遷龍
驤將軍秦郡太守北陳留內史以平桓玄功封巴江
縣侯食邑五百戶又加寧朔將軍從征廣固攻臨朐
城克之又領北瑯邪太守進號寧朔將軍瑯邪內史

從討盧循於左里又有戰功并論廣固功更封宜陽侯食邑七百戶高祖受命以佐命功增八百戶并前千五百戶及卒追贈安南將軍加散騎嘗侍

向彌爲寧遠將軍征破桓石等及攻壽陽克之遷建武將軍秦郡太守北陳留內史戍堂邑以平京城功封山陽縣五等侯又遷龍驤將軍梁國內史戍壽陽以平廣固盧循功封安南縣男食邑五百戶遷冠軍將軍高祖受命以佐命功封曲江縣侯食邑千戶

劉懷慎爲振威將軍彭城內史從高祖拒盧循於石頭屢戰克捷加輔國將軍晉安帝義熙八年以本號監北徐州諸軍事鎮彭城尋加徐州刺史九年亡命王靈秀爲寇討平之十一年進北中郎將以平廣固盧循功封南城縣男食邑五百戶十三年高祖北伐以爲中領軍征虜將軍高祖遷都壽春留懷慎督北徐兗青淮北諸軍事前將軍征虜將軍徐州刺史永初元年以佐命功進爵爲侯增邑千戶進號平虜將軍

劉榮祖者懷慎之庶長子也榮祖領偏師追躡盧循累有戰功叅太尉軍從討司馬休之會賊破走加振威將軍尋參世子征虜軍事高祖北伐轉鎮西中兵

參軍寧遠將軍與朱超石大破魏軍於平城又攻劉度壘克之高祖大享戰士謂榮祖曰卿以寡克衆攻無堅城雖古名將何以過此轉爲太尉中兵參軍加建威將軍後轉右軍將軍時居父艱起爲輔國將軍追論平城之功賜爵都鄉侯

劉孫登爲巴陵王鎮兵參軍北伐南征功冠諸將封順陽縣侯食邑六百戶

劉粹爲車騎中軍參軍從高祖征廣固戰功居多以建義功封西安縣五等侯後遷左衛將軍以佐命功臣封建安縣侯食邑千戶

孟懷玉爲建武司馬高祖東伐豫義旗從平京城進定京邑以功封鄱陽縣侯食邑千戶又轉輔國將軍鎮丹陽府兵戍石頭盧循逼京邑懷玉於石頭南岸連戰有功爲中軍諮議參軍及循平封陽豐縣男食邑三百五十戶

孟龍符爲高祖建武參軍於江乘羅落覆舟三戰並有功參鎮軍事封平昌縣五等子加寧遠將軍

劉敬宣爲寧朔將軍大敗吳賊進平會稽加臨淮太守遷後軍從事中郎

檀祗爲振武將事追討桓玄每戰克捷又征亡命桓

道兒張靖苻嗣等皆悉平之除龍驤將軍

朱齡石爲輔國將軍巴西梓潼宕渠南漢中秦州之
安固懷寧六郡諸軍事以平蜀功封豐城縣侯食邑
千戶

毛修之爲右司馬南河河內二郡太守行西州事戍
雒陽修治城壘高祖旣至案行善之賜衣服玩好當
時評直二千萬

孫處字季高爲振武將軍高祖廣固之後先登有功
又破盧循所殺萬人及卒追贈龍驤將軍南海太守
封侯官縣侯食邑千戶

蒯恩爲寧遠將軍擊破應城賊張堅封都亭侯又爲
太尉長史兼行參軍隨朱齡石伐蜀破賊進平成都
擢爲參軍改封北至縣五等男恩自從征討每有危
急輒率先諸將嘗陷堅破陣高祖錄其前後功勞封
新寧縣男食邑五百戶

劉鍾爲鎮軍參軍時桓歆寇歷陽高祖遣鍾助豫州
刺史魏詠之討之歆卽奔逆除南齊國內史封安縣
五等侯自陳情事改葬父祖及親屬十喪高祖厚加
資給轉騎長史又從征廣固時孟龍符陷沒鍾率左
右直入取其尸而反除振武將軍中參軍代龍符領

廣固太守又隨劉蕃追徐道覆於始興斬之補太尉
行參軍寧朔將軍下邳太守代孟懷玉領石頭戍事
後隨朱齡石伐蜀爲前鋒平成都又以征廣固功封
永新縣男食邑五百戶遷給事中太尉參軍事龍驤
將軍高陽伯高祖北伐劉鍾居守增其兵功又命府
置從事荊州刺史劉道憐獻名馬三匹并精麗乘車
高祖悉以賜鍾三子

虞丘進初隨謝玄討苻堅有功封關內侯從高祖征
孫恩頻戰有功又從平京城定京邑除燕國內史又
從征劉毅事平補太尉行參軍尋加龍驤將軍高祖
以其前後功封望蔡縣男食邑五百戶加振威將軍
討司馬休之又有戰功軍還除輔國將軍及卒追論
討休之功進爵爲子增邑三百戶

胡藩初參高祖軍事討盧循於左里頻戰有功封吳
平縣五等子除正員郎後爲寧朔將軍以平司馬休
之及廣固功封陽山縣男食邑五百戶

庾登之爲高祖鎮軍參軍以預討桓玄功封曲江縣
五等男

王淮之參高祖車騎中軍事預討盧循功封都亭侯
沈叔任初爲高祖太尉參軍朱齡石之伐蜀爲齡石

建威府司馬加建威將軍平蜀之功亞於元帥蜀平
卽本號爲西夷較尉巴西梓潼郡太守高祖討司馬
休之齡石遣叔任率軍來會時高祖領鎮西將軍命
爲司馬及軍還以爲揚州別駕從事史以平蜀全涪
之功封寧新縣男食邑四百四十戶

柳叔仁爲梁州刺史黃門郎以破臧質功封宜陽侯
食邑八百戶

沈璞爲宣威將軍守盱眙後魏攻之璞堅守拒退太
祖嘉璞功效遣中使褒美詔曰近者險急老弱殊當
憂迫念卿爾時難爲心想百姓轉已還此退部運尋
至委卿贍濟也

劉道錫爲廣威將軍巴西梓潼二郡太守爲氐羗所
攻道錫保城固守太祖下詔曰前者兵寇攻逼邊情
渡駭道錫獎率文武盡心固守保全之績厥効可書
可冠軍諮議參軍

蕭思話爲寧朔將軍太祖元嘉十四年遷使持節臨
川王義慶平西長史南蠻較尉太祖賜以弓琴手勅
曰前得此琴云是舊物亦有名京邑今以相借因是
戴顓意於彈撫響韻殊勝宜爾也并徃得桑弓一張
材理乃良先所嘗用旣久廢射又多病畧當能制之

便戎老公令人嘆息良材美器宜在盡用之地丈人且無所與讓也及元凶殺立以爲徐兗二州刺史思話卽率部曲還彭城起義以應世祖及卽位徵爲散騎嘗侍尚書左僕射固辭不受改爲中書令丹陽尹嘗侍如故

趙倫之爲雍州刺史世祖北伐倫之遣順陽太守傅弘之等破姚泓於藍田及帝受命以佐命功封霄城縣侯

王謙之世祖初歷驍騎將軍御史中丞吳興太守以南下之功封石陽縣子食邑五百戶

柳元景河東人爲冠軍司馬世祖討元凶加冠軍將軍爲前鋒世祖至新亭卽位以元景爲侍中領左衛將軍轉使持節監雍梁南北秦四州荊州之竟陵隨二郡諸軍事前將軍寧蠻校尉雍州刺史帝在巴口問元景事平何所欲對曰若有過恩願還鄉里故有此授

張興世爲南中郎參軍督護入討元凶爲前鋒事定轉員外將軍領從隊南郡王義宣反又隨王玄謨出梁山有戰功除建平王中軍行參軍領長刀

顏師伯爲寧遠將軍東陽太守臧質反領兵以備東

道事寧領步兵較尉領前軍將軍從御史中丞遷侍
中世祖以其伐逆寧亂復下詔封平都縣子遷右衛
將軍又爲持節督青冀二州徐州之東安莞兗州之
濟北三郡諸軍事輔國將軍擊魏師大破之進號征
虜將軍

劉延孫爲鎭軍將軍南徐州刺史延孫遣中兵參軍
杜幼文率軍渡江受沈慶之節度討竟陵王誕進號
車騎將軍加散騎嘗侍給鼓吹一部

卜天生爲西陽王子尚撫軍參軍加龍驤將軍隸沈
慶之攻廣陵城天生推車塞塹率數百人先登西北
角徑至城上賊爲重柵斷攻道苦戰移日不拔乃還
世祖詔曰天生始受戎任甫造寇壘而投輪越塹率
果先騰驍壯之氣嘉嘆無已可且賜布千疋以厲衆
較

劉秀之爲寧遠將軍西戎較尉元凶弒逆秀之聞問
卽日起兵事寧遷寧朔將軍益州刺史及南譙王義
宣據荊州爲逆秀之遣中兵參軍韋山松襲江陵進
號征虜將軍以起義功封康樂縣侯食邑六百戶
顧彬之爲寧朔將軍世祖入討元凶劭彬之受竟陵
王誕節度誕遣參軍劉季之與彬之并勢自頓西陵

以爲後繼劭遣將軍華欽庾導東討與彬之弟相逢於
曲阿之奔牛塘路甚狹左右皆悉入菰葑彬之軍人
多齎藍屐於葑中夾射之欽等大敗事平彬之封陽
新縣侯食邑千戶季之零陽縣侯食邑五百戶

沈慶之爲步兵較尉自太祖北伐時亡命司馬黑石
廬江叛史夏侯方進在西陽五水誑動羣蠻自淮汝
至于江沔咸罹其患帝遣慶之督諸將討之及世祖
踐祚以慶之爲領軍將軍加散騎嘗侍尋出爲南充
州刺史鎮盱眙帝伐逆定亂思將帥之功下詔封慶
之南陽縣公食邑三千戶又曾爽反慶之討平之進

號鎮北大將軍督青冀幽三州給鼓吹一部及竟陵
王誕據廣陵反以慶之爲車騎大將軍旣平誕進司
空固讓於是與柳元景竝依晉密陵侯鄭褒故事朝
會慶之位次司空元景在從公之上給衛吏五十人
門施行馬慶之以郡公就第每從遊幸及較獵據鞍
陵厲不異少壯太子妃上世祖金鏤七箸及杆杓帝
以賜慶之曰卿辛勤匪殊歡宴宜等且觴酌之賜宜
以大夫爲先也前廢帝卽位賜慶之几杖給三望車
一乘

劉劭爲寧遠將軍自太祖元嘉末蕭簡據廣州爲亂

勳討之以功封大亭侯世祖大明初劉道隆請爲寧朔司馬竟陵王誕據廣陵爲逆勳隨道隆受沈慶之節度事平封金城縣五等侯除西陽王子尚撫軍先是遣費沈伐陳檀不克乃除勳爲龍驤將軍旣至進討隨宜翦定還除新安王子鑾撫軍中兵參軍太宗卽位加寧朔將軍及江州刺史晉安王子勳爲逆四方響應豫州刺史殷琰反叛徵勳還都假輔國將軍率衆討破琰除輔國將軍廣州刺史柳光世爲左將軍直閣太宗定亂以參謀功爲右衛將軍封開國縣侯食邑千戶

殷孝祖爲積射將軍世祖初累與魏軍戰頻大破之還授太子旅賁中郎將加龍驤將軍又竟陵王誕據廣陵爲逆孝祖攻誕有戰功遷西陽王子尚撫軍寧朔將軍廢帝景和初以本將軍督兖州諸軍事兖州刺史太宗卽位四方反叛徵之孝祖棄妻子率文武還都進號冠軍假節督前鋒諸軍事因遣向虎檻拒對南賊御仗先有諸葛亮箭袖鎧帽二十五石弩射之不能入帝悉以賜孝祖

吳喜假建武將軍時太宗初卽位四方反叛喜所至克捷遷步兵較尉封竟陵縣侯食邑千戶又遷輔國

將軍平定荊州遷前軍將軍增邑三百戶

沈攸之爲寧朔將軍尋陽太守破南賊於赭圻太宗
尋假攸之節進號輔國將軍代殷孝祖督前鋒諸軍
事尋克赭圻遷使持節督雍梁南北秦四州郢州之
竟陵諸軍事冠軍將軍領寧蠻較尉雍州刺史又進
平尋陽徙監郢州諸軍事前將軍郢州刺史持節如
故不拜遷中領軍封貞陽縣公食邑二千戶

王玄謨爲領軍將軍太宗卽位四方反叛以玄謨爲
大統領水軍南討以脚疾聽乘輿出入尋陽除大將
軍江州刺史副司徒建安王於赭圻賜以諸葛亮箭

袖鎧

黃回爲龍驤將軍攻合肥破之太宗以其功封葛陽
縣男食邑二百戶後廢帝時以屯騎較尉討桂陽王
休範事平轉驍騎將軍加轉國將軍進爵爲侯封聞
喜縣後遷冠軍將軍率軍將討建平王景素平之增
邑五百戶進號征虜將軍加散騎嘗侍

彭文之爲龍驤將軍以討建平王景素功封葛陽縣
男食邑三百戶

任農夫爲疆弩將軍太宗初以東討功封廣普縣子
食邑五百戶東土平定又南討增邑二百戶爲左將

軍討桂陽王休範以戰功改封屏陵縣侯增邑千戶并前千七百戶

高道慶以軍較平桂陽王休範功封樂安縣男食邑三百戶

南齊蕭赤斧宋孝武時爲軍主竟陵王誕反廣陵隸沈慶之圍廣陵城攻戰有勲事寧封永安亭侯食邑三千七百戶至世祖時爲左衛將軍親遇與寧朔將軍蕭景先相比封南豐縣伯邑四百戶

王廣之宋明帝泰始初爲寧朔將軍北征沈文秀其長廣太守劉桃根棄城走軍還封安蠻縣子邑三百

戶後爲冠軍將軍討宋建平先登京口改封寧都縣子邑五百戶太祖卽位爵侯食邑爲千戶

張懷爲驍騎將軍沈攸之事起劉秉弟遐聚衆治攻具懷部曲斬遐獻捷太祖卽授輔國將軍吳郡太守封懷義成縣侯邑千戶建元元年增邑二百戶尋改封平都遷侍中加領步兵較尉

垣崇祖爲遊擊將軍使持節監豫司二州諸軍事魏軍寇壽春崇祖召文武議當用謀以制之堰淝水爲險魏衆攻城人馬溺死數千大衆皆退走初崇祖在淮陰見太祖自比韓信白起咸不信唯太祖獨許之

冊府元龜 卷之三百七十九

崇祖再拜奉旨及破虜啟上太祖請朝臣曰崇祖許為我制虜果如其言且嘗自擬韓白今真其人也進為都督號平西將軍增封千五百戶崇祖聞陳顯達李安民皆增給軍儀啟上求鼓吹橫吹太祖勅曰韓白何可不與眾異乃給鼓吹一部

張敬兒為輔國將軍持節都督雍梁二州郢司二郡軍事沈攸之事起敬兒遣使告變太祖大喜進號鎮軍將軍加散騎常侍改為都督給鼓吹一部

王敬則為冠軍將軍沈攸之事起太祖入守朝堂袁粲起兵召領軍劉韞直閣將軍卜伯興等於宮內相應

戒嚴將發敬則開關掩襲皆殺之殿內竊發盡平敬則之力也遷右衛將軍增封為二千五百戶尋又加

五百戶齊臺建為中領軍建元元年出為使持節散騎嘗侍都督南兗徐青冀五州軍事平北將軍南

徐州刺史封尋陽郡公邑三千戶加敬則妻懷氏爵為尋陽國夫人遷護軍嘗侍如故以家為府以改葬

去職詔贈敬則母尋陽國公太夫人改授侍中撫軍將軍太祖遣詔敬則以本官領丹陽郡尹尋遷為使

持節散騎嘗侍都督會稽東陽新安臨海永嘉五郡

軍事會稽太守世祖永明二年給鼓吹二部

冊府元龜 將帥部 卷之三百七十九 十四

陳顯達爲冠軍將軍沈攸之事起顯達遣軍援臺攸之平除左衛將軍轉前將軍太祖太尉左司馬齊臺建爲散騎嘗侍左衛將軍領衛尉太祖卽位遷中護軍增邑千六百戶轉護軍將軍顯達啟讓帝曰朝廷爵人以序卿忠調發萬里進誓如期雖屠城殄國之勲無以相加此而不賞典章何在若未必宜爾吾終不忘授於卿數上意同家人豈止於君臣耶世祖永明八年遷侍中鎮軍將軍尋加中領軍出爲使持節散騎嘗侍都督江州諸軍事征南大將軍江州刺史給鼓吹一部後遷車騎將軍開府預廢鬱林之勲爲

司空進爵爲公甲仗五十人入殿明帝卽位進太尉侍中如故改封鄱陽郡公加兵二百人給油絡車劉懷珍爲左將軍沈攸之圍郢城懷珍遣建寧太守張謨等破賊前鋒進平南將軍增督南豫北徐二州增邑爲千戶

李安民爲冠軍將軍南兖州刺史沈攸之反太祖召安民以本官鎮白下治城隍加征虜將軍進軍西討又進前將軍行至湓城沈攸之平仍授督郢州司州之義陽諸軍事郢州刺史又遷左衛將軍領衛尉太祖卽位爲中領軍封康樂侯邑千戶尋爲領軍將軍

魏兵寇壽春至馬頭詔安民出征加鼓吹一部
垣榮祖爲驍騎將軍太祖以預佐命勲封將樂縣子
邑三百戶

周山圖宋明帝時爲殿中將軍時四方反叛僕射王
彧舉山圖將領明帝呼與語甚悅使領百舸爲前驅
舉軍主倭長生等攻破賊湖白赭圻二城除員外郎
加振武將軍預平濃湖追賊至西陽還明帝賞之賜
苑西宅一區沈攸之事起世祖爲西討都督啟山圖
爲軍副山圖斷取行旅船板以造樓櫓立水柵旬日
皆辦世祖甚嘉之授前將軍加寧朔將軍進號輔國
將軍攸之攻城世祖令山圖量其形勢攸之旣敗太祖
遣山圖領部曲鎮京城鎮戍悉受節度遷游擊將軍
太祖建元元年封晉興縣男邑三百戶後轉黃門郎
領羽林四廂直衛及疾帝手勅參問遣醫給藥以世
祖永明元年卒召賜朝服二具衣一襲

呂安國爲建威將軍宋明帝泰始中征殷琰於壽春
安國與輔國將軍垣閔屯據城南於是衆軍繼至安
國勲第一封彭澤縣男未拜改封鍾武縣加邑爲四
百戶後爲征虜將軍沈攸之事起太祖以安國爲湘
州刺史時任侯伯行湘州事侯伯與黃回袁燦謀石

頭事太祖令安國至鎮收侯伯誅之尋進號前將軍
建元元年進爵增邑六百戶

薛淵爲輔國將軍沈攸之之難太祖入朝堂淵率軍赴
難及太祖卽位增邑爲二千五百戶加寧朔將軍
戴僧靜爲游擊將軍預平沈攸之太祖論封諸將以
僧靜爲興平縣侯邑千戶及卽位增邑千二百戶
桓康爲冠軍將軍太祖時康於淮陽大破魏軍以康
持節督青冀二州東徐之東莞瑯邪二郡胸山戍北
徐之東海連口戍諸軍事世祖卽位轉驍騎將軍卒
詔曰康昔預南勲倍深惻愴凶事所湏厚加斷理

曹虎爲屯騎較尉預平石頭功封羅江縣男除前軍
將軍太祖受禪增邑爲四百戶

蕭景光爲世祖征虜府司馬領新蔡太守隨鎮淦城
沈攸之事平還都除寧朔將軍太祖卽位遷太子左
衛率封新吳縣伯邑五百戶出爲持節督司州軍事
寧朔將軍時魏軍出淮泗景光先斷塞關隘魏軍退
進號輔國將軍後爲征虜將軍丹陽尹卒詔賻錢十
萬布二百疋贈侍中征北將軍南徐州刺史給鼓吹
一部

崔慧景爲西戎較尉梁南秦二州刺史攻擊烏奴大

敗之世祖以慧景進號冠軍將軍

裴叔業爲寧朔將軍時魏軍圍徐州叔業攻魏柵外
二城克之明帝以叔業有勲勞封武昌縣伯五百戶
蕭坦之爲右衛將軍督徐州征討軍事魏軍圍鍾離
垣之擊破之還遷領軍將軍後加右將軍督衆軍討
始安王遙光屯湘宮寺事平遷尚書右僕射丹陽尹
進爵爲公增邑千戶

沈文季爲冠軍將軍督吳錢塘軍事沈攸之反文季
收殺攸之宗族太祖加文季持節進號征虜將軍封
畧陽縣侯邑千戶至明帝時加散騎嘗侍建武二年
魏軍寇壽春詔文季領兵鎮壽春魏軍尋退增封爲
千九百戶尋加護軍將軍

張冲爲冠軍將軍都督青冀二州北討諸軍事東昏
時魏軍攻司州冲軍主杜僧護力戰大破之遷廬陵
王北中郎將司馬加冠軍將軍

册府元龜

册府元龜

將帥部

卷之五

十八

册府元龜 卷三百四十九

册府元龜

巡按福建監察御史臣李嗣京 訂正

新建縣舉人 臣戴國士 參閱

知建陽縣事 臣黃國琦 較釋

將帥部 四十一

褒異第六

梁王茂為寧朔將軍江夏內史宋順帝時魏軍圍司州茂從高祖拒之大破魏將王肅等遷輔國將軍復為驃騎將軍都督江州諸軍事薨於州高祖甚悼惜之賻錢三十萬布三百疋詔贈侍中太尉加班劍三

册府元龜 將帥部 卷三百四十九

十人鼓吹一部

曹景宗爲屯騎較尉齊明帝時魏主拓跋宏逼赭陽以景宗爲偏將每衝堅陷陣輒有斬獲以勲除游擊將軍高祖卽位景宗爲冠軍王茂濟江圍郢城及高祖入頓新城復與衆軍長圍六門城平拜散騎嘗侍右衛將軍封湘西縣侯食邑二千六百戶仍遷持節都督郢司二州諸軍事左衛將軍郢州刺史天監元年進號征西將軍改封竟陵縣侯後爲右將軍擊破魏大將楊大眼諸城獻捷高祖振旅凱入增封四百戶并前爲二千戶進爵爲公詔拜侍中領軍給鼓吹一部七年遷侍中中衛將軍江州刺史赴任卒於道詔贈錢二十萬布三百疋追贈征北將軍雍州刺史開府儀同三司

柳慶遠爲冠軍將軍征東長史從高祖軍東下身先士卒建康城平入爲侍中領前軍將軍霸府建以爲太尉從事中郎高祖受禪遷散騎嘗侍右衛將軍加征虜將軍封重安侯食邑千戶天監二年遷領軍改封雲社侯四年加使持節都督雍州南北秦四州諸軍事征虜將軍寧蠻較尉雍州刺史高祖餞於新亭謂曰卿衣錦還鄉朕無西顧之憂矣十年遷侍中領

軍將軍給鈇鉞并鼓吹一部十二年遷安北將軍寧蠻較尉雍州刺史卒贈開府儀同三司喪還都武帝親出臨之

蕭穎胄齊和帝時為鎮軍將軍荊州刺史及義師之起穎胄遣軍拒巴東太守蕭瓚等而高祖已平江鄂圖建康穎胄卒和帝贈穎胄丞相及高祖受禪詔追封巴東郡開國公食邑三千戶

蕭穎達為冠軍將軍率師隨高祖圍郢城高祖已平江鄂及建康城以穎達為前將軍丹陽尹高祖受禪穎達遷散騎嘗侍及大論功賞封穎達吳昌縣侯邑五百戶尋為大中改封存唐侯縣邑如前遷征虜將軍後轉散騎嘗侍左衛將軍俄復為侍中衛尉卿出為信威將軍豫章內史秩中二千石頃之入遷信武將軍右衛將軍卒車駕臨哭給東園祕器朝服一襲錢二十萬布二百疋追贈侍中中衛將軍鼓吹一部蔡道恭齊和帝時為右衛將軍巴西太守魯休烈等自巴蜀連兵寇上明以道恭持節督西討諸軍事破休烈等降於軍門以功遷中領軍固辭不受出為使持節右將軍司州刺史高祖天監初論功封漢壽縣伯邑七百戶號平北將軍

楊公則齊世祖時爲寧朔將軍扶風太守頃之荊州刺史巴東王子響搆亂公則率師進討事平遷武寧太守和帝卽位授持節都督湘州諸軍事時高祖平郢城公則東下湘部諸軍多未賓從及公則還州然後諸屯聚竝散天監元年進號平南將軍封寧都縣侯邑一千五百戶

鄧元起初爲齊弘農太守平西軍事時西陽馬榮率緣江寇抄刺史蕭遙欣使元起率衆討平之遷武寧太守後加冠軍將軍率衆與高祖會于夏口高祖命元起圍郢城擊敗張冲和帝卽位授冠軍將軍平越中郎將廣州刺史遷給事黃門侍郎移鎮南塘西諸軍事齊和帝中興元年七月郢城降以本號爲益州刺史仍爲前軍先定尋陽及大軍進至京邑元起築壘於建陽門與王茂曹景宗等合長圍建康城平進號征虜將軍天監初封當陽縣侯食邑二千二百戶又進號左將軍

張弘策爲輔國將軍督後部軍事西臺建爲步兵較尉遷車騎諮議參軍高祖入頓石頭弘策屯門禁衛城平高祖遣弘策先入清宮弘策申勒部曲秋毫無犯遷衛尉卿加給事中天監初加散騎嘗侍洮陽縣

侯邑一千二百戶

庾域爲寧朔將軍從高祖平郢城霸府初開以爲諮議參軍天監初封廣牧縣子後軍司馬出爲寧朔將軍巴西梓潼二郡太守魏騎兵進襲巴西城固守百餘日魏軍退詔增封二百戶

鄭紹叔爲衛尉卿冠軍將軍時魏軍圍合肥紹叔以本號督衆軍鎮東關事平復爲衛尉移鎮關南持節征虜將軍司州刺史後徵爲左將軍加通直散騎嘗侍領司豫二州大中正紹叔至家疾篤詔於宅拜授輿載還府中使醫藥一息數至尋卒於府舍高祖將臨其殯紹叔宅巷狹陋不容輿駕乃止詔贈散騎嘗侍護軍將軍給鼓吹一部東園祕器衣一襲朝服一具凶事所須隨絲資給

呂僧珍爲輔國將軍步兵較尉從高祖平郢城進僧珍爲前鋒旣平建康城高祖命僧珍率所領先入清宮卽日以本官帶南彭城太守遷給事黃門侍郎領武賁中郎將高祖受禪以爲冠軍將軍前軍司封平固縣侯邑一千二百戶天監四年大舉北伐五年命僧珍率羽林勁勇出梁城其年冬以左衛將軍領太子中庶子僧珍去家久表求拜墓高祖欲榮之使爲

本州乃授使持節平北將軍南兗州刺史及疾病高祖車駕臨幸中使醫藥日有數四既卒高祖即日臨殯詔贈驃騎將軍開府儀同三司嘗侍鼓吹侯如故給東園祕器朝服一具衣一襲喪事所須隨絲備辦高祖痛惜之言爲流涕

柳惔齊和帝時爲侍中領軍將軍高祖之鍾襄陽爲惔祖道帝解王環贈之天監二年元會帝謂曰卿所佩玉環是新亭所贈耶對曰旣而瑞感神衷臣謹服之無斃帝因勸之酒惔時未卒帝曰吾嘗比卿劉越石近辭卮酒邪罷會封曲江縣侯邑千戶後出爲使持節安南將軍湘州刺史卒于州高祖爲素服舉哀贈侍中撫軍將軍給鼓吹一部

柳悅者惔之弟也齊和帝時爲冠軍將軍南平太守從高祖平鄧州高祖踐祚以悅爲五兵尚書領驍騎將軍論建義功封丹陵伯邑七百戶

韋叡爲輔國將軍豫州刺史領歷陽太守高祖詔率豫州之衆擊魏軍所護軍實牛馬不可勝紀以功增封七百戶進爵爲侯天監十七年爲散騎嘗侍護軍將軍尋給鼓吹一部入直殿省及卒高祖即日臨哭甚慟賜錢十萬布二百疋東園祕器朝服一具衣一

襲喪事取給於官遣中書舍人監護贈侍中車騎將軍開府儀同三司

王珍國齊明帝時爲輔國將軍會稽太守王敬則反珍國率衆距之敬則平遷寧朔將軍高祖義師起以功授右衛將軍後遷護軍將軍通直散騎嘗侍丹陽尹卒詔贈車騎將軍給鼓吹一部贈錢十萬布百疋馬仙琕爲振遠將軍時胸山民殺瑯邪太守劉昕以城降魏高祖詔仙琕討之魏徐州刺史盧昶以衆十餘萬赴馬仙琕與戰累破之振旅還京師遷太子左衛率進爵爲侯增邑六百戶

馮道根爲驍騎將軍封增城縣男南梁太守高祖天監二年魏將黨德宗率衆奄至城下道根戰敗之遷輔國將軍六年魏攻鍾離詔道根爲前驅魏軍敗績進爵爲伯改封魏寧縣八年拜豫州刺史領汝陰太守後徵爲散騎嘗侍左軍將軍卒於官是日輿駕春祠二廟及出宮有司以聞帝問中書舍人朱异曰吉凶同日今可行乎對曰昔柳莊寢疾衛獻公當祭請尸曰有臣柳莊非寡人之臣社稷之臣也聞其死請往不釋祭服而往遂以禴之道根雖未爲社稷臣亦有勞王室臨之禮也帝卽駕幸其宅哭之甚慟

裴邃齊東昏時爲輔國將軍廬江太守時魏將呂頗率衆五萬奄來攻郡邃麾下距破之加右將軍又征邵陽洲擊魏衆大破之以功封夷陵縣子邑三百戶遷將軍長史高祖時累遷至宣毅將軍大軍北伐以邃督征討諸軍事卒於軍中追贈侍中左衛將軍給鼓吹一部進爵爲侯增邑七百戶

裴之橫爲河東內史隨王僧辨拒侯景於巴陵景退遷持節平北將軍東徐州刺史中護軍封豫章侯邑二千戶

夏侯亶爲中護軍與湛僧智襲破魏軍於淮肥以亶爲使持節都督豫州綠淮南豫霍義定五州諸軍事雲麾將軍大通二年進號平北將軍三年卒高祖聞之卽日素服舉哀贈車騎將軍

蘭欽爲東宮直閣大通都督衡州三郡兵討平桂陽陽山始興叛蠻封安懷縣男邑五百戶又以魏將托跋滕寇襄陽仍勅赴援除持節督南梁北秦沙四州軍事光烈將軍平西較尉南秦二州刺史增封五百戶進爵爲侯破降魏梁州刺史元羅梁漢底定進號智武將軍增封二千戶後爲安南將軍廣州刺史卒詔贈侍中中衛將軍鼓吹一部

王僧辯為征東將軍江州刺史大破侯景衆世祖加僧辯侍中尚書令征東大將軍給鼓吹一部後既平湘州旋于江陵因被詔會衆軍西討督舟師二萬輿駕出天居寺餞行及為鎮軍將軍破北齊文宣衆振旅于建業承聖三年二月甲辰詔曰贊俊遂贖稱于秦典自上安下聞之漢制所以仰協台曜俯佐弘圖使持節侍中司徒尚書令都督揚南徐東揚三州諸軍事鎮衛將軍揚州刺史永寧郡開國公僧辯器宇凝深風格詳遠行爲士則言表身文學貫九流武該七畧頃歲征討自西徂東師不疲勞民無怨讟王業艱難實兼夷險宜其燮此中台膺茲上將寄之經野贊我朝猷可太尉車騎大將軍

杜崩為武州刺史封枝江縣侯隨領軍王僧辯東討侯景至巴陵景遁加侍中進爵為公仍隨僧辯追景至石頭景敗崩入據臺城景平加散騎嘗侍江州刺史卒詔曰崩京兆舊姓元凱苗裔家傳學業世載忠貞自驅傳江渚政號廉能推穀淺源實聞清靜奄致殞喪惻愴于懷可贈車騎將軍加鼓吹一部謚曰武杜龕崩第二兄岑之子也為忠武將軍大破侯景景遂東奔論功為最授平東將軍東揚州刺史益封一

千戶

陳杜僧明梁元帝時為陵野將軍時侯景遣于慶等
寇南江高祖頓豫章命僧明為前驅所向克捷高祖
表僧明為長史仍隨東討軍至蔡州僧明率麾下燒
賊水門大艦及景平以功除員外散騎嘗侍明威將
軍南兖州刺史進爵為侯增邑并前五百戶領晉陵
太守元帝承聖二年從高祖北圍廣陵加使持節遷
通直散騎嘗侍平北將軍餘如故荊州陷高祖使僧
明率吳明徹等隨侯瑱西援於江州病卒贈散騎嘗
侍世祖即位追贈開府儀同三司天嘉二年配享高

祖廟廷子晉嗣

周文育為雄信將軍時侯景將王伯醜據豫章文育
擊走之遂據其城累前後功除游擊將軍員外散騎
嘗侍封連遷縣侯邑五百戶高祖軍至白茅灣命文
育與杜僧明嘗為軍鋒于南陵鵠頭諸城及至姑熟
與景將侯子鑒戰破之景平授通直散騎嘗侍改封
南夷縣侯邑千戶拜信義太守後除督南豫州諸軍
事嚴威將軍率兵會高祖拒齊兵與徐嗣徽戰與白
城嗣徽等退加平西將軍進爵壽昌縣公并給鼓吹
一部

侯安都爲猛烈將軍隨高祖鎮京口除蘭陵太守高祖謀襲王僧辯諸將莫知者唯與安都定計安都旣擒僧辯以功授使持節散騎嘗侍督南徐州諸軍事仁威將軍南徐州刺史及高祖與齊軍戰於幕府山命安都領步兵橫擊齊軍大敗以功進爵爲侯增邑五百戶給鼓吹一部又進號平南將軍改封曲江縣公仍督水軍討蕭勃頻戰克師還以功進號鎮北將軍加開府儀同三司至世祖時累封桂陽郡公及東陽太守留異叛奉詔東討異振旅而歸以功加侍中征北大將軍增邑并前五千戶

侯瑱梁元帝時爲武臣將軍隨都督王僧辯討侯景大敗其軍以功除南豫州刺史鎮于姑熟大敗齊將郭元建於東關除使持節鎮北將軍給鼓吹一部增邑二千戶高祖永定二年進位司空與領軍將軍徐度討王琳與駕幸石頭親送瑱及世祖卽位進授太尉增邑千戶又爲西討都督與周將獨孤盛軍以功授使持節都督湘桂郢巴武沅六州諸軍事湘州刺史改封零陽郡公邑七千戶天嘉二年以疾表求還朝三月於道卒贈侍中驃騎大將軍大司馬加羽葆鼓吹一部班劍二十人給東園祕器其年九月配享

高祖廟庭

歐陽頎為始興內史高祖之討蔡路養李遷仕也頎率兵渡嶺以助高祖及路養等平頎有功梁元帝承制以頎為持節通直散騎嘗侍都督東衡州諸軍事雲麾將軍東衡州刺史新豐縣伯邑四百戶高祖永定三年增都督衡州諸軍事開府儀同三司世祖嗣位進號征南將軍改封陽山郡公邑一千五百戶又給鼓吹一部天嘉四年薨贈侍中車騎大將軍司空廣州刺史

吳明徹梁元帝時為戎昭將軍安州刺史敬宗時初

隨周文育討杜龕張彪等東道平授使持節散騎嘗侍安東將軍南交州刺史封安吳縣侯高祖受禪拜安南將軍世祖時累遷中領軍廢帝即位授領軍將軍尋遷丹陽尹及湘州刺史華皎陰有異志詔授明徹使持節都督湘桂武三州諸軍事安南將軍湘州刺史給鼓吹一部率兵討平皎授開府儀同三司進爵為公孝宣太建元年授鎮南將軍四年徵為待中會朝議北伐公卿互有異同明徹決策請行五年詔加侍中都督征討諸軍事仍賜女樂一部總統衆軍十餘萬發自京師軍至秦郡尅其水柵齊遣大將軍

尉破胡將兵為援明徹破走之秦郡乃降高祖以秦郡明徹舊邑詔具太牢令拜祠上冢文武羽儀甚盛鄉里以為榮進尅仁州授征北大將軍進爵南平郡公增邑拜前二千五百戶次平峽石岸二城進逼壽陽生擒齊將王琳詔加都督豫合建光朔北徐六州諸軍事車騎大將軍豫州刺史增封并前三千五百戶六年自壽陽入朝輿駕幸其第賜鍾磬一部米萬斛絹布二十疋七年進攻彭城軍又大破之八年進位司空周鐵虎梁元帝時為仁威將軍從王僧辯克定京邑平陸納於湘州以前後功進爵為侯增邑并前五百

戶

程靈洗梁元帝時為雲麾將軍禽賊帥趙乘乾以功授持節散騎嘗侍都督青冀二州刺史增邑并前一千戶敬帝時遷信武將軍助防京口及平徐嗣徽有功除南丹陽太守封遂安縣侯增邑并前一千五百戶高祖末討王琳於南陵破之以功授使持節都督南豫州緣江諸軍事信武將軍南豫州刺史世祖天嘉四年擊走周迪五年遷中護軍廢帝即位進號雲麾將軍華皎之叛也遣使招誘靈洗靈洗斬皎使以狀聞朝廷深嘉其忠增其守備給鼓吹一部又進攻

周沔州克之禽其刺史裴寬以功進號安西將軍改封重安縣公增邑并前二千戶光大二年卒贈鎮西將軍開府儀同三司宣帝大建四年詔配享高祖廟庭

程文季者靈洗之子也世祖天嘉中爲貞毅將軍鎮東府中兵參軍時陳寶應與劉異連結世祖遣文季爲前鋒所向克捷戰功居多還轉府諮議參軍領中直兵孝宣太建二年爲豫章內史隨都督章昭達往荊州征蕭歸以功加通直散騎嘗侍安遠將軍增邑五百戶五年隨都督吳明徹圍壽陽每戰嘗爲前鋒

齊人深憚之以功除散騎嘗侍明威將軍增邑五百戶

黃法氈爲信武將軍高祖永定二年王琳遣李欽樊猛余孝頃等攻周迪且謀取法氈法氈率兵援迪禽孝頃等三將進號宣毅將軍增邑并前一千戶給鼓吹一部又以拒王琳功授平南將軍開府儀同三司至孝宣大建五年爲征南大將軍與北伐都督吳明徹出秦郡大破齊軍以功加侍中改封義陽郡公邑二千戶其年遷都督合霍二州諸軍事增邑五百戶七年徙都督豫建光朔合北徐州六州諸軍事八年

薨贈侍中中權大將軍司空

淳于量梁元帝時爲信威將軍與都督王僧辯併力克平侯景承聖元年以功授左衛將軍謝沐縣侯邑五百戶高祖受禪受持節散騎嘗侍平西大將軍給鼓吹一部少帝光大元年爲持節征南大將軍西討大都督平華皎并降周將長湖公柘拔定等以功授侍中中軍開府儀同三司進封醴陵縣公增邑一千戶孝宣大建五年爲中護大將軍吳明徹之西伐也量贊成其事遣第六子岑率所領從軍淮南克定改封始安郡公增邑千五百戶

章昭達吳興武康人也高祖討王僧辯令世祖還長城僧辯旣誅杜龕遣其將杜泰來攻長城世祖拒之命昭達總知城內兵事及泰退走因從世祖東進軍吳興以討龕龕平又從世祖東討張彪於會稽克之累功除明威將軍定州刺史天嘉元年追褒長城之功封欣樂縣侯邑一千戶尋隨侯安都等討平王琳昭達册勲第一二年除使持節散騎嘗侍都督巴武沅等州諸軍事智武將軍鄧州刺史增邑并前五百戶尋進號平西將軍又詔征周迥於臨川敗走之徵爲護軍將軍給鼓吹一部改封邵武縣侯增邑并前

二千戶四年陳寶應納周迪復共寇臨川又以昭達
爲都督討迪至東興嶺而迪退又討禽寶應遂克定
閩中以功授前將軍開府儀同三司少帝卽位遷侍
中征南將軍改封邵陵郡公華皎之反也昭達又平
之進號征南將軍增邑并前二千五百戶及歐陽紇
據有嶺南詔昭達都督衆軍討平之以功進車騎大
將軍遷司空孝宣大建三年薨贈大將軍增邑五百
戶給班劍二十人四年配享世祖廟庭

胡穎梁敬帝太平元年爲仁威將軍兼丹陽尹高祖
受禪兼左衛將軍永定三年隨侯安都征王琳於宮

破賊帥常衆愛世祖嗣位除散騎嘗侍吳興太守
其年六月卒贈侍中中護軍配享高祖廟庭

徐度梁元帝時爲寧朔將軍合州刺史侯景之亂每
戰有功加通直散騎嘗侍封廣德縣侯邑五百戶遷
散騎嘗侍高祖鎮朱方除信武將軍蘭陵太守高祖
平王僧辯度與侯安都爲水軍敬帝紹泰元年高祖
東討杜龕奉敬帝幸京口以度領宿衛并知畱府事
徐嗣徽等引齊寇濟江度隨衆軍破之於郊壇以功
除信威將軍郢州刺史兼領吳興太守尋遷鎮右將
軍徐州緣江諸軍事鎮北將軍南徐州刺史給鼓吹

一部世祖天嘉元年增邑千戶以平王琳功改封湘東郡公邑四千戶

徐敬成者度之子也世祖天嘉中爲湘東郡公隨章昭達征陳寶應晉安平除貞威將軍豫章太守敬帝時累遷貞威將軍吳興太守隨都督吳明徹北討以功加通直散騎嘗侍雲旗將軍增邑五百戶又進號壯武將軍安州刺史卒贈散騎嘗侍

杜稜梁元帝時爲仁威將軍高祖東征杜龕留稜居守綏撫士卒未嘗解甲帶賊平以功除通直散騎嘗侍右衛將軍丹陽尹世祖卽位以預建立之功改封

永城縣侯增邑五百戶

徐世譜梁元帝時爲散騎嘗侍領水軍從司徒陸法和討侯景大敗景軍以功除使持節信武將軍信州刺史封魚復縣侯邑五百戶仍隨王僧辯東下嘗爲軍鋒又破景將侯子監於湖熟侯景平後以功除衡州刺史增邑并前一千戶高祖永定二年遷護軍將軍世祖嗣位加特進號右將軍天嘉元年增邑百戶周敷梁元帝時爲武侯將軍周祖受禪王琳據有上流熊曇朗殺周文育據豫章敷與周迪黃法氈等進兵圍曇朗屠之王琳平授散騎嘗侍平西將軍豫章

太守世祖天嘉二年詣闕進安西將軍給鼓吹一部賜以女妓金帛令還鎮豫章

荀朗梁元帝時為安南將軍高祖入輔朗與侯安都等大破齊軍高祖卽位賜爵興寧縣侯邑二千戶世祖卽位又與安都拒王琳琳平遷使持節安北將軍散騎嘗侍都督霍晉合三州諸軍事天嘉六年卒贈豫州刺史

陳惠紀世祖時為明威將軍副司空章昭達征蜀城都督於荊州燒青泥船艫少帝卽位以功除持節通直散騎嘗侍宣遠將軍豐州刺史增邑并前一千戶
章戴梁元帝時為建威將軍尋陽太守隨都督王僧辯東討侯景載率太原高塘新蔡三郡兵與僧辯會于梁山景平除冠軍將軍瑯邪太守

韓子高世祖元嘉二年為壯武將軍隨侯安都征留異平之除假節貞毅將軍東陽太守五年章昭達等自臨川征晉安子高自安泉嶺會于建安晉安平以功遷通直散騎嘗侍進爵為伯增邑并前四百戶

陸子隆世祖時為明威將軍隨都督章昭達討周迪大破賊徒晉安平以功最多遷假節督武州諸軍事尋改封朝陽縣伯邑三百戶

錢道戢爲輕車將軍孝宣初以步軍都督討歐陽紇之亂紇平除左衛將軍太建二年隨章昭達征蕭巋攻安蜀城降之以功加散騎嘗侍仁威將軍增邑并前九百戶又授使持節都督郢巴武三州諸軍事王師北討道戢與儀同黃法氈圍歷陽城旣平因以道戢鎮之以功加雲麾將軍增邑并前一千一百戶裴忌高祖時爲左衛將軍世祖天嘉初出爲持節南康內史時義安太守張紹賓據郡反世祖以忌爲持節都督嶺北諸軍事率衆討平之除散騎嘗侍司徒左長史

孫瑒吳郡人也爲戎昭將軍梁元帝時從王僧辯討侯景力戰有功除員外散騎嘗侍封富陽縣侯邑一千戶又遷衡州平南府司馬破黃洞蠻賊有功除東莞太守高祖受禪遷安西將軍郢州刺史世祖卽位授使持節散騎嘗侍安南將軍湘州刺史請入朝徵爲侍中領軍夫拜而世祖從容謂瑒曰昔朱買臣願爲木郡卿豈有意乎仍改授使持節安東將軍吳郡太守給鼓吹一部及將之鎮乘輿幸近畿餞送鄉里榮之至後主時爲五兵尚書領右軍以年老累乞骸骨優詔不許禎明元年卒官後主臨哭盡哀贈護軍將

軍侍中如故給鼓吹一部朝服一具衣一襲喪事量加資給

司馬申梁元帝時爲開遠將軍王僧辯之討陸納也申在軍中于時賊衆奄至左右披靡申躬蔽僧辯蒙楯而前賊乃退除散騎侍郎至高祖天嘉中累遷員外散騎嘗侍後主時始與王叔陵之肆逆也事旣不捷出據東府申馳召右衛蕭摩訶帥兵先至追斬之因入城中收其府庫後主深嘉之以功除太子左衛率封文始伯邑四百戶

蕭摩訶世祖時爲巴山太守至孝宣太建五年衆軍北伐摩訶隨都督吳明徹濟江攻秦郡仍擊退齊師以功授明毅將軍員外散騎嘗侍封廉平縣伯邑五百戶尋進爵爲侯轉太僕卿七年又隨明徹進圍宿豫擊走齊將王康德以功除晉熙太守九年明徹進圍宿軍呂梁與齊人大戰摩訶率七騎先入齊衆大潰以功授持節武毅將軍譙州刺史及後主時始與王叔陵爲逆摩訶勒兵追斬之以功授散騎嘗侍車騎大將軍封綏遠郡公邑三千戶叔陵素所蓄聚金帛累巨萬後主悉以賜之尋改授侍中驃騎大將軍拜左光祿大夫舊制三公黃門閣聽事置鴟尾後主

持詔摩訶開黃閣門施行馬聽事寢堂並置鷓尾
樊毅梁末爲假節威戎將軍右中郎將代兄俊爲梁
興太守領三州遊軍隨宜豐侯蕭循討陸納於三州
力戰斬千餘級擊鼓申令衆乃退以功授持節通直
散騎嘗侍貞威將軍封夷道縣伯邑三百戶

樊猛者毅之弟也梁末爲威戎將軍梁安南侯蕭方
矩爲湘州刺史以猛爲司馬會武陵王蕭紀舉兵自
江漢東下方矩遣猛率湘郢之卒隨都督陸法和進
軍以拒之猛手擒斬紀父子三人以功授游騎將軍
封安山縣伯邑一千戶仍遣軍撫定梁益蜀境悉平

軍還遷持節散騎嘗侍輕車將軍司州刺史進爵爲
侯增邑并前二千戶至孝宣太建初遷武毅將軍領
長沙內史尋隸章昭達西討江陵以功封富川縣侯
邑五百戶

魯廣達梁元帝時爲壯武將軍晉州刺史隨王僧辯
討平侯景加員外散騎嘗侍高祖受禪授征遠將軍
又除假節信武將軍北新蔡太守隨吳明徹討周迪
於臨川每戰功最多仍代兄悉達爲吳州刺史封中
宿縣侯邑五百戶少帝光大元年授通直散騎嘗侍
都督南豫州諸軍事南豫州刺史時華皎稱兵上流

詔司空淳于量率衆軍進討軍至夏口廣達首率驍
勇直衝賊軍皎平授持節智武將軍都督巴州諸軍
事巴州刺史孝宣大建初與儀同章昭達入峽口拓
定安蜀等諸州鎮以功增封并前二千戶